

# KIDIMBU YA SAMBANU



Beto kulumusa bayintu ya beto kaka mwa ntangu fioti.

<sup>2</sup> Mfumu, beto ke vukana diaka samu na kisalu. Mpe beto ke banza na ntangu, na bilumbu ya ntete, na ntangu bawu nionso mataka kuna na Silo samu na kusosa balusakumunu ya Mfumu. Mpe ntangu yayi, na nkokila yayi, beto me vukana awa samu na kuwa Ndinga ya Nge. Mpe mutindu beto vwandaka longuka na kitini yayi ya Masonuku, ti Mwana-dimeme vwandaka Mosi kaka yina lendaka zibula Bidimbu, to kuzibula Yawu. Mpe beto ke sambila ti na nkokila yayi, mutindu beto ke longuka Kidimbu yayi ya nene ya Sambanu, beto ke sambila, Tata ya Mazulu, ti Mwana-dimeme ke zibula Yawu samu na beto na nkokila yayi. Ti, beto kele awa samu na kubakula Yawu. Mpe na yina muntu mosi ve na zulu ya ntoto, to na Mazulu, vwandaka ya kulunga, kaka Mwana-dimeme vwandaka ya kulunga. Na yina bika ti Yandi Yina kele Nyonso ya Kulunga kukwisa mpe kuzibula Kidimbu samu na beto na nkokila yayi, ti beto lenda tala kaka na simu yina ya rido ya ntangu. Ya ke sadisa beto, beto ke kwikila, Tata; na kilumbu yayi ya nene, ya mudidi, ya masumu yina beto ke na kuzinga; ya ke sadisa beto mpe ke pesa beto kikesa. Beto ke na kivuvu ntangu yayi ti beto ke mona lemvo na meso ya Nge. Beto ke kukipesa beto mosi, na Ndinga, na Nge, na Nkumbu ya Yesu Klisto. Amen.

Beno lenda vwanda.

<sup>3</sup> Mbote, bankundi ya munu. Ya ke bweso na kuvwanda diaka awa na nkokila yayi, samu na kuvwanda na kisalu ya Mfumu. Mu me kwisa fioti na manima ya ntangu. Mu kwendaka kaka na . . . samu na diambu mosi na nswalu mingi, samu na muntu mosi vwandaka kufwa, yandi kele mambele ya dibuundu yayi; mama ya yandi kele mambele, to mama ke kwisaka awa. Mpe bawu tubaka ti mwana-bakala vwanda kufwa na ntangu yina. Na yina mu—mu kwendaka kuna samu na kutala kaka kivudi ya muntu yina vwandaka na zulu ya mbeto, yina vwanda kufwa, bakala ya bamvula ya munu. Mpe kaka na mwa ntangu fioti, mu monaka bakala mosi me telama, yandi vwandaka pesa lukumu na Mfumu. Mpe na yawu, Nzambi, kana beto zola funguna masumu ya beto mpe kusala yina kele ya kusungama, kulomba mawa ya Yandi, kubokila Yandi, Nzambi me kubama mpe ke vingila na kupesa beto yawu.

<sup>4</sup> Mpe, ntangu yayi, mu zaba ti ya kele tiya na kati awa na nkokila yayi. Mpe—mpe ya kele . . . Ve, mu banza ti chauffage kele ya kieleka ya kufwa. Mpe—mpe beto kele . . .

<sup>5</sup> Mu monaka mazono na nkokila, to bubu yayi, yayi kele kilumbu ya munu ya sambwadi na kati ya kivinga kukondwa

nsemo, kaka minda ya nsula, beno me mona; mu vwandaka longuka, mpe mu vwandaka sambila Nzambi na kuzibula Bidimbu yayi.

<sup>6</sup> Mpe ya vwandaka na mingi yina sonikaka, na kati ya nkonga yina ya ba-kyuvu ya-. . .to bakyuvu mazono na nkokila, ya vwandaka, na kati-kati, ya vwandaka bakyuvu mingi ve. Ba vwandaka zola kuzwa lukutakanu ya kubeluka ya nzutu, na mutindu nyonso; ba vwanda zola kuvwanda kilumbu diaka, samu na kuzwa. . .na kuzwa lukutakanu ya kubeluka ya nzutu na Kilumbu ya ntete. Na yina mu—mu—mu zolaka, mu lendaka sala yawu, ya kieleka mu lendaka sala yawu kana ya vwandaka luzolo ya bantu na kusala yawu. Beno lenda banza na yawu mpe kuzabisa munu, kasi kana beno zola kaka kubikana mpe kusambila samu na bambevo.

<sup>7</sup> Samu, mu me kubika ntangu nionso yayi, ya muvimba, samu na Bidimbu yayi, mpe mu me kwenda vwanda munu mosi samu na Bidimbu.

<sup>8</sup> Na yina beno lenda banza yawu, mpe kusambila samu na yawu, mpe na yina beno zabisa munu. Mpe mu ke, kana Mfumu zola, mu lenda sala yawu. Lukutakanu ya munu yina ke kwisa ke vwanda na Albuquerque, na Nouveau-Mexique, mpe ya me bikana mwa bilumbu fioti diaka. Mpe mu ke vutuka na yinzo samu na kusalu mosi, samu na kukubika lukutakanu yankaka na Arizona. Mpe na yina, kuna, kana ya kele luzolo ya Mfumu! Beno sambila samu na yawu, mu ke sambila mpe samu na yawu, na yina beto ke zaba mingi samu na yawu na ntwala.

<sup>9</sup> Mu ke mona na ntangu yayi. Ntangu yayi mu ke mona. . . Ntangu beto ke banda na kuzonzila bimbevo, yawu yina ke kwiza, beno me mona. Mu ke mona mama yayi kele ya kuvwanda awa. Kana kima mosi me sadisa yandi ve, yandi ke vwanda ve awa kaka na mwa ntangu fioti. Na yawu, kuna, beno me mona, beto—beto ke sambila kaka ti Nzambi ke sala yawu. Yawu yina beno me kwisa awa, beno me katuka ntama. Na yawu, beno me mona, Mpeve-Santu zaba bima nionso, beno me mona. Na yawu Yandi. . .

<sup>10</sup> Kasi, beno me mona, mu mekaka na kukubika ntangu yayi samu na Bidimbu yayi, samu ti beto me kubika yawu samu na yawu, beno me mona. Kasi kana ya kele. . .

<sup>11</sup> Bambevo yikwa kele awa, na mutindu nionso, bayina me kwisa samu ba sambila samu na bawu? Beno telemisa maboko ya beno, bisika nionso, bisika nionso. Oh, la la! Hum! Mbote, bantu yikwa ke banza ti ya ke vwanda mbote, luzolo ya Mfumu, samu na kuvwanda mpe kuzwa yayi, samu na kubaka Kilumbu ya ntete na nkokila, kusambila kaka samu na bambevo, kuzwa Kilumbu ya ntete na nkokila samu na lukutakanu ya kubeluka ya nzutu? Beno zola sala yawu? Beno lenda sala yawu? Mbote, kana Mfumu zola, beto ke sala yawu na ntangu yina. Beno me

mona? Beto ke—beto ke sambila samu na bambevo, na Kilumbu ya tatu, to, na Lumingu na nkokila, to, na Kilumbu ya ntete na nkokila, mpe beto ke sambila samu na bambevo.

<sup>12</sup> Ntangu yayi, mu banza ve ti ya ke yangisa nkonga ya bantu yina ke vutuka na bawu, na kuvutuka na Arizona. Mpangi Norman, yandi kele awa kisika mosi kuna? Yina ke yangisa manaka ya nge, Mpangi Norman, to kima mosi? [Mpangi Gene Norman me tuba, “Ve.”—Mu.] Mpangi Fred mpe bayankaka ya beno, ya kele ya kulunga? [Bayankaka me tuba, “Ya kele ya kulunga.”] Beno me mona? Ya kele ok. Mbote mingi.

<sup>13</sup> Na yina, kana Mfumu kuzola, na Kilumbu ya ntete na nkokila beto ke sambila samu na bambevo, beto ke kubika kaka nkokila mosi samu na yawu, na mutindu nionso, beto ke sambila kaka samu na bambevo. Ntangu yayi, ya ke vwanda diaka ve na Bidimbu. Kana Mfumu ke zola kuzibula Bidimbu yayi, na yina beto ke sambila samu na bambevo, na Kilumbu ya ntete na nkokila.

<sup>14</sup> Ntangu yayi, oh, ya kieleka mu me sepela mingi, yayi, na kusadila Mfumu na zulu ya Bayayi! Beno me sepela na Yayi, kuzibuka ya Bidimbu? [Dibuundu me tuba, “Amen!”—Mu.]

<sup>15</sup> Ntangu yayi, beto ke tubila Kidimbu ya Tanu to, Kidimbu ya Sambanu, mu zola tuba. Mpe yina ke baka awa na nzila ya 12 ya kapu 6, tii na nzila ya 17. Ya kele mosi ya Bidimbu ya yinda. Yina kele mwa bima yina me salama awa. Mpe ntangu yayi. . .

<sup>16</sup> Samu na kuvutukila fioti yina beto monaka mazono na nkokila, kuvutuka fioti na manima, ntangu nionso.

<sup>17</sup> Mpe, mu ke tuba, mu—mu zola tuba kima mosi, dyaka. Mu monaka, na bwati yina, bima yiya to tanu ya mfunu mingi samu na munu. Ba me tuba na munu ti. . . Mpe ya kieleka mu ke lomba pardo samu na yawu. Ba ke na kubakaka? Ba ke na kubakaka na bande? Mu zola lomba pardo na bampangi ya munu balongi mpe na beno bantu awa. Ba me tuba na munu, na nkokila yankaka yina ntangu mu vwandaka zonzila na—zonzila na Elie, na ngunga yina ntangu bawu vwandaka. . . Yandi banzaka ti yandi vwandaka yandi mosi kaka yina zolaka kwenda na Enlevement, to yandi kaka muntu ke kuzwa mpulusu. Mu—mu tubaka bankama sambwadi na kisika ya mafunda sambwadi. Ya kele kieleka? [Dibuundu me tuba, “Yinga.”—Mu.] Mbote, ya kieleka mu ke na kiadi samu na yawu, bampangi. Mu—mu—mu zabaka yawu mbote. Ya vwandaka kaka foti ya nzonzolo, samu mu zabaka ti ya vwandaka mafunda sambwadi. Mu me tuba yawu mbote ve. Mu. . . Mpe mu—mu ke tonda beno. Mpe yina zola kutuba ti. . . Mu ke na kiesa ti beno ke landila mbote yina mu ke tubaka. Mpe beno me mona, na yina, ya kele. . . Samu ti, ya, ya kele—ya kele mafunda sambwadi.

<sup>18</sup> Mu kuzwaka banoti zole to tatu na zulu ya yawu, yina tubaka, “Mpangi Branham, mu banza ti nge me zimbana.” Ya

vwandaka tuba, “Ya vwandaka ve mafunda sambwadi na kisika ya nkama sambwadi?”

19 Mu banzaka, “Ya kieleka mu tubaka ve bankama sambwadi.” Benome mona? Ti, na manima mu . . . Billy . . .

20 Mpe na yina mu, kima ya ntete beno zaba, mu bakaka noti yankaka. Ya tubaka, “Mpangi Branham, nge vwandaka . . . Mu banza ti nge tubaka bankama sambwadi.”

21 Mpe muntu mosi tubaka, “Mpangi Branham, yina vwandaka vision ya kimpeve ti—ti ya ke vwanda kaka kifwani mosi, mpe nge ke fwanikisa yawu na sambwadi . . .?” Ya ke tula bantu na kidi-kidi ntangu beno ke banza bima yayi, beno me mona. Mpe ya kele ya kieleka, ti, ya ke tula munu na kidi-kidi.

22 Kima mosi me salama bubu yayi ntangu Kidimbu yayi monisamaka pwelele, ti mu basikaka kuna na lupangu, kutambula kuna, na kati ya lupangu na mwa ntangu fioti. Ya kele kieleka. Ya ke zenga kaka mpema ya munu. Benome mona? Na yawu beno ke zonzila, tension? Oh, la la! Benome mona?

23 Kima yankaka, benome mona, beno ke kangama na zulu ya yina mu ke tuba. Mpe Nzambi ke tula yawu na zulu ya munu samu na yina mu ke tuba na beno. Benome mona? Mpe na yawu mu—mu fwana vwanda kieleka na nyonso, benome mona, samu na bima yayi, samu ti yayi kele ntangu ya nene yina beto ke na kuzinga. Yinga.

24 Mu vwandaka banza samu na lukutakanu ya bambevo na Kilumbu ya ntete na nkokila. Yina ke yangisa nge, Mpangi Neville na mutindu mosi to yankaka? [Mpangi Neville me tuba, “Kima ve. Mu ke vwanda kaka awa.”—Mu.] Ya kele mbote.

25 Mpangi Neville ya ntalu! Mu ke tuba na beno, bawu me—bawu me sala kaka mosi, mu banza, na manima ba me zimbisa nzila. Ya kele . . . Kieleka yandi ke vwandaka mpangi ya kieleka mpe nkundi ya kieleka samu na munu, mu ke tuba na beno.

26 Tabernacle ntangu yayi me tungama, mpe beto kele na bivinga ya lukolo ya Lumingu mpe nionso ya kukubama, na ndonga awa. Mpe bayankaka na kati ya beno bantu yina kele awa, pene-pene ya Jeffersonville, yina zola kwisa na yinzo-Nzambi, beno ke na kisika ya mbote, mpe kisika ya kukwisa, bivinga samu na lukolo ya Lumingu.

27 Mulongisi ya mbote, mpe Mpangi Neville awa, samu na kalasi ya bakuluntu, mpe pasteur ya kieleka. Mu ke tuba yawu ve samu na kusepelisa yandi, kasi mu ke zola kupesa yandi mwa felele ya fyoti ntangu yayi na kisika ya yimpu ya ntinu na manima yandi me kwenda. Mpe Mpangi—Mpangi Neville, mu me zaba yandi kubanda mu vwandaka kaka mwana-bakala ya ntwenia. Ntangu yayi, yandi me sobaka ata fioti ve. Yandi kele kaka Orman Neville, kaka mutindu yandi vwandaka ntangu nionso.

28 Mu ke bambuka moyo na kutala yina mu salaka. Mpe yandi kuzwaka lemvo mingi samu na kubokila munu na chaire ya yandi ntangu yandi vwandaka mulongi ya Methodiste awa na kati ya mbanza. Mpe beto vwandaka na kimvuka mosi ya kitoko kuna na Clarksville, . . . Mu banza ti ba ke bokilaka yawu dibuundu ya ba-Methodiste na Bala-bala Harrison, na Howard Park. Mu banza ti ya kele kisika yina yandi fwana kutana na nge, kuna, Mpangi-kento Neville. Kuna, samu mpangi-kento vwandaka mamb- . . .

29 Mu vutukaka, mpe mu me tuba na dibuundu awa, mu tubaka, “Yina vwandaka . . . Yina kele mosi ya bantu ya kulutila mbote! Mpe mosi ya bilumbu yayi mu ke botika yandi na Nkumbu ya Mfumu Yesu.” Ya salamaka.

30 Yandi yayi. Mpe ntangu yayi yandi kele mpangi ya munu, na lweka ya munu. Mpe muntu ya lukumu, ya luzitu mutindu yayi! Yandi ke vwandaka kaka pene-pene ya munu mutindu . . . kaka pene-pene mutindu yandi lendaka telama. Nionso yina mu ke tuba, yandi ke simbisaka munu mpe ke kangama na yawu. Ata mpe na ntangu yandi kwisaka ntete, yandi vwandaka bakula Nsangu ve na ntangu yina, kasi yandi vwandaka kwikila Yawu mpe yandi me kangama kaka na Yawu. Yina kele lukumu, ya kele luzitu, samu na mpangi-bakala ya mutindu yayi. Mu lenda tuba mingi ve samu na yandi. Mpe ntangu yayi Mfumu sakumuna yandi. Mbote mingi.

31 Ntangu yayi samu na kuvutuka fioti na yina beto tubaka mazono na nkokila, na kuzibuka ya Kidimbu ya Tanu. Beto ke vutuka ve tii na manima na nkokila yayi, beto ke vutuka kaka fioti samu na kubakula Kidimbu ya Tanu.

32 Ntangu yayi, beto ke mona ti mbeni ya Klisto vwandaka mata kuna, mpe yandi kuzwaka, bangolo tatu. Nionso yayi vukanaka na ngolo mosi, mpe yandi mataka na zulu ya mpunda ya kunzuluka, “Lufwa,” tii na dibenga ya yinda, samu na kuzimbana kimakulu, kisika yandi me katuka. Mpe na manima beto monaka ti ntangu . . .

33 Masonuku me tuba, “Ntangu mbeni ke kwiza mutindu nzadi, Mpeve ya Nzambi ke telemisa bendele na zulu ya yawu.” Mpe beto monaka yawu ya kusiamisama na mutindu ya kulunga na kati ya Ndinga mazono na nkokila, samu ya vwandaka na Bibulu yiya yina—yina vwandaka pesa mvutu na bantangu yiya yina munati-mpunda yayi mataka.

34 Mpe yandi mataka na zulu ya mpunda ya luswaswanu konso ntangu, mpunda ya mpembe, mpe na manima mpunda ya mbwaki, mpe mpunda ya ndombe, mpe na manima mpunda ya kunzuluka. Mpe beto monaka, bantinta yina, mpe yinki yawu vwandaka mpe yina yawu salaka. Na yina beno vutula yawu mbala mosi na kati ya bansungi ya mabuundu, mpe ya kieleka ya kele yina yawu salaka, na mutindu ya kulunga.

<sup>35</sup> Na yina, beno me mona, ntangu Ndinga ya Nzambi ke wisana kintwadi, yina zola tuba ti Yawu kele kieleka, beno me mona. Yinga. Mu ke kwikila, kima yina ke kangama mutindu ndobo na Ndinga ya Nzambi kele ntangu nyonso “amen.” Beno me mona?

<sup>36</sup> Ntangu yayi, mutindu muntu mosi ke tuba ti yandi kuzwaka vision mosi, mpe yandi me tuba yina ya vwandaka. Oh, bawu zaba ti Mfumu ke pesaka yawu, samu ya ke kwisaka na ngolo ya nene. Mbote, vision fwana vwanda mbote mingi. Kasi kana ya ke wisana ve na Ndinga, mpe ya kuswaswana na Ndinga, ya kele ve ya kieleka. Beno me mona?

<sup>37</sup> Ntangu yayi, ntangu yayi ya lendaka vwanda awa, na bampangi ya babakala to bampangi ya bakento yina ke ba-Mormon. Mpe ya lenda vwanda na bayina ke baka ba-bande yayi, ntangu yayi. Mpe mu zola tuba yawu ve. . . Ndambu ya bantu ya kulutila mbote yina munu mpe beno lendaka kutana, lendaka vwanda—vwanda na kati ya bantu ya ba-Mormon; bantu ya kulutila mbote. Mpe profete ya bawu—ya bawu, Joseph Smith, yina ba-Methodiste kufwaka awa na Illinois, na nzietelo ya bawu kuna. Mpe na yawu bakala yina—yina ya mbote, mpe vision, mu ke tula ntembe ata fioti ve ti yandi kuzwaka vision. Mu ke kwikila ti yandi vwandaka muntu ya kieleka. Kasi vision yina yandi kuzwaka vwandaka ya kuswaswana na Masonuku. Beno me mona? Na yina, ba zolaka kuzwa Biblia ya ba-Mormon, samu na—samu na kusungika yawu. Beno me mona?

<sup>38</sup> Yawu *Yayi* awa, yina kele mfunu samu na munu. Ya kele Yayi. Ya kele samu na yina, ya kele kaka Ndinga. Ya kele Yawu. Beno me mona?

<sup>39</sup> Kilumbu mosi, longi mosi katukaka awa na yinsi mosi ya nzenza, mpe yandi. . . Mpe mu monaka yandi kuna na. . . yandi vwandaka na ditoma, na yina kele ve. . . na kento mosi. Mpe bawu kwisaka na lukutakanu mosi. Mpe mu bakulaka ti, bawu tambulaka na ditoma bilumbu zole to tatu, yandi kaka mpe kento yina, samu na lukutakanu, samu na kukwisa na lukutakanu, kintwadi. Mpe kento kukwelanaka, bambala tatu to yiya ya luswaswanu.

<sup>40</sup> Mpe longi yayi mataka na hôteel kisika wapi mu vwandaka, mpe yandi kwisaka kuna mpe pesaka munu mbote. Mpe mu ningisaka diboko ya yandi, mu telamaka mpe vwandaka tuba na yandi. Mu yifulaka yandi, mu tubaka, “Kana nge ke vwanda ve na kima ya kusala, mu lenda tuba na nge na kivinga ya munu na mwa ntangu fioti?”

Yandi tubaka, “Ya kieleka, Mpangi Branham.”

<sup>41</sup> Mu nataka yandi na kivinga. Mpe mu tubaka na longi yina, mu tubaka, “Reverend, tata, nge ke nzenza na yinsi yayi.” Mu tubaka, “Kasi kento yayi me kuzwa nkumbu mosi.” Mu tubaka, “Ve, to, nge me katuka na kisika *yayi mpe yina*, tii na kisika *yayi mpe yayi*?”

Yandi tubaka, “Yinga, tata.”

42 Mpe mu tubaka, “Nge ke na boma ve ti ya ke . . . ? Mu—mu tuba ve . . . mu ke tula ve ntembe na nge, kasi nge ke banza ve ti yina ke bebisa lukumu ya nge mutindu longi? Nge ke banza ve ti beto lenda lakisa mbandu ya mwa kitoko fioti kulutila yina?”

Mpe yandi tubaka, “Oh, kento yayi kele santu.”

43 Mu tubaka, “Mu—mu ke tula ntembe na yawu ve.” Kasi mu tubaka, “Kasi, mpangi-bakala, diambu ya yawu kele, muntu nyonso yina ke talaka yandi kele santu ve, beno me mona, ya ke tala yina beno ke na kusala.” Mpe mu tubaka, “Mu ke kwikila ti nge fwana sala keba. Mu ke tuba na nge kaka mutindu mpangi ya nge ya bakala.” Mpe yandi tubaka . . . Mu tubaka, “Kento yango me kwelanaka bambala yiya to tanu ntangu yayi.”

Mpe yandi tubaka, “Yinga, mu zaba yawu.” Yandi tubaka, “Nge zaba, mu—mu . . .”

44 Mu tubaka, “Nge ke longaka yawu ve na dibuundu ya nge, yina, kima mutindu yina?”

45 Na yawu yandi tubaka, “Ve. Kasi,” yandi tubaka, “nge zaba, mu kuzwaka vision samu na yawu, Mpangi Branham.”

Mu tubaka, “Mbote, yina ke mbote.” Mu tubaka . . .

46 Yandi tubaka, “Ya ke sala nge mpasi ve?” Yandi tubaka, “Mu banza ti mu lendaka sungika nge mwa fioti na zulu ya malongi ya nge na zulu ya yawu.”

47 Mpe mu tubaka, “Mbote mingi.” Mpe yandi . . . Mu tubaka, “Mu—mu—mu ke vwanda na kiese na kuzaba yawu, tata.”

48 Mpe yandi tubaka, “Mbote,” yandi tubaka, “nge zaba, na vision yayi,” yandi tubaka, “Mu vwandaka ya kulala.”

Mpe mu tubaka, “Yinga.” Mu monaka, na yina, ya vwandaka ndosi. Beno me mona?

49 Mpe yandi tubaka, “Kento ya munu—ya munu,” yandi tubaka, “yandi vwandaka zinga na bakala yankaka,” mpe yandi tubaka, “mpe yandi kwisaka mbangu na ntuala ya munu.” Mpe yandi tubaka, “Na yina yandi kwisaka na ntuala ya munu, mpe yandi tubaka na munu, ‘Oh, cheri, lemvokila munu, lemvokila munu!’ Yandi tubaka, ‘Mu—mu—mu—mu ke na kyadi ti mu me sala yawu. Mu ke vwanda ya kukwikama na ntangu yayi.’” Yandi tubaka, “Ya kieleka, mu ke zolaka yandi mingi, mu me lemvokila yandi, yandi tubaka, ‘Mbote mingi.’” Mpe yandi tubaka, “Na manima . . .”

50 Mpe yandi tubaka, “Nge zaba yinki? Na yawu mu me kuzwa ntendulu ya vision yayi.” Yandi tubaka, “Yina vwandaka kento yango.” Yandi tubaka, “Kieleka, yandi kwelanaka, mpe—mpe nyonso yina, mpe bambala nyonso yayi.” Mpe yandi tubaka, ti, “Ya kele mbote samu na yandi na kukwelana, samu ti Mfumu

zolaka yandi mingi. Yandi lenda kwelana bambala mingi yandi zola, na mutindu . . .”

51 Mu tubaka, “Vision ya nge vwandaka mbote mingi, kasi ya vwandaka ntama na Nzila ya mbote awa.” Mu tubaka, “Yina ke—yina ke kifu, nge me mona. Nge lendaka ve kusala mutindu yina.” Na yawu . . . Beno me mona?

52 Kasi kana beno me mona Masonuku ke wisana na Masonuku, ti ya kele ntangu nionso na ndandani ti ya ke na kulandilaka. Masonuku, kisika Yayi me suka, Yayi yankaka awa ke kwisa mpe ke wisana na Yawu, samu na kutalisa tablo ya muvimba.

53 Ya kele mutindu ba ke vukisaka puzzle ya bampova ya kubundukisa, mumbandu. Beno fwana kuzwa kitini yina ke wisana kuna. Ya kele na kima yankaka ve yina lenda wisana na yawu. Na ntangu yina beno ke kuzwa tablo ya mbote.

54 Mpe ya kele kaka na Mosi yina lenda sala yawu, ya kele Mwana-dimeme, mpe na yina beto ke na kutalaka na Yandi.

55 Kasi beto ke mona ti ntangu bayayi, munati-mpunda yayi, yandi vwandaka munati-mpunda mosi kaka yina vwandaka mata na zulu ya bampunda yayi. Mpe na yina beto landilaka yandi, beto monaka yina yandi salaka mpe nionso yina, mpe beto monaka ti, kuna na kati ya bansungi ya dibuundu ya kieleka yawu yina yandi salaka.

56 Na yina ntangu yandi vwandaka basika kuna na zulu ya kibulu mosi mpe salaka kima mosi, beto ke mona ti ya vwandaka na mosi ba fidisaka samu na kunwanisa yina yandi salaka.

57 Ya vwandaka na mosi yina ba tindaka na nsungi ya ntete, ya mwana-dimeme . . . ya nkosi. Yina vwandaka Ndinga, ya kieleka, Klisto.

58 Yina landaka vwandaka ngombe, na ntangu ya nsungi ya mudidi, ntangu—ntangu dibuundu salaka organisation mpe ndimaka ba-dogme na kisika ya Ndinga.

59 Mpe beno bambuka moyo, kima ya muvimba kele ya kuvwanda na zulu ya bima zole: mosi, mbeni ya Klisto; yankaka yina, Klisto.

60 Ya kele kaka mutindu mosi bubu yayi. Ya kele ve na Baklisto ya ndambu. Ya kele ve na muntu ya kulawuka na malafu mpe na mabanza ya mbote; ya kele ve na bandeke ya ndombi-mpembe; ve, ve; ya kele ve na basantu-bansumuki. Ve. Beno kele to nsumuki to santu. Beno me mona? Ya kele kaka ve na kati-kati. Beno kele ya kubutuka mbala ya zole to beno kele ve ya kubutuka mbala ya zole. Beno kele ya kufuluka na Mpeve-Santu to beno kele ve ya kufuluka na Mpeve-Santu. Ata ba-sensation yikwa beno kuzwaka, kana beno kele ve ya kufuluka na Mpeve-Santu, beno kele ve ya kufuluka na Yawu. Beno me mona? Mpe kana beno me fuluka na Yawu, luzingu ya beno ke lakisa yawu, ya ke sungama na Yawu. Beno me mona? Muntu mosi ve lenda tuba



yawu na muntu yankaka. Ba ke mona yawu, beno me mona, samu Yawu kele Kidimbu.

<sup>61</sup> Ntangu yayi, mpe beto ke mona bibulu yango, mutindu bawu vwandaka tambula konso ntangu. Ba fidisaka mosi samu na kusala kisalu ya ministere ya yandi, na bangolo ya politiki, na kuvukisaka bangolo ya nsambulu mpe—mpe bangolo ya politiki, kintwadi. Beto me mona ti, Nzambi tindaka ngolo ya Yandi samu na kunwanisa yawu. Beto me vutuka na manima samu na kumona yina vwandaka nsungi ya dibuundu, mpe beto me tala yawu; mpe na yina ya vwandaka, kaka kieleka mutindu yina.

<sup>62</sup> Na yina beto me mona ti, ya ke na nsungi yankaka ke kwisa, mpe mbeni me fidisa mbeni ya Klisto na nkumbu ya nsambulu, na Nkumbu ya Klisto, na nkumbu ya Dibuundu. Yinga, tata. Yandi basikaka na nkumbu ya Dibuundu, mpe. “Yina vwandaka Dibuundu ya kieleka,” yandi tubaka. Beno me mona?

Mbeni ya Klisto kele ve Russie. Mbeni ya Klisto kele yawu ve.

<sup>63</sup> Mbeni ya Klisto me belama mingi mutindu Buklisto ya kieleka, tii, Biblia me tuba, “Ya ke vuna bayina nionso ba soolaka ve na ntwala.” Ya kieleka. Biblia ke tuba ti, “Na bilumbu ya nsuka, bayina nionso ba soolaka ve na ntwala, Musolami.” Ya ke tuba, “Musolami!” Ntangu yayi, muntu nyonso, beno baka mpova yayi mpe beno tala yawu na noti ya lweka, beno ke mona yinki ya zola kutuba. Ya me tuba, “Musolami, yina ba soolaka ntete.” Beno me mona? “Ya ke vuna bawu yina bankumbu vwandaka ve na Buku ya Luzingu ya Mwana-dimeme katuka mbandukulu ya yinza.”

<sup>64</sup> Ntangu Mwana-dimeme kufwaka, ba tulaka bankumbu na Buku. Yandi me telama na Kisika ya Santu na nkokila yayi, na Nkembo, mutindu Musambidi, ke sambila samu na myoyo yango nionso yina kele na nkumbu na Buku yina. Mpe muntu mosi ve zaba nkumbu yina kasi Yandi. Yandi kele Yandi yina kele na Buku na diboko ya Yandi, mpe Yandi zaba. Ntangu yina ya nsuka ke kota, na yina bilumbu ya Yandi ya kusambidila ke suka. Yandi ke kwisa kuna samu na kulomba bayina Yandi vwandaka sambidila. Yandi ke na kusala kisalu ya Tata Mukudi ntangu yayi; mpe yandi ke vumbuka samu na kubaka Bantu ya Yandi. Oh, la la!

<sup>65</sup> Yina lendaka nata Muklisto nionso na ku—kukukitala yandi mosi, mpe kutelemisa maboko ya yandi na ntwala ya Nzambi, mpe kutuba, “Sukula munu, O Mfumu! Tala na luzingu ya munu, mpe—mpe bika mu—bika mu mona kisika yimbi ya munu kele. Bika mu basisa yawu na nzila, na nswalu nionso.” “Samu kana muntu ya mbote ke vuluka na mpasi, wapi kisika ke vwanda nsumuki mpe muntu ya yimbi?” Ya kele ntangu ya kukitala.

<sup>66</sup> Mpe kana beno zola kutula yawu, mpe zola . . . mpe kuzwa Ndinga samu na yayi. (Ntangu yayi, mu zola ve, beno yufula

munu kyuvu mosi na zulu ya yayi, samu ya ke basisa munu na lweka dilongi; Mu zola kutuba, na kusunikaka bakyuvu ya beno. Mu banza ti bakyuvu me salama, na mutindu nyonso.) Yayi kele ntangu ya kutala-tala samu na lufundusu. Ya kele kieleka. Ntangu yayi, beto ke tubila yawu na zulu—na zulu ya Bampungi ntangu beto ke kuma na yawu, ntangu nionso Mfumu ke kubika, to Bambangungu, mpe beto ke mona ti beto ke bokila lufundusu yina, kaka na ntwala Bampasi kukwisa. Mpe—mpe beto ke mona ti ya kele kieleka. Mpe Bawanzio tatu yina bulaka ntoto, na kubokaka, beno zaba, “Kyadi! Kyadi! Kyadi na bantu ya ntoto!”

Mpe beto ke na kuzinga na ntangu mosi ya mpasi, ntangu yina . . .

<sup>67</sup> Beno me mona, bima yayi yina beto ke yawu ntangu yayi, yina beto ke na kulongokaka na ntangu yayi, ke salama na manima Dibuundu me kwenda, beno me mona, bima yayi na ntangu ya Lukwamusu. Mpe mu banza ti ya fwana salama kieleka na ntima ya konso mukwikidi, ti Dibuundu yayi ke luta ata fioti ve na ntangu ya Lukwamusu. Beno lenda ve kutula Dibuundu, kisika mosi, na kati ya Lukwamusu. Mu . . . Beno ke tula dibuundu kuna, kasi Kento ya makwela ve. Beno me mona, Kento ya makwela me kwenda.

<sup>68</sup> Samu ti, beno me mona, Yandi, Yandi kele ve na disumu mosi, ya ke na kima mosi ve samu na Yandi. Lemvo ya Nzambi me fika Yandi. Mpe décolorant me nata masumu nionso ntama, ti ya kele ata fioti ve na lubambuku ya yawu; kima yankaka ve kasi ya kuvedila, ya kulunga, na Ntwala ya Nzambi. Oh, ya zolaka sala ti Kento ya makwela kufukama na mabolongo ya Yandi mpe kudila na ntwala ya Nzambi!

<sup>69</sup> Mu ke banza na mwa disolo mosi; kana mu me baka ve ntangu mingi ya beno, na kitini yayi ya ntete. Mu kele . . . Mu—mu ke salaka yayi samu na lukanu mosi, samu na kuwa, tii kuna mu ke kuwa Mpeve mbote, na kubanda.

<sup>70</sup> Yayi kele kima ya santu. Beno me mona? Ya kele, beno me mona, nani zaba bima yayi kuna? Muntu ve kasi Nzambi. Mpe bawu fwana monisama ve, mpe ba me talisa yawu na kati ya Biblia ti yawu ke monisama ve, tii bubu yayi. Ya kele kaka kieleka. Beno me mona? Ba vwandaka—ba vwandaka banza; kasi ntangu yayi beto fwana bakula yawu kieleka, Kieleka, Kieleka yina me siamisama. Beno me mona? Beno tala.

<sup>71</sup> Ntangu yayi, ya vwandaka na mwana mosi ya kento ya ntwenya na weste, yina mutindu yandi—yandi kubwaka na zola na . . . Bakala mosi kubwaka na zola na yandi. Mutindu musumbi ya bibulu, bakala mosi kwendaka kuna samu na Kompani ya Armour. Mpe—mpe bawu vwandaka na . . .

<sup>72</sup> Mfumu ya kisalu kwizaka kilumbu mosi, mwana ya mfumu ya kisalu katukaka na Chicago, mpe, kieleka, bawu lwataka bilele ya bawu ya mumesanu, ya Far west. Bana ya bakento yina

kuna, bawu vwandaka me lwata mbote; mosi na mosi vwandaka zola kuzwa mwana-bakala yayi, kieleka, beno zaba, samu ti ya vwandaka mwana ya mfunu ya kisalu. Na yawu, bawu lwataka bilele ya Far West.

<sup>73</sup> Mpe—mpe ba ke salaka mutindu yina kuna na wesete. Bawu kuzwaka diambu ya mutindu yina ntama mingi ve. Mpe Mpangi Maguire, mu banza ti yandi kele awa ntangu yayi, bawu kuzwaka yandi kukondwa bilele ya yandi ya Far West, na yina ba losaka yandi na—na boloko. Mpe ba lutisaka yandi na lufundusu mosi ya luvunu, mpe ba tumaka yandi na kufuta kitumbu samu na yawu, mpe na manima ba lombaka yandi na kusumba kazaka ya Far West. Mpe mu monaka bayankaka ke tambula na ba-pistolet pene ya yinda mutindu *yayi*, na zulu ya bawu. Ba ke sala kaka mutindu ba-indigène kuna. Ba ke na kumeka na kuzinga bima ya bilumbu ya ntama, yina me lutaka. Beno me mona?

<sup>74</sup> Mpe kuna, na Kentucky, beno ke meka na kuzinga bilumbu ya esete awa, kasi na bilumbu ya Renfro Valley mpe nionso yina. Beno ke zolaka kuvutuka na bilumbu ya ntama. Kima mosi ke salaka yawu.

<sup>75</sup> Kasi ntangu ya ke lomba na kuvutuka, na kuvutuka na Nsangu ya mbote na kieleka, beno zola ve kusala yawu. Beno ke zola kima ya bilumbu yayi, beno me mona. Yina ke lakisa ti, beno me mona, beno—beno . . . ya kele . . .

<sup>76</sup> Mpe yinki ke salaka ti bakala mosi kusala yimbi? Yinki ke sala ti yandi kunwa malafu mpe yandi sala mambu yina kele na ndonga ve, to kento mosi kusala yimbi? Ya kele samu ti yandi ke na kumekaka na . . . Ya ke na kima mosi na kati ya kento yina, mpwila. Ya kele na kima mosi na kati ya bakala yina, mpwila. Mpe ba ke na kumeka na kumanisa mpwila yina ya santu na bima ya yinza. Na yina, Nzambi fwana kumanisa mpwila yina. Yandi me salaka beno mutindu yina, samu na mpwila. Ya kele samu na yina beno ke na mpwila ya kima mosi. Nzambi me salaka beno mutindu yina, na yawu beno lenda balula mpwila yina ya santu na Yandi. Beno me mona? Kasi ntangu beno ke meka na kumanisa mpwila yina . . . Wapi mutindu muntu lenda meka na kusala yawu! Beno ke na muswa ve ya kusala yawu, samu na kumeka na kumanisa mpwila yina ya santu yina nge ke sala ti beno vwanza na mpwila ya kima mosi, mpe, na yina, mpe beno ke yambula yawu na yinza, beno ke meka na kusepelisa yawu na yinza. Beno lenda sala yawu ve. Ya kele kaka na kima mosi ke fulusa yawu, mpe ya kele Nzambi. Mpe Yandi salaka beno mutindu yina.

<sup>77</sup> Na yina, bana yayi—yayi ya bakento ya ntwenya lwataka bilele ya bawu ya mumesanu ya Far West samu na mwana-bakala yayi ntangu yandi—yandi kwisaka. Mpe mosi na mosi ya bawu vwandaka ya kundima ti bawu ke kuzwa mwana yayi ya bakala.

78 Ya vwandaka na kisoni mosi kuna na kati ya kilanga, mpe yandi vwandaka nsona, mpe na yina yandi vwandaka sala bisalu nionso samu na bana yayi ya bakento. Samu, ba vwandaka zola kuyidika manzaka ya bawu, beno zaba, mpe ba lendaka ve kusukula banzungu na maboko ya bawu mpe nionso yina. Mpe yandi vwanda salaka kisalu nionso ya mpasi.

79 Mpe na yina, na nsuka, ntangu mwana-bakala yayi kwisaka, ba kwendaka sosa yandi na mutindu ya ntama ya Far West, na pusu. Mpe bawu kwisaka, na kubulaka minduki ya bawu mpe vwandaka sala makelele mingi, beno zaba, mpe vwandaka sala mambu ya yimbi. Mpe na nkokila yina ba vwandaka na makinu ya nene kuna, na—na mutindu ya makinu ya ntama, mpe bamfumu nionso ya bilanga, ya nziunga, kwisaka kuna na makinu ya bawu, mpe nionso yina. Mpe, kima ya ntete beno zaba, oh, yayi vwandaka landila, ya vwandaka jubilé ya bilumbu zole to tatu.

80 Na yina, na nkokila mosi, mwana-bakala yayi basikaka, tii. . . ya kisika yango, samu na kupema mwa ntangu fyoti samu na makinu, mpe yandi kwendaka ntama fioti na bana-bakento yayi. Mpe yandi vwandaka tala mbote, kuna na lweka ya lupangu ya bitwisi. Mwana mosi ya kento lutaka kuna, ya vwandaka monana mutindu muntu ya mpasi. Mpe yandi vwandaka na basini ya kufuluka na maza, yandi vwandaka sukula banzungu. Mpe yandi banzaka, “Mu me monaka yandi ntete ve. Mu—mu ke kukiyufula wapi kisika yandi me katuka?” Na yina yandi bakaka lukanu ya kukwenda kuna na kulutaka na lweka ya dortoir, mpe kukwenda kuna mpe kuvutuka, na lweka ya lupangu ya bibulu, mpe yandi kwendaka kutana na yandi.

81 Yandi vwandaka makulu mwasi. Yandi telemaka. Yandi kulumusaka yintu ya yandi. Yandi monaka nani ya vwandaka, mpe yandi vwandaka na mawa mingi. Yandi zabaka ti yayi vwandaka muntu ya nene. Mpe yandi vwandaka kaka kisoni ya bana-bakento yankaka yayi. Tata ya bawu vwandaka langidila kompani yayi ya nene ya Armour, na yina bawu vwandaka kaka. . . Yandi vwandaka tala kaka na nsi. Yandi vwandaka na nsoni samu yandi vwandaka makulu mwasi.

82 Yandi tubaka, “Nani kele nkumbu ya nge?” Yandi tubaka na yandi. Yandi tubaka, “Samu na yinki nge kele ve kuna na. . . kisika bayankaka kele?” Mpe yandi vwandaka sosa mambu ya kutuba.

83 Mpe na yawu, nkokila yina landaka, yandi vwandaka tala yandi diaka. Na nsuka. . . Yandi vwandaka ya kuvwanda kuna. Mpe bawu nionso vwandaka sala makelele, mpe bima nionso. Yandi—yandi vwandaka ya kuvwanda na lupangu ya bitwisi mpe yandi vwandaka tala yandi kukwisa, samu na kulosa masa ya banzungu ya yandi. Mpe yandi talaka mwana-kento yango. Mpe

yandi tubaka na yandi, yandi tubaka, “Nge zaba kikuma ya kieleka mu me kwisa awa?”

Yandi tubaka, “Ve, tata, mu zaba ve.”

<sup>84</sup> Yandi tubaka, “Kikuma ya munu awa kele samu na kusosa kento mosi.” Yandi tubaka, “Mu ke mona kikalulu na kati ya nge yina kele ve na kati ya bawu.” Mu vwandaka banza na Dibuundu, beno me mona. Yandi tubaka, “Nge zola kukwela munu?”

Yandi tubaka, “Munu? Munu? Mu—mu lenda ve kubanza kima ya mutindu yina, munu.”

<sup>85</sup> Beno me mona, yina kele mwana ya mfumu ya nene. Yandi vwandaka munkwa ya bakompani nionso mpe bilanga nionso na kizunga yina, mpe nionso, beno me mona. Yandi tubaka, yandi tubaka, “Yinga.” Yandi tubaka, “Mu—mu lenda ve kuzwa mosi na Chicago. Mu—mu zola kento ya kieleka. Mu zola kento yina ke na kikalulu. Mpe kima yina mu ke na kusosa, mu me mona yawu na kati ya nge.” Yandi tubaka, “Nge zola kukwela munu?”

Yandi tubaka, “Mbote. . .” Yandi vwandaka yituka. Mpe yandi tubaka, “Yinga.”

<sup>86</sup> Mpe yandi tubaka, “Mbote. . .” Yandi tubaka na yandi ti yandi ke vutuka. Yandi tubaka, “Ntangu yayi, nge ke kubama, mpe na manima ya mvula mosi mu ke vutuka. Mbote. . . Mpe mu ke nata nge, mpe mu ke katula nge awa. Nge ke sala diaka ve mutindu yayi. Mu ke kwisa kubaka nge. Mpe mu ke kwenda na Chicago, mpe mu ke tunga yinzo samu na nge yina nge me monaka ntete ve.”

<sup>87</sup> Yandi tubaka, “Munu ve, mu me kuzwaka yinzo ata fioti ve—ata fioti ve. Mu kele nsona,” yandi tubaka.

<sup>88</sup> Yandi tubaka, “Mu ke tunga yinzo samu na nge, yina ya kieleka.” Yandi tubaka, “Mu ke vutuka.”

<sup>89</sup> Yandi vwandaka solula kaka na mwana-kento yango, na ntangu yina, na kati ya mvula. Yandi salaka nionso yina yandi lendaka sala, samu na kubumba mbongo mingi na lufutu ya dollar mosi na kilumbu, to nionso yina yandi vwandaka kuzwa na yinzo ya yandi ya kisalu, samu na kusumba robe ya yandi ya makwela. Kifwani ya kulunga ya Dibuundu! Beno me mona? Beno me mona? Yandi vwandaka na bilele ya yandi ya kukubama.

<sup>90</sup> Mpe, beno zaba, ntangu yandi talisaka lele yayi ya makwela, bisoni ya yandi—ya yandi tubaka, “Oh, nge muntu ya mputu, muntu ya mpamba. Nge ke banza ti bakala ya mutindu yina ke vwanda na kima ya kusala na nge?”

<sup>91</sup> Yandi tubaka, “Kasi yandi pesaka munu nsilulu.” Amen. Yandi tubaka, “Yandi me sila.” Yandi tubaka, “Mu ke kwikila ndinga ya yandi.”

92 “Oh, yandi vwandaka vuna nge.” Yandi tubaka, “Kana yandi zolaka kuzwa muntu mosi, yandi zolaka kuzwa mosi ya bawu.”

93 “Yinga,” yandi tubaka, “kasi yandi pesaka munu nsilulu. Mu ke vingila yawu.” Amen. Munu, mpe.

94 Na yina, ntangu vwandaka landila mpe kulandila. Na nsuka, kilumbu kwisaka yina yandi zolaka vwanaka kuna na ngunga mosi, mpe na yina yandi lwataka lele ya yandi. Mpe yandi kuwaka ata fioti ve bansangu ya yandi. Kasi yandi zabaka ti yandi ke vwanaka kuna, na yina yandi lwataka bilele ya yandi ya makwela, yandi yidikaka bima ya yandi.

95 Mbote, na yina ba vwanaka seka kaka kuna. Samu, mfumu ya nene ya kisalu solulaka na—na mukengi, to—to samu na ku . . . Ata mosi ve ya bana ya bakento yina vwanaka zaba kima mosi samu na yawu, na yina ya vwanaka kaka kima ya ngitukulu samu na bawu. Ya kele, dyaka. Ya kieleka.

96 Kasi mwana-kento yayi, kukondwa kutala nionso yina, yandi vwanaka tula ntima na yina yandi tubaka na yandi.

97 Na yina, ba bandaka na kuseka. Mpe ba simbasanaka mosi na yankaka, mpe vwanaka kina pene-pene ya yandi. Ba vwanaka tuba, “Ha!” Ba vwanaka seka, beno zaba, mutindu yina, ba vwanaka tuba, “Mputu, mwana ya mawa, ya mpamba-mpamba!”

98 Yandi telemaka kuna, yandi dasukaka ata fioti ve. Ba vwanaka simba bafelele ya yandi. Mpe lele ya yandi ya makwela nionso vwanaka ya kuyidika mbote-mbote; yandi salaka kingolo-ngolo, beno zaba. “Kento ya Yandi ya makwela me kubama Yandi mosi.” Beno me mona? Yandi simbaka kaka bafelele ya yandi, na kuingilaka.

99 Bawu tubaka, “Ntangu yayi, mu ke tuba na nge ya vwanaka luvunu. Nge me mona, yandi ke kwisa ve.”

Yandi tubaka, “Mu ke diaka na bamuniti tanu.” Yandi tubaka, “Yandi ke vwanaka awa.”

Oh, bawu vwanaka seka kaka!

100 Mpe Montele ya ntama zolaka bula na baminuti tanu, bawu kuwaka makelele ya bampunda, ntoto yina vwanaka baluka na nsi ya bapiné. Pusu ya ntama telemaka.

101 Yandi dumukaka na kati-kati ya bawu, mpe basikaka na kielo. Mpe yandi dumukaka na kati ya pusu, mpe yandi lemukaka na maboko ya yandi. Yandi tubaka, “Yawu me mana ntangu yayi, cherie.” Yandi bikaka mwa bisoni ya yandi ya denomination yina me vwanaka kuna, ba vwanaka tala. Yandi—yandi kwendaka na Chicago, na yinzo ya yandi.

102 Mu zaba nsilulu yankaka ya nene mutindu yina, diaka, kuna. “Mu me kwenda samu na kuyidika kisika samu na beno; Mu ke vutuka samu na kubaka beno.” Ba lendaka tuba ti beto kele

bilawu. Kasi, mpangi-bakala, samu na munu, kaka ntangu yayi, mpe Bidimbu yayi ke na kuzibuka mutindu yayi, na nsi ya kima yayi ya kimpeve, mu lenda kaka kuwa muningu, na yina montele ya ntangu ke na kulandila na kubula tike-take tii na Seko. Mu lenda kaka kumona Wanzio yina me telama kuna mpe ke tuba, na Nsangu ya nsuka ya wanzio ya sambwadi, “Ntangu ke vwanda diaka ve.” Kento ya makwela yayi ya fioti ke lemuka na maboko ya Yesu, mosi ya bilumbu yayi, ba ke nata Yandi na Yinzo ya Tata. Beto banza na bima yayi na yina beto ke landila ntangu yayi.

<sup>103</sup> Beno tala ministere ya nkosi, Ndinga; ngombe, kisalu mpe munkayulu; luzabu, ya ba-reformateur; mpe nsungi ya ngononi, ke na kukwiza, yina ke lakisa mpe ke baka bima yayi mpe ke lakisa yawu.

<sup>104</sup> Ntangu yayi beto me mona, na lukutakanu ya mazono na nkokila, diaka, mansweki ya nene me zibuka na Kidimbu yayi, yina vwandaka kieleka ya kuswaswana na lubakusu ya munu ya ntama. Mu vwandaka banza kaka ti ya vwandaka mbote, mu vwandaka kwikila ntangu nionso ti mioyo yina vwandaka na nsi ya autel vwandaka bambangi ya ntete ya Baklisto. Kasi beto me mona, mazono na nkokila, ntangu Mfumu Nzambi bukaka Kidimbu yina samu na beto, kieleka ya lenda salama ve. Ya vwandaka bawu ve. Ba kwendaka na Nkembo, na lweka yankaka, mpe bawu vwandaka kuna. Beto me mona ti bawu vwandaka ba-Juif yina ke kwisa na ntangu yina, kisika . . .

<sup>105</sup> Na lubokilu ntangu yayi, ya nkama na makumi yiya na yiya ya mafunda, yina beto ke zonzila na nkokila yayi mpe mbasi. Mpe—mpe kati-kati ya Kidimbu ya Sambanu mpe ya Sambwadi, ba me bokila nkama na makumi yiya na yiya ya mafunda.

<sup>106</sup> Na yina beto ke mona ti, ba vwandaka bambangi yina kufwaka, mpe ba vwandaka ntete ve. . . Ba vwandaka me lwata bilele ya mpembe, kasi bankumbu ya bawu vwandaka na Buku ya Luzingu ya Mwana-dimeme. Mpe ba pesaka bawu bilele ya mpembe, mosi na mosi ya yawu. Mpe beto me mona yawu. Mpe ya ke na kima mosi ve na yinza, mu ke kwikila ve, kasi nkonga yina ya ba-Juif yina me luta na ntangu yina ke tekila ntangu ya lukwamusu. Na yina, na ntangu ya bamvita yayi ya nsuka, ba vwandaka . . . ba me. . . Ba vwandaka kuyina bawu na bantu nionso. Mpe Eichmann kufwaka mafuku ya bawu na Allemagne. Beno me kuwa kumekama yango. Mafuku ya bantu yina me zaba diambu mosi kufwaka, ba-Juif, kaka samu ba vwandaka ba-Juif; samu na kima yankaka ve.

<sup>107</sup> Biblia ke tuba awa, ti, “Ba kufwaka bawu samu na kimbangi ya Nzambi, samu na Ndinga ya Nzambi, mpe kimbangi bawu vwandaka kusimba.” Ntangu yayi beto me mona ti Kento ya makwela vwandaka Ndinga ya Nzambi mpe kimbangi ya Yesu Klisto. Bayayi vwandaka ve na kimbangi ya Yesu Klisto.

108 Mpe beto ke mona ti Biblia ke tuba, ti, “Israel nionso, Israel yina ba soolaka na ntwala, ke kuzwa mpulusu,” Romains 11. Ntangu yayi beto me zaba yawu. Mpe beto me mona mioyo kuna.

109 Ntangu yayi beno tala mutindu ya kele pene-pene. Samu na yinki yayi lendaka vwanda ve na ntwala? Samu ya me salamaka ve na ntwala. Ntangu yayi beno lenda mona yawu, beno me mona. Beno me mona, Mpeve-Santu ya nene, na kumonaka mambu yina ke salama na kati ya bansungi mpe bantangu. Mpe ntangu yayi ya ke monisama pwelele, na manima beno ke tala kuna mpe beno ke mona ti ya kele Kieleka. Tala yina ya kele.

110 Ntangu yayi, ya vwandaka—ya vwandaka bambangi na lukwamusu, to na ntangu yina tekilaka lukwamusu, ya Eichmann. Ntangu yayi, bawu kele kaka kifwanisu ya bambangi ya nkama na makumi yiya na yiya ya mafunda, yina beto ke mona, na kati-kati ya Kidimbu ya Sambanu mpe ya Sambwadi. Beno me mona?

111 Mpe samu na Kidimbu ya Sambwadi ya kele kaka na kima mosi, yimeni, mpe yayi, “Ya vwandaka swi na Mazulu na mwa ndambu ya ngunga.” Mpe ntangu yayi kaka Nzambi lendaka monikisa yawu. Ya kele na kidimbu mosi, ata kisika mosi ve. Ya kele samu na mbasi na nkokila. Beno sambila samu na munu. Beno me mona?

112 Ntangu yayi, beto me mona yawu ntangu yayi, na yina beto ke kota na Kidimbu ya Sambanu. Ntangu yayi bika ti Tata ya Mazulu kusadisa beto na yina beto ke baka ntangu yayi Kidimbu ya Sambanu. Ntangu yayi nzila ya 12 ya kapu 6.

*Mpe mu talaka kuna ntangu yandi...zibulaka kidimbu ya sambanu, mpe, tala, ya vwandaka na kuringana ya ntoto ya nene; mpe mwini kumaka ndombe mutindu makala, mpe ngonda kumaka menga;*

*Mpe bambwetete ya mazulu kubwaka na...ntoto, mutindu yinti ya fiki yina ba me ningisa na mupepe ya ngolo, ke losaka bambuma ya fiki ya mubisu.*

*Mpe mazulu balukaka mutindu buku yina ba me balula; mpe mongo nyonso mpe kisanga nyonso katukaka na bisika ya bawu.*

*Mpe bantinu ya ntoto, mpe bantu ya nene, mpe bamvwama, mpe bamfumu ya basoda, mpe bantu ya ngolo, Ata mpe bampi...mpe bantu nyonso ya kimpwanza, vwandaka bumbama na kati ya badena mpe na kati ya matadi ya myongo;*

113 Beno me mona kuna? Beno tala bawu, “bantu ya ngolo,” beno me mona. Yinki bawu salaka? “Bawu kuzwaka vinu ya nganzi ya kindumba ya kento ya kindumba.” Beno me mona? Yina kele kieleka kimvuka yina kunwaka vinu ya yandi. Beno me mona?



*Mpe ba vwandaka tuba na myongo mpe matadi, Beno kubwa na zulu ya beto, mpe beno bumba beto na kizizi ya yandi yina kele ya kuvwanda na zulu ya kiti ya kimfumu, mpe na nganzi ya Mwana-dimeme:*

*Samu ti kilumbu ya nene ya nganzi ya yandi me kwisa; mpe nani ke vwanda na kiyeka ya kuzinga?*

114 Wapi nkotolo na . . . Beno me mona, munati-mpunda ntangu yayi, bibulu ya munati-mpunda, mpe Bivangu yina vwandaka telama, vwandaka dyaka ve. Na manima, beto me tuba, beto me mona bambangi na nsi ya Kiti ya kimfumu. Ntangu yayi, kubanda ntangu yina, bambangi yayi kele ba-Juif Orthodox ya kieleka yina kufwaka na lukwikilu ya Buklisto . . . to na—na lukwikilu ya nsambulu, samu bawu lendaka vwanda Baklisto ve.

115 Beno bambuka moyo, Nzambi kufwaka meso ya bawu. Mpe ba zolaka kufwa meso ya bawu samu na ntangu ya yinda, tii Dibuundu ya Bantu ya makanda ke katuka na nzila. Samu ti, Nzambi ke salaka ve na bantu zole na ntangu mosi, samu ti ya kele kieleka ya kuswaswana na Ndinga ya Yandi.

116 Beno bambuka moyo, Yandi ke salaka na Israel mutindu yinsi mosi, ntangu nionso. Ya kele yinsi ya Israel.

117 Bantu ya makanda, mutindu mosi na mosi, “bantu yina ba soolaka na kati ya Bantu ya makanda.” Mpe ya zolaka vwanda, Bantu ya makanda, zolaka sala . . . yina me salama na bantu nyonso ya yinza, na yawu na ntangu mosi to yankaka Juif mosi ke kota kuna. Beno me mona? Kaka mutindu—mutindu Arabe, mpe Irlandais, mpe Indien, mpe nionso yina, ya kele bantu nyonso ya yinza, yina ke sala kimvuka yayi ya Kento ya makwela. Beno me mona?

118 Kasi, ntangu yayi, ntangu ya ke kuma ntangu ya kusala na Israel, na kitini yayi ya nsuka ya sabala ya makumi sambwadi, Yandi ke sala na bawu mutindu yinsi mosi, samu na Bantu ya makanda ya me suka. Ngunga ke na kwisa, mpe ya lendaka vwanda kaka na nkokila yayi—yayi, ti Nzambi ke baluka ya muvimba na Bantu ya makanda, ya muvimba. Ya kieleka! Yandi tubaka mutindu yina. “Ba ke diata bibaka ya Jérusalem tii kuna ntangu ya Bantu ya makanda ke mana, bantangu ke mana.” Yinga, tata!

119 Mpe na yina, “Bika ti yina kele mvindu yandi kuvwanda diaka mvindu; bika ti yina kele ya kusungama kuvwanda ya kusungama.” Beno me mona?

120 Ya kele dyaka ve na Menga na zulu ya kiti ya—ya—ya sanct- . . . na sanctuaire, ata fioti. Ya kele dyaka ve na Menga na zulu ya autel. Munkayulu me katuka, mpe ya kele kaka na mulinga mpe nsemo mpe lufundusu na kati kuna. Mpe ya kele kaka kieleka yina ba me tiamuna awa na nkokila yayi. Beno me

mona, Mwana-dimeme me bika . . . kisalu ya Yandi ya muvukisi. Kisalu ya muvukisi me suka, na Kiti ya kimfumu kuna. Mpe Munkayulu, mutindu beto me fwanikisa Yawu na mutindu ya kulunga, Tata Mukudi, Mwana-dimeme yina vwandaka na menga basikaka. Mwana-dimeme yina kufwaka, Yina vwandaka na menga, yina kufwaka, monaka mpasi mingi, basikaka mpe basisaka Buku na diboko ya Yandi. Ya kele, bilumbu me suka. Ntangu yayi Yandi ke na kukwiza samu na kulomba yina Yandi me vulusa. Amen! Yina ke pesa munu boma na kati ya munu!

<sup>121</sup> Beto me mona ntangu yayi, Jean tubaka, “Mu vwandaka kuna ntangu Yandi zibulaka Kidimbu ya Sambanu, ya vwandaka na kuningana ya ntoto,” na yina yinza nyonso kukangama. Beno me mona?

<sup>122</sup> Nzambi vwandaka sala bima ya nene, mutindu kubeluka ya bambevo, mpe ke zibula meso ya bampofu, mpe ke sala kisalu ya nene.

<sup>123</sup> Kasi beto ke mona, awa, ti ya vwandaka na muvusu ya yinza, yinga, yinza ya muvimba. Beno tala yina salamaka, “Kuningana ya ntoto; mwini kumaka ndombe, mpe ngonda vwandaka pesa nsemo ya yawu ve; mpe bambwetete ninganaka mpe kubwaka.” Mpe, na yina, bima nionso salamaka, beno me mona, kaka na ntangu ya kuzibuka ya Kidimbu yayi ya Sambanu. Ya ke na ntangu yina ya ke salama, kaka na manima ya nsamunu ya bambangi yina, beno me mona. Ya vwandaka na manima ya bambangi.

<sup>124</sup> Ntangu yayi beno ke mona ti beto me belama na ngunga yina ntangu yayi. Beto lenda vwanda, na konso ntangu yina, beno me mona, samu Dibuundu me kubama samu na kumata ya Yandi. Kasi beno bambuka moyo, ntangu bima yayi ke salama, Kento ya makwela ke vwanda awa ve. Beno bambuka kaka moyo, Kento ya makwela me kwenda, Yandi fwana luta na yawu ve. Yayi kele ntangu ya Lukwamusu, ya mvedolo ya—ya dibuundu; ba me tula yawu na zulu ya yandi, samu ti yandi kuluta na kati ya yawu, kasi Kento ya makwela ve. Yandi me katula cherie ya Yandi na nzila. Yinga, tata! Yandi, ba me vulusa Yandi. Beno me mona, ya kele mutindu ya . . . Ya kele kusola ya Yandi Mosi, nsodolo ya Yandi Mosi, mutindu bakala nyonso ke bakaka kento ya yandi ya makwela. Beno me mona? Ntangu yayi, kuningana ya ntoto . . .

<sup>125</sup> Beto fwanikisa Masonuku ntangu yayi. Mu—mu zola . . . Beno ke na kilapi mpe papié? Mu zola ti beno sala kima mosi samu na munu. Kana beno zola sonika, beno sonika yayi, samu, kaka kana beno ke baka bande. Ntangu yayi beto . . . Mu zola ti beno tanga na munu, mutindu beno ke salaka.

<sup>126</sup> Beto ke fwanikisa Masonuku samu na yina me tala diambu yayi ya nene, ti beto ke mona kinsweki yayi ya nene, to mansweki, yina vwandaka na nsi ya Kidimbu ya Sambanu ya Buku ya Mpulusu. Ntangu yayi beno bambuka moyo, yayi kele

mansweki yina me bumbama. Mpe Bidimbu sambanu, nionso kintwadi, kele Buku mosi ya nene mingi, kaka ba-rouleau sambanu ba me vukisa kintwadi, mpe yawu yina ke vukisa Buku ya muvimba ya Mpulusu. Ya kele mutindu yina ntoto ya muvimba vulukaka.

<sup>127</sup> Ya kele samu na yina Jean dilaka, samu ti, kana muntu mosi ve zolaka baka Buku yina, luvangulu nyonso, nyonso vwandaka ya kufwa. Ya zolaka soba kaka na—na—na ba-atome mpe ba-molécule, mpe nyonso yina, mpe nsemo ya yinza, mpe ya zolaka vwanda ve na luvangulu, muntu ve, kima yankaka ve. Samu, Adam zimbisaka bamuswa ya Buku yina. Yandi salaka yawu ntangu yandi kuwaka kento ya yandi, mpe kento kuwaka mabanza ya Satana, na kisika ya Ndinga ya Nzambi. Beno me mona? Ba botolaka Yawu.

<sup>128</sup> Na yina, ya lendaka vutuka ve na maboko ya mvindu ya Satana, yina basisaka yandi na nzila, na yina yawu vutukaka na munkwa ya yawu ya kisina, mutindu muswa nionso ya munkwa-kima yina ba lendaka telemina ve, beno me mona. Ya ke vutuka na munkwa-kima ya kisina, mpe yina vwandaka Nzambi, Mvangi, Yina salaka yawu. Mpe Yandi me simba yawu.

<sup>129</sup> Mpe ya kele na ntalu, mpe ya kele mpulusu. Ya kele na ntalu mosi samu na mpulusu, mpe ya vwandaka ve na muntu yina lendaka sala yawu. Na yawu, Yandi tubaka, salaka misiku ya Yandi, misiku ya Yandi Mosi ya Tata Mukudi. Na yina, ba lendaka kuzwa muntu mosi ve. Muntu nyonso butukaka na nzila ya sexe, muntu nyonso butukaka na manima ya mpusa ya nzutu; yandi vwandaka na disumu ya ntete, Satana mpe Eve, na yina yandi lendaka ve kusala yawu. Ya ke na kima mosi ve na kati ya yandi. Pape ya santu mosi ve, nganga-Nzambi ve, Docteur ya Théologie ve, muntu nionso yina yandi lendaka vwanda, yandi ke vwanda na muntu mosi ve ya kulunga. Mpe yandi lendaka ve kuvwanda Wanzio, samu ya zolaka vwanda Tata. Yandi zolaka vwanda muntu.

<sup>130</sup> Na yina Nzambi Yandi mosi me kuma Tata, na kulwataka nzutu ya muntu, na nzila ya mbutukulu ya bumwense. Mpe Yandi tiamunaka Menga ya Yandi. Yina vwandaka ve menga ya Juif. Ya vwandaka ve menga ya Muntu ya makanda. Ya vwandaka Menga ya Nzambi. Beno me mona? Biblia ke tuba, “Beto me kuzwa mpulusu na Menga ya Nzambi.”

<sup>131</sup> Mwana ke bakaka menga ya tata ya yandi. Beto zaba yawu. Ya kele kaka sexe ya bakala ke pesaka hemoglobine. Na yina beto ke mona, mutindu nsusu ya kento ke losaka diki; yandi lendaka losa diki, kasi kana nsusu ya bakala, to bakala, me kutana ve na yandi, ya ke pasuka ve. Ya ke buta ve. Kento kele kaka munati yina ke nataka diki. Kasi diki ke kwisa . . . Nkuna ke katukaka na bakala.

<sup>132</sup> Mpe, na dyambu yayi, bakala vwandaka Nzambi Yandi mosi. Ya kele mutindu mu ke tuba, mutindu yina kele na nsi kele na zulu, mpe—mpe yina kele nene kele fyoti. Nzambi vwandaka nene mingi tii kuna Yandi kumaka, mpe salaka Yandi mosi mwa kima ya fioti mingi, to mwa nkuna mosi ya fioti na kati ya kivumu ya mwense. Mpe kuna Yandi salaka ba-cellule mpe Menga. Mpe Yandi butukaka, mpe Yandi kulaka na zulu ya ntoto. Mpe kubanda na kima yina, ya kukondwa mvindu, yina ke na mpusa ya nzutu ve, ata fioti.

<sup>133</sup> Na yina Yandi pesaka Menga yina, samu Yandi kumaka muntu ya dikanda ya beto. Mpe Yandi vwandaka Tata Mukudi. Mpe Yandi basisaka Menga yina, ya mpamba. Yandi vwandaka na yawu ve. Yandi pesaka Yawu ya ofele, samu na mpulusu.

<sup>134</sup> Na manima Yandi ke kwenda na zulu ya autel ya Nzambi, mpe ke vingila kuna, na yina Nzambi me simba Buku ya Mpulusu na maboko ya Yandi. Mpe Mwana-dimeme ya menga ke telama na autel ya munkayulu. Mwana-dimeme kele kuna, samu na kulungisa mpulusu, kusala lombilu.

<sup>135</sup> Na yina, wapi mutindu muntu lendaka meka na kutuba ti Marie, to Joseph, to muntu nyonso yankaka yina ke kufwa, lendaka vwanda—ke vwanda musambidi! Beno lenda ve kulomba kana Menga kele ve kuna. Yinga, tata. “Ya kele na Muvukisi mosi na kati-kati ya Nzambi na muntu, mpe ya kele Klisto Yesu.” Ya kele yina Masonuku ke tuba. Kuna Yandi me telama, mpe tii moyo ya nsuka ke kuzwa mpulusu; mpe na manima Yandi ke basika samu na kulomba yina Yandi vulusaka. Oh, wapi—wapi Tata ya nene Yandi kele!

<sup>136</sup> Ntangu yayi beno bambuka moyo, ntangu yayi, mu ke longaka ntangu nionso, ti, “Na yinwa ya bambangi zole to tatu, ti konso ndinga kuvwanda.” Mpe, Masonuku, na yina ya kele mutindu beno lenda ve kubaka Disonuku mosi mpe kusiamisa kima mosi kaka kana ti ya kele na kima yankaka yina ke wisana na yawu. Beno me mona?

<sup>137</sup> Beno me mona, mu lenda baka Disonuku mosi mpe kutuba, “Judas kwendaka kukidiembika,” beno ke kubaka yankaka mpe ke tuba, “Kwenda sala mutindu mosi.” Beno me mona? Kasi, beno me mona, ya ke wisana ve na Yawu.

<sup>138</sup> Mpe mu banzaka, na nsi ya Kidimbu yayi ya Sambanu, ntangu Mpeve-Santu zibulaka Yawu kuna, mpe mu monaka yina ya vwandaka, na yina mu banzaka ti ya ke vwanda kima mosi ya mbote samu na kupesa na kimvuka mwa kima mosi ya luswaswanu na nkokila yayi. Beno me mona? Samu, ya lendaka vwanda ya kulemba, na kuwa munu kutuba ntangu nionso, na yina mu banzaka ti beto ke sala kima mosi ya luswaswanu.

<sup>139</sup> Ntangu yayi beno tala. Diambu yayi ya nene ba kangaka na nsi ya Buku ya mansweki, ya mpulusu. Ntangu yayi Mwana-dimeme kele na Yawu na diboko ya Yandi, ke zibula Yawu.

140 Ntangu yayi beto tala na Matthieu kapu 24, Mwana-dimeme Yandi mosi ke na kuzonza. Ntangu yayi, muntu nionso me zaba ti Klisto kele Nsoniki ya Buku ya muvimba, mutindu yina. Kasi yayi kele nzonzolo ya Yandi—ya Yandi awa, to dilongi ya Yandi—ya Yandi samu na bantu, mbote mingi, samu na ba-Juif.

141 Ntangu yayi mu zola ti beno simba Buku ya beno mutindu *yayi*, Matthieu 24 mpe Apocalypse 6, mutindu *yayi*. [Mpangi Branham me simba Biblia ya yandi na makapu zole yayi ya kuzibula na bakapu yayi zole—Mu.] Mpe beto fwanikisa kima mosi awa na mwa ntangu fioti.

142 Ntangu yayi, beno tala mbote yayi ntangu yayi, mpe beno lenda tala kaka mutindu—mutindu ya kele. Beno me mona, yina Mwana-dimeme *awa* ke na kulakisa, kieleka na bidimbu, yina Yandi tubaka *awa* na Ndinga. Ya kieleka, yawu yina ya ke sala. Ntangu yayi, ya kele—ya kele kaka yina samu na yawu. Yawu yayi. . . *Awa* kele mosi, Yandi ke na kuzonzila yawu, mpe *awa* kele kisika yina yawu me salama. Beno me mona? Yawu kele kaka nsiamisa ya kulunga.

143 Ntangu yayi, ntangu yayi beto tala kapu ya 24 ya Santu Matthieu, mpe Apocalypse 6, mpe beto fwanikisa kapu ya 24 ya Matthieu. Beto nionso zaba ti yina vwandaka kapu yina muntu nionso me longukaka, bantu nionso me zonzilaka, samu na—samu na kutubila ntangu ya Lukwamusu. Beto ke mona yawu na kapu ya 24 ya Matthieu. Mpe ntangu yayi beto. . . Kana ya ke mutindu yina, ntangu yayi beto. . . Na yina, beto zaba ti Kidimbu yayi ya Sambanu kele Kidimbu ya lufundusu. Ya kele Kidimbu ya lufundusu, kieleka yina Yawu kele.

144 Ntangu yayi, beno me mona, beto me mona kutambula ya mbeni ya Klisto. Beto me mona Dibuundu me kwenda; ntangu yayi samu na Yandi, ya me mana. Na yina beto ke mona bambangi, ya ba-Juif yina kuna, na nsi ya autel. Ntangu yayi awa kele kutiamuka ya lufundusu, na zulu ya bantu yina kele. . .

145 Kuna na kati ya Lukwamusu yayi ke basika nkama na makumi yiya na yiya ya mafunda ya ba-Juif yina ba me vulusa. Mu ke lakisa na beno ti ba kele ba-Juif, mpe Bantu ya makanda ve. Ba kele ve na kima ya kusala na Kento ya makwela, kima mosi ve. Kento ya makwela, beto me mona Kento ya makwela me kwenda. Beno lenda ve kutula yawu na kisika yankaka; Yandi ke vutuka diaka ve tii na kapu 19 ya Buku ya ba-actes.

146 Ntangu yayi beno tala, na yina, Kidimbu ya Sambanu kele Kidimbu ya lufundusu ya Ndinga.

147 Ntangu yayi, awa, beto banda awa mpe beto tanga Santu Matthieu, kapu 24. Ntangu yayi mu ke zola kaka kupesa beno kima awa mu me tala, samu na kumona. Ntangu yayi, Santu Matthieu, kubanda na 1 tii na 3, mbote, ya kele kisika beto ke tanga ntete.

*Mpe mutindu Yesu wandaka basika, na tempelo: mpe bilandi ya yandi kwisaka samu na kutalisa yandi kivinga ya tempelo.*

*Mpe yandi tubaka na bawu, Beno me mona bima yayi nionso ve? ya kieleka mu ke tuba na beno, Ya ke vwanda ve na mosi. . . ditadi mosi na zulu yankaka, yina ke kubwa ve.*

*Ntangu yayi, mpe (nzila ya 3) na yina yandi vwandaka na zulu ya. . . mongo ya. . . Olive, bilandi kwizaka na yandi na kingenga, na kutubaka, Tuba na beto, wapi ntangu mambu yayi ke vwanda? . . . yinki ke vwanda kidimbu ya nkwizulu ya nge, mpe ya nsuka ya yinza?*

<sup>148</sup> Ntangu yayi beto telama awa. Banzila tatu yayi, yawu salamaka, ya kieleka, na Kilumbu ya zole na manima ya midi, na kilumbu ya yiya ya Ngonda, ya mvula 30 ya ntangu ya beto. Mpe banzila zole ya ntete salamaka na manima ya midi ya. . . ya kilumbu ya yiya ya Ngonda ya Yiya, na mvula ya 30 ya ntangu ya beto. Mpe nzila ya 3 salamaka na Kilumbu ya zole na nkokila ya kilumbu mosi yina. Beno me mona?

<sup>149</sup> Bawu kwendaka na tempelo, mpe bawu yufulaka Yandi bima yayi. “Yinki samu na yayi? Mpe yinki samu na yayi? Beno tala tempelo yayi ya nene! Ya ke kitoko ve?”

Yandi tubaka, “Ya ke vwanda ve na ditadi ke bikana mosi na zulu yankaka.”

<sup>150</sup> Na manima Yandi mataka na zulu ya mongo mpe vwandaka, beno me mona. Kuna, Yandi bandaka; ya vwandaka na manima ya midi. Mpe kuna ntangu bawu kumaka kuna, bawu yufulaka Yandi kuna, bawu tubaka, “Beto zola zaba mwa mambu.”

<sup>151</sup> Ntangu yayi beno tala, tala—tala bakyuvu tatu yina ba me yufula na ba-Juif, bilandi ya Yandi. Bakyuvu tatu ba yufulaka. Ntangu yayi beno tala mbote. “Yinki,” ntete, ntete “Yinki. . .? Wapi ntangu bima yayi ke salama, wapi ntangu, ‘Ya ke vwanda ve na ditadi mosi na zulu yankaka?’” “Yinki ke vwanda kidimbu ya Nkwizulu ya Nge?” na kyuvu ya zole. “Mpe ya nsuka ya yinza?” Beno me mona yawu? Ya kele bakyuvu tatu.

<sup>152</sup> Ntangu yayi, bantu mingi ke salaka kifu ya bawu kisika yina. Ba ke tulaka bima yayi awa samu na nsungi yina me lutaka, ntangu, beno me mona, Yandi ke na kupesa mvutu na bakyuvu tatu. Ba. . .

<sup>153</sup> Beno tala mbote ntangu yayi mutindu—mutindu kitoko ya kele, na nzila ya 3, beno me mona, nsasa ya nsuka kuna na nzila ya 3. “Mpe yinki ke vwanda. . .?” Ntete, ba bokilaka Yandi na mongo ya Olive awa, na kingenga. “Tuba na beto, wapi ntangu mambu yayi ke salama?” kyuvu ya ntete. “Yinki ke vwanda kidimbu ya Nkwizulu ya Nge?” kyuvu ya zole. “Mpe ya nsuka ya yinza?” kyuvu ya tatu. Beno me mona? Ya kele na bakyuvu tatu

ya kuswaswana yina ba me yufula. Ntangu yayi, ntangu yayi mu zola ti beno baluka mpe beno tala mbote mutindu Yesu awa ke tuba na bawu samu na yina me tala bima yayi.

154 Oh, ya kele kitoko mingi! Mu . . . Ke sala munu kaka . . . Mu—mu—mu ke baka . . . Yinki vwandaka mpova yina beto sadilaka na nkokila yina? [Dibuundu me tuba, “Luzatu.”—Mu.] Luzatu ya luzayikisu! Beno tala.

155 Ntangu yayi beto baka Kidimbu ya Ntete ya Bidimbu ya Buku yayi, mpe beto fwanikisa Kidimbu yayi ya Ntete na kyuvu yayi ya ntete.

156 Mpe konso kyuvu, beto ke fwanikisa yawu kuna, mpe beto ke mona kana ya ke wisana ve na mutindu ya kulunga, kaka mutindu beto salaka na kuzibuka ya bayayi nionso yankaka, na bansungi ya dibuundu mpe nionso, ya kieleka mutindu mosi. Kidimbu mosi, me zibuka na mutindu ya kulunga, kuna. Beno tala, ntangu yayi. Ntangu yayi beto ke tanga, ntete, samu . . . “Na yina Yandi vutulaka mvutu na bawu . . .” Mpe—mpe na yina Yandi—Yandi ke banda na kupesa mvutu ntangu yayi, mpe beto zola kufwanikisa yawu na Bidimbu.

157 Ntangu yayi beno tala mbote. Kidimbu ya Ntete kele Apocalypse 6:1 mpe 2. Ntangu yayi beto ke tanga 6:1 mpe 2.

*Mpe—mpe mu monaka . . . Mwana-dimeme ntangu yandi zibulaka mosi ya bidimbu, mpe mu kuwaka, mutindu ya vwandaka makelele ya nzasi, mosi ya bivangu yiya tubaka, Kwisa mpe tala.*

*Mpe mu monaka, mpe mu talaka mpunda ya mpembe: mpe yandi yina vwandaka na zulu ya yandi vwandaka na munani; mpe ba pesaka yandi yimpu ya kimfumu: mpe yandi kwendaka mutindu munungi, mpe samu na kununga.*

158 Nani beto me mona muntu yayi vwandaka? [Dibuundu me tuba, “Mbeni ya Klisto.”—Mu.] Mbeni ya Klisto. Matthieu 24, ntangu yayi, 4 mpe 5.

*Mpe Yesu vutulaka mvutu mpe tubaka na bawu—na bawu, Beno sala keba ti muntu ve kuvuna beno.*

*Samu ti bantu mingi ke kwiza na nkumbu ya munu, na kutubaka, mu kele Klisto; mpe ke vuna bantu mingi.*

159 Beno me mona yawu? Mbeni ya Klisto. Beno tala Kidimbu ya beno. Beno me mona? Beno me mona? Yandi zonzaka yawu awa; mpe awa bawu ke zibula Kidimbu mosi, mpe awa yandi vwandaka, kaka ya kulunga.

160 Ntangu yayi Kidimbu ya Zole, Matthieu 24:6, Apocalypse 6:3 mpe 4. Ntangu yayi beno tala mbote, Matthieu 24:6. Ntangu yayi beno bika mu tala yinki ya ke tuba.

*Mpe beno ke kuwa bamvita mpe bansangu ya bamvita: beno vwanda na boma ve: samu bima yayi nionso fwana salama, kasi nsuka ke vwanda ntete ve.*

161 Mbote mingi, beto baka Kidimbu ya Zole, Apocalypse 6:3 mpe . . . Zole. Beno tala yina Yandi me tuba ntangu yayi.

*Mpe ntangu yandi zibulaka kidimbu ya zole, mpe mu kwawaka kivangu ya zole kutuba, Kwisa . . . tala.*

*Mpe na manima basika mpunda yankaka yina vwandaka mbwaki: mpe ba pesaka ngolo na yandi yina vwandaka ya kuvwanda kuna samu na kukatula ngemba na ntoto, mpe ba ke kufwasana mosi na yankaka: mpe ba pesaka na yandi mbele ya nene.*

162 Ya kulunga, ya kieleka kaka! Oh, mu ke zolaka ti Masonuku kupesa mvutu Yawu mosi. Beno ve? Mpeve-Santu sonikaka Yawu nionso, kasi Yandi ke na lenda ya kumonisa Yawu pwelele.

163 Ntangu yayi beto tala Kidimbu ya Tatu. Ntangu yayi, yayi kele nzala. Ntangu yayi, Matthieu 24:7 mpe 8. Beto baka 7 mpe 8, na Matthieu.

*Mpe yinsi ke nwanisa yinsi yankaka, mpe kimfumu ke telemina kimfumu yankaka: mpe ya ke vwanda na banzala, . . . bimbevo ya ngolo, . . . kuningana ya ntoto, na bisika mingi.*

*Bima nyonso yayi kele mbandukulu ya mawa.*

164 Beno me mona, beno ke na kulandila na kubelama kuna. Ntangu yayi, Apocalypse, na nzila ya 6, ntangu yayi beto ke zibula Kidimbu ya Tatu. Ya kele na Apocalypse 6:5 mpe 6.

*Mpe ntangu yandi zibulaka kidimbu ya tatu, mu—mu monaka kivangu ya tatu kutuba, Kwisa mpe tala. Mpe mu talaka, mpe mu monaka mpunda ya ndombe; mpe yandi yina vwandaka na zulu ya yawu vwandaka na kitezolo na diboko ya yandi.*

*Mpe mu kwawaka ndinga mosi na kati ya bivangu yiya tubaka, Kilo mosi ya faline . . . samu na mbongo mosi . . . Kilo mosi ya faline samu na mbongo mosi ya kisengo, mpe bakilo tatu ya oloze samu na mbongo mosi ya kisengo; kasi kubesisa ve mafuta mpe . . . vinu.*

165 Nzala! Beno me mona, Kidimbu mosi kaka, kima mosi yina Yesu tubaka. Mbote mingi.

166 Kidimbu ya Yiya, “bimbevo ya ngolo” mpe “lufwa.” Beno tala, Matthieu 24. Beto ke tanga nzila ya 8, 7 mpe 8, mu ke kwikila ti yawu yina, na zulu ya Kidimbu yayi ya Yiya, mu me kuzwa awa. Mbote mingi.

167 Ntangu yayi, yinki mu me tanga awa? Mu me tanga kima ya mbote ve? Yinga, mu me sonika yawu. Yinga, yawu yayi.



Ntangu yayi beto ke kwenda. Ntangu yayi beto ke kwenda. Mbote mingi, tata.

<sup>168</sup> Ntangu yayi beto banda awa na 7, na zulu ya yayi, Kidimbu ya Yiya; mpe na kapu 6:7 mpe 8, samu na yankaka, na Apocalypse.

<sup>169</sup> Ntangu yayi beto tala 7 mpe 8 ya Matthieu 24. Mbote mingi, ntangu yayi.

*Mpe yinsi ke nwanisa yinsi yankaka, mpe kimfumu ke nwanisa kimfumu yankaka: mpe ya ke vwanda na nzala, . . . bimbevo ya ngolo, . . . bakuningana ya ntoto, na bisika mingi.*

*Bima nyonso yayi kele mbandukulu ya mawa.*

<sup>170</sup> Ntangu yayi Kidimbu ya Yiya, mutindu beto me tanga yawu awa, vwandaka . . . Kidimbu ya Yiya, vwandaka kubanda na 7 mpe 8, samu na yayi yankaka ntangu yayi.

*Mpe ntangu yandi zibulaka kidimbu ya yiya, mpe tala . . . kivangu ya yiya tubaka, Kwisa mpe tala.*

*Mpe mu talaka, mpe mu monaka mpunda mosi ya kunzuluka: . . .*

<sup>171</sup> Ntangu yayi beno vingila. Mu me sonika yayi yimbi. Yinga. Yinga. Ntangu yayi beno vingila fioti, ntangu yayi, 7 mpe 8.

<sup>172</sup> Ntangu yayi beto mona, Matthieu 24:7 mpe 8. Ntangu yayi beto tala. Beto ke baka yawu. Ya kele kuzibuka, ya Tatu, mutindu yina ve? Matthieu 24:7 mpe 8. Beno lemvokila munu. Ntangu yayi, yina ke zibula mvula, to, nzala, ke zibula nzala. Mbote mingi.

<sup>173</sup> Ntangu yayi, “bimbevo ya ngolo” mpe “lufwa.” Yinga, tata. Ntangu yayi beto ke kuma na yawu, 7 mpe 8. Ntangu yayi, yina ke vwanda Kidimbu ya Yiya. Beto tala kisika beto me kuzwa Kidimbu ya Yiya. “Mpe ntangu yandi zibulaka Kidimbu ya Yiya—ya Yiya . . .” Yinga, ya ke munati-mpunda ya mpunda ya kunzuluka, “Lufwa,” beno me mona.

*Mpe—mpe mu talaka, mpe mu monaka mpunda mosi ya kunzuluka: mpe yandi . . . mpunda mosi ya kunzuluka: mpe nkumbu ya yandi yina vwandaka na zulu ya yawu ba bokilaka yandi Lufwa, mpe Difelo vwandaka landa . . . yandi. Mpe ba pesaka yandi ngolo na zulu ya bitini yi- . . . bitini ya ntoto, samu na kufwa na mbele, mpe na nzala, mpe na lufwa, mpe na bibulu ya ntoto.*

<sup>174</sup> Ntangu yayi, beno me mona, yina vwandaka “Lufwa.”

<sup>175</sup> Ntangu yayi, Kidimbu ya Tanu, Matthieu 24:9-13. Beto tala kana mu me sokika yawu mbote, ntangu yayi, diaka. Beno me mona?

*Mpe na yina ba ke yekula beno samu ti ba talisa beno mpasi, mpe ba ke kufwa beno (yawu yayi): mpe ba ke yina beno na bayinsi nionso samu na nkumbu ya munu. Mpe ntangu. . .*

*Mpe na ntangu yina bantu mingi ke vwanda dyaka ve na lukwikilu. . . bantu mingi ke kufwa, bawu ke fundasana, mpe bawu ke yinasana.*

*Mpe bapofete mingi ya luvunu ke telama, mpe. . . ke vuna bantu mingi.*

*Mpe samu disumu ya nkú ke lutila, bantu mingi ke vwanda dyaka ve na zola.*

*Kasi yandi yina. . . ke tatamana tii na nsuka, ke kuzwa mpulusu.*

<sup>176</sup> Ntangu yayi, beto kele na zulu ya Kidimbu ya Tanu ntangu yayi. Mpe yina vwandaka mazono na nkokila, beno me mona. “Bantu ke yekula beno, bantu mingi ke fundasana,” mpe nionso yina.

<sup>177</sup> Ntangu yayi beno tala mbote awa na 6, Kidimbu, 6:9 tii na 11. Ntangu yayi beto baka yayi, Apocalypse 6:9 tii na 11.

*Mpe ntangu yandi zibulaka kidimbu ya tanu, mu monaka na nsi ya autel mioyo ya bayina kufwaka samu na ndinga ya Nzambi, mpe samu na kimbangi yina bawu pesaka:*

*Mpe bawu bokaka na ndinga ya ngolo, na kutubaka, Bantangu yikwa, . . . Mfumu, santu. . . ya kieleka, nge ke. . . fundisa bantu ya ntoto mpe ke pesa kitumbu na bantu ya ntoto samu ti bawu kufwaka beto?*

*Ntangu yayi, mpe bamvwela ya mpembe ba me pesa na mosi na mosi ya bawu; mpe ba tubaka na bawu, ti ba ke pema diaka mwa ntangu fioti, tii kuna bampangi ya bawu mpe bankundi ya bawu, . . . ke kufwa mutindu bawu.*

<sup>178</sup> Ntangu yayi, beno me mona, na nsi ya Kidimbu ya Tanu, beto ke mona—beto ke mona awa bumbangi.

<sup>179</sup> Mpe na nsi ya 24:9 awa, beto. . . tii na 13, beto ke mona diaka ti ya vwandaka bambangi. “Bantu ke yekula beno, mpe ke kufwa beno,” mpe nyonso yina. Beno me mona, Kidimbu mosi yina me zibuka.

<sup>180</sup> Ntangu yayi, na Kidimbu ya Sambanu, ya kele yina beto ke zonzila ntangu yayi, Matthieu 24:29 mpe 30. 24, mpe beto baka 29 mpe—mpe 30. Yawu yayi.

Ntangu yayi, ntangu yayi beto ke baka, dyaka, Apocalypse 6:12 tii na 17.

181 Ya kieleka yawu yina beto me tanga. Ntangu yayi beno kuwa yayi, ntangu yayi, yina Yesu tubaka na Matthieu . . . : Na 29, 24:29 mpe 30.

*Kaka na manima ya lukwamusu ya bilumbu yina . . .*

182 Yinki? Ntangu . . . lukwamusu yayi, lukwamusu yayi ya fioti ba me luta awa, beno me mona.

*. . . mwini ke kuma ndombe, mpe ngonda ke pesa nsemo ya yandi ve, mpe bambwetete ke kubwa na zulu, mpe bangolo ya . . . mazulu ke ningana:*

*Mpe kuna ke monika kidimbu ya Mwana ya muntu na mazulu: mpe na yina makanda nyonso ya ntoto ke vwanda na mafwa, mpe ba ke mona Mwana ya muntu ke kwisa na matuti ya mazulu na ngolo mpe nkembo ya nene.*

183 Ntangu yayi, beno tanga awa na Apocalypse ntangu yayi, Kidimbu ya Sambanu, yina beto ke zonzila na ntangu yayi.

*Mpe . . . tala ntangu yandi zibulaka kidimbu ya sambanu, mpe, tala, ya vwandaka na kuningana ya ntoto ya nene; mpe mwini kumaka ndombe mutindu (beno me mona?) makala, mpe ngonda kumaka mutindu menga;*

*Mpe bambwetete ya mazulu kubwaka na ntoto, mutindu yinti ya fiki yina ba me ningisa na mupepe ya ngolo, ke losaka, . . . bambuma ya fiki ya mubisu.*

*Mpe mazulu balukaka mutindu buku yina ba me balula; mpe mongo nyonso mpe kisanga nyonso . . . katukaka na kisika ya bawu.*

*Mpe bantinu ya ntoto, mpe bantu ya nene, mpe bamvwama, mpe bamfumu ya basoda, mpe bantu ya ngolo, mpe bampika nyonso, . . . mpe bantu nyonso ya kimpwanza, vwandaka bumbama na kati ya badena . . . na kati ya matadi ya mongo;*

*Mpe ba vwandaka tuba na myongo mpe matadi, Beno kubwa na zulu ya beto, mpe beno bumba beto na kizizi ya yandi yina kele ya kuvwanda na zulu ya kiti ya kimfumu, mpe nganzi ya Mwana-dimeme:*

*Samu ti kilumbu ya nene ya nganzi ya yandi me kwisa; . . . nani ke vwanda na kiyeka ya kuzinga?*

184 Ya ke kaka ya kulunga, beno baka kaka dititi yina kuna, beno mona yina Yesu tubaka awa ntangu yayi na Matthieu 24:29. Beno kuwa. “Na manima,” diambu ya Eichmann yayi, mpe nionso yina.

*Kaka na manima ya bilumbu yayi ya lukwamusu mwini ke kuma ndombe, . . . ngonda ke—ke pesa nsemo*

*ya yandi ve, . . . bambwetete ke kubwa na mazulu, . . . bangolo ya . . . mazulu ke ningana:*

Ntangu yayi beno tala mbote.

*Mpe kuna ke monana kidimbu ya Mwana ya muntu na mazulu: mpe bawu ke mona, mpe bawu . . . mpe na yina makanda nyonso ya ntoto ke vwanda na mafwa, mpe ba ke mona Mwana ya muntu ke kwisa na matuti ya mazulu na ngolo ya nene mpe nkembo.*

*Mpe . . . kufidisa bawanzio ya yandi, mpe nyonso yina, mpe na . . . muningu ya mpungi, mpe . . . ke vukisa bawu kintwadi . . . mipepe yiya, . . . bawu ke nwanasana.*

<sup>185</sup> Beno me mona, kieleka kaka, na kufwanikisaka yina Yesu tubaka na Matthieu 24, mpe yina mumonikisi me talisa awa na kuzibuka ya Kidimbu ya Sambanu, ya kele kaka kieleka. Mpe Yesu wandaka tubila nsungi ya Lukwamusu. Beno me mona?

<sup>186</sup> Ntete, yandi yufulaka ntangu bima yayi ke salama, ntangu ba ke katula tempelo. Yandi vutulaka mvutu na yawu. Kima ya kulanda yandi yufulaka, ntangu ntangu ke vwanda . . . Ya ke vwanda na nsungi ya bambangi. Mpe ntangu yayi ke salama, ntangu mbeni ya Klisto ke telama; mpe ntangu mbeni ya Klisto ke zimbisa tempelo.

<sup>187</sup> Daniel, beto lendaka vutuka kuna mpe yina Daniel tubaka kuna, ntangu yandi tubaka ti, ntinu yayi ke kwisa. Beno mitangi zaba yawu. Mpe yinki yandi zolaka sala? Yandi ke katula munkayulu ya konso kilumbu, mpe nionso yina ke salama na ntangu yina. Yandi tubaka . . .

<sup>188</sup> Yesu, mpe, ke na kuzonzila yawu awa, Yandi me sikimisa yawu. Yandi tubaka, “Ntangu beno ke mona busafu yina ke pesaka kiadi, yina zonzilaka profete Daniel, me telama na kisika ya santu.” Yinki ya kele? Moscou ya Omar, wandaka na kisika ya tempelo ntangu ba yokaka yawu na tiya. Yandi tubaka, “Bika ti bayina kele na myongo . . . Bika ti bayina kele na zulu ya muludi ya yinzo, kukulumuka ve samu na kubaka bima na yinzo, to yandi yina kele na kilanga kuvutuka ve na manima. Samu ti ya ke vwanda na ntangu ya mpasi!” Beno me mona? Mpe bima yayi nionso ke salama, beto me talisa ndandani ya yawu ntangu yayi mpe beto me siamisa yawu, na kunataka yawu na kuzibuka ya Kidimbu ya Sambanu.

<sup>189</sup> Ntangu yayi mu zola ti beno bakula. Yesu . . . Ntangu yayi, na yina me tala mbasi na nkokila, samu na Yayi, Yesu zimbanaka malongi ya Kidimbu ya Sambwadi. Ya kele awa ve. Beno tala mbote, Yandi ke kwenda na bingana ntangu yayi, na manima ya yawu. Mpe Jean pesaka yandi Kidimbu ya Sambwadi. Ya Sambwadi, ya nsuka, Kidimbu ya Sambwadi, yina ke vwanda kima ya nene. Yawu me sonamaka ve, beno me mona. Yandi zimbanaka Kidimbu ya Sambwadi; bawu zole me sala yawu.

Mpe mumonikisi, ntangu Nzambi tubaka ti ya vwandaka . . . Jean tubaka, “Ya vwandaka kaka swi na Zulu.” Ata mbala mosi ve ti Yesu tubaka dyambu samu na Yawu.

<sup>190</sup> Beno tala ntangu yayi, beto vutuka na nzila ya 12, beno tala, Kivangu mosi ve. Ya kele nzila ya 12, beto ke banda na Kidimbu ya beto, samu na kumona yawu me zibuka. Kivangu mosi ve, mutindu, Bivangu ya moyo, me talisama awa, to, mutindu ya vwandaka na Kidimbu ya Tanu. Samu na yinki? Yayi salamaka, na lweka yina yankaka ya nsungi ya Nsangu ya mbote, na ntangu ya Lukwamusu. Kidimbu ya Sambanu yayi kele nsungi ya Lukwamusu. Yawu yina ke salama. Kento ya makwela me kwenda. Beno me mona? Ya kele ve na ata kivangu ya moyo to kima ve ya kutuba yawu. Ya kele kaka . . . Ntangu yayi, Nzambi ke na kusala dyaka ve na Dibuundu; Yawu me kwenda.

<sup>191</sup> Yandi ke salaka na Israël, beno me mona. Beno me mona, yayi kele lweka yankaka, yayi kele ntangu Israel kuzwaka Nsangu ya kimfumu, na nzila ya baprofete zole ya Apocalypse 11. Beno bambuka moyo, Israel kele yinsi, kisadi ya Nzambi, yinsi. Mpe ntangu—ntangu—ntangu Israel me kota, ya ke vwanda diambu ya yinsi.

<sup>192</sup> Israël, nsungi ya kimfumu, kele kisika David. . . Mwana ya David, ke vwanda na kiti ya kimfumu. Kikuma yawu yina kento yina bokaka, “Nge Mwana ya David!” Mpe David ke . . . Mwana ya David! Nzambi zengaka ndefi na nzila ya Yandi mosi, na David, ti Yandi ke vumbula Mwana ya Yandi yina ke baka kiti ya yandi ya kimfumu. Ya ke vwanda kiti ya kimfumu ya kukonda nsuka. Beno me mona? Ya ke vwanda na nsuka ve. Salomon salaka yawu, na kifwani, na kati ya tempelo. Mpe Yesu tubaka na bawu awa, ti, “Ya ke vwanda ve na ditadi yina ke bikana na yankaka na zulu ya yawu.” Kasi Yandi vwandaka meka na kutuba na bawu awa, yina kele . . . Yandi ke na kuvutuka.

“Wapi ntangu Nge ke vutuka?”

<sup>193</sup> “Bima yayi ke salama na ntwala Mu ke vutuka.” Mpe yawu yayi!

Ntangu yayi beto me kuma na ntangu ya Lukwamusu.

Beno bambuka moyo, ntangu kimfumu ke vwanda, na zulu ya ntoto . . .

<sup>194</sup> Ntangu yayi, yayi lendaka vwanda mwa mpasi. Mpe kana ya kele na kyuvu, mpe beno—beno lenda dyaka kuyufula munu; kana beno zola kuyufula kyuvu, na manima ba me bokila yawu, samu na kuzonzila yawu; kana beno me zaba yawu ve, beno me zaba yawu ntete ve.

<sup>195</sup> Na ntangu ya Millenium, ya kele Israel yina kele yinsi, makanda kumi na zole mutindu yinsi.

<sup>196</sup> Kasi Kento ya makwela kele na yinzo ya kimfumu. Yandi kele Ntinu ya kento ntangu yayi. Yandi me kwelana. Mpe ntoto nionso

ke kota na mbanza yayi, Jérusalem, mpe samu na kunata nkembo ya yawu kuna. “Mpe mielo ke vwanda ve ya kukanga, na—na—na mpimpa, samu ti mpimpa ke vwanda ve.” Beno me mona? Mielo ke vwanda ntangu nyonso ya kuzibula. “Mpe bantinu ya ntoto,” Apocalypse . . . :22, “ke nata lukumu mpe nkembo na mbanza yayi.” Kasi Kento ya makwela kele na kati kuna na Mwana-dimeme. Oh, la la! Beno lenda mona yawu, kuna na kati! Ve . . . Kento ya makwela ke vwanda ve na nganda awa samu na kusala na bilanga ya vinu. Ve, tata. Yandi kele Kento ya makwela. Yandi kele Ntinu ya kento samu na Ntinu. Ya kele bayankaka yina ke sala kuna na nganda, yinsi, Kento ya makwela ve. Amen. Mbote mingi.

<sup>197</sup> Beno tala minati nsangu yayi ntangu yayi, minati nsangu yayi ya Apocalypse . . . :12, baprofete zole yayi, ba ke longi, “Kimfumu me kuma pene-pene!” Beno me mona? Kimfumu ya Mazulu fwana vwanda. Ntangu, ya bamvula tatu na ndambu ya sabala ya makumi sambwadi ya Daniel, ba silaka na ba-Juif, bantu ya yandi. Beno bambuka moyo ntangu yayi, ti, samu na kusiamisa yawu, yayi kele kitini ya nsuka ya makumi sambwadi ya Daniel. Mu ke na kyuvu na zulu ya yawu samu na mbasi. Beno me mona?

<sup>198</sup> Ntangu yayi, basabala makumi sambwadi ba silaka, yina vwandaka bamvula sambwadi. Mpe na kati-kati ya basabala sambwadi, ba zolaka katula Mesiya, samu na kusala munkayulu. Yandi ke pesa profesi bamvula tatu na ndambu, mpe ba ke katula yandi, mutindu munkayulu samu na bantu. Mpe ya kele dyaka na dikani, ti bamvula tatu na ndambu ba me zenga dyaka samu na Israél. Na yina, ntangu ba katulaka Mesiya, ba kufwaka Juif meso samu ti yandi kumona ve ti ya vwandaka Mesiya.

<sup>199</sup> Mpe, na yina, ntangu ba katulaka Mesiya, na manima nsungi ya Nsangu ya mbote mpe lemvo kwisaka na Bantu ya makanda. Mpe bawu kulumukaka, mpe Nzambi basisaka mosi *awa* mpe *kuna*, mpe *awa* mpe *kuna*, mpe me tulaka bawu ntama na nsi ya minati nsangu; mpe *awa* mpe *kuna*, mpe *awa* mpe *kuna*, mpe me tula bawu ntama na lweka ya minati nsangu.

<sup>200</sup> Mpe Yandi fidisaka munati nsangu ya ntete, mpe yandi longaka, mpe mpungi bulaka; mutindu beto ke mona yawu, na manima ya mwa ntangu fioti. Mpe, na yina, mpungi vwandaka talisa mvita. Mpungi ke lakisaka ntangu nyonso mvita. Munati nsangu, wanzio ke kwisa na zulu ya ntoto, munati nsangu ya ngunga, mutindu Luther, mutindu minati nsangu nionso yina beto tubilaka. Yinki yandi ke salaka? Yandi ke kwisa; mpe Kidimbu mosi me zibuka, me monisama; mpungi ke bula, ba me samuna mvita, mpe bawu me kwenda. Na manima munati nsangu ke kufwa. Yandi ke tula kidimbu na kimvuka yayi; ba me tula bawu na lweka. Mpe mpasi ke kubwa na zulu ya bayina mangaka Yawu. Beno me mona?

201 Na yina ya ke kwenda na ntwala, na manima ba ke sala organisation, mpe ke sala organisation yankaka. Beto me lutila yawu. Na yina, awa ba me basika na ngolo yankaka, beno me mona, ngolo yankaka, nsungi yankaka ya dibuundu, ministere yankaka. Na yina, ntangu yandi ke sala mutindu yina, Nzambi ke kwisa na ministere ya Yandi, ntangu mbeni ya Klisto ke kwisa na yandi. Beno me mona, *mbeni* ke “telemina.” Ba ke tambula lweka na lweka.

202 Mu zola beno kutala mwa kima mosi. Kaka na kutala ntangu yina—yina Caïn kwizaka na zulu ya ntoto, Abel kwizaka na zulu ya ntoto. Mu zola ti beno bakula, kaka na ntangu yina—yina Klisto kwisaka na zulu ya ntoto, Judas kwisaka na zulu ya ntoto. Na kutala ntangu yina Klisto basikaka na ntoto, Judas basikaka na ntoto. Kaka na kutala ntangu Mpeve-Santu kulumukaka, mpeve ya mbeni ya Klisto kulumukaka. Kaka na kutala ntangu Mpeve-Santu ke kukimonisa Yandi mosi awa na bilumbu ya nsuka, mbeni ya Klisto ke na kutalisa bantinta ya yandi, ke na kumata na nzila ya politiki mpe nionso yina. Mpe kaka na ntangu mbeni ya Klisto ke kota ya muvimba na nzi- . . . na kisalú; Nzambi ke tulaka Yandi mosi ya kufuluka, samu na kuvulusa bawu nionso. Beno me mona, ke kwenda kaka, kaka kintwadi. Mpe bawu kele, bawu zole, lweka na lweka. Caïn na Abel! Nkwankwa mpe yembe, na zulu ya nzaza! Judas mpe Yesu! Mpe kaka na zulu ya ntoto, beno lenda baka yawu. Kaka . . .

203 Awa vwandaka Moab mpe Israel; bawu zole. Moab vwandaka ve yinsi ya mimpani. Ve, tata. Bawu pesaka munkayulu ya mutindu mosi na yina Israel vwandaka pesa munkayulu. Bawu sambilaka na Nzambi yina mosi. Ya kieleka. Moab vwandaka bokila . . . Yandi vwandaka mosi ya bana ya bakento ya Lot bayina lalaka na tata ya yandi, mpe kuzwaka mwana. Mpe mwana yina ba bokilaka yandi Moab. Mpe na nzila ya yandi mwanganaka dikanda ya Moab, yinsi ya Moab.

Mpe ntangu bawu monaka Israël, mpangi ya bawu ya kuvuluka, kukwiza.

204 Ba vwandaka bantu ya kukangama na misiku. Ba vwandaka denomination ya nene. Israel vwandaka ve na denomination; yandi vwandaka zinga kaka na kati ya batenta mpe bisika nionso beno ke kwenda. Kasi Moab vwandaka na bantu ya lukumu, bantinu, mpe nionso yina. Mpe bawu vwandaka na Balaam kuna, profete ya luvunu. Mpe bawu nionso vwandaka na yayi. Na yina bawu kulumukaka kuna samu na kusinga mpangi ya bawu ya bakala yina vwandaka na nzila na yinsi ya nsilulu, yina vwandaka kwenda na nsilulu ya yandi.

205 Mpe yandi kwendaka mpe yufulaka bawu, “Mu lenda luta na yinsi ya nge? Kana ngombe ya munu ya kento kunwa masa, mu ke futa samu na yawu. Kana bawu kudia matiti, beto ke futa samu na yawu.”

206 Yandi tubaka, “Ve. Nge ke simbisa ve reveil ya mutindu yina na nziunga awa. Ya kieleka. Beno ke simbisa kima ya mutindu yina ve na nziunga awa.”

207 Mpe na manima beno tala mbote yina yandi salaka. Yandi kwisaka mbala mosi na mutindu ya Jesabel, mpe yandi kwisaka na nzila ya profete yina ya luvunu, mpe salaka ti bana ya Nzambi kusala kifu. Mpe kotisaka bakento ya Moab na—na Israel na nzila ya makwela, mpe salaka pité.

208 Mpe yandi salaka kima ya mutindu mosi, na nsungi mosi yina, na nzietelo, na nzila ya kukwenda na Yinsi ya nsilulu, beto kele na nzila. Yinki yandi salaka? Profete ya luvunu me kwisa kaka mpe me kwelana, mpe yina ba me bokila na kukota na dibuundu ya ba-Protestant, mpe me tula ba-denomination, kieleka kaka yina ba salaka na ntangu yina.

209 Kasi Israel ya fioti me kwenda na ntwala, mutindu mosi. Yandi zietaka na kati ya ntoto ya kuyuma kubanda ntama, mpe bayinzo ya ntama yina nionso ya bitumba lendaka kufwa, kasi yandi kwendaka mbala mosi na yinsi ya nsilulu. Yinga. Yinga. Beno tala bawu nionso na diboko, kaka na ntwala bawu zabuka Jourdain. Ha-ha! Mu ke zolaka yawu. Ntangu yayi beto ke na kukuma na nsungi yina na ntangu yayi, awa ntangu yayi. Beno tala.

210 Ntangu yayi beto me mona, ti, ntangu, ya nsuka (mu me tuba) bamvula tatu na ndambu ya basabala makumi sambwadi ya Daniel.

211 Beno bika mu zonzila yawu mwa fyoti, samu ti mu ke mona muntu awa yina ke talaka yawu ntangu nyonso, mpe mu—mu zola kumeka na kusala munu mosi mbote; mulongisi.

212 Beno tala ntangu basabala makumi sambwadi kwisaka. Ntangu Daniel monaka vision ya ntangu ke kwisa, mpe nsuka ya ba-Juif, kasi yandi tubaka ba zengaka basabala makumi sambwadi. Ya kele bamvula sambwadi; na kati-kati ya yawu, na yina, Mesiya ke vwanda awa, to, mpe ba ke katula yandi, samu na munkayulu. Ntangu yayi, ya kele kieleka yina salamaka.

213 Na yina, Nzambi salaka na Bantu ya makanda tii kuna bawu basisaka bantu samu na Nkumbu ya Yandi. Ntangu Dibundu ya Bantu ya makanda me kwenda, Yandi me baka Dibundu.

214 Mpe ntangu Yandi salaka yawu, mwense ya kulala, dibuundu yawu mosi. . . Kento ya makwela me mata. Mpe dibuundu yawu mosi vwandaka ya kutula na “mpimpa, kisika ya kele na kudila, mpe manyongo, mpe kukwetisa meno.” Na ntangu mosi, Lukwamusu ke kubwa na zulu ya bantu yina.

215 Mpe na yina Lukwamusu ke na kubwa, na kati kuna ke na kwisa baprofete zole yayi ya Apocalypse 11, samu na kulonga Nsangu ya mbote na bawu. Mpe bawu ke longa mafunda ya bantu, nkama mosi. . . mpe bilumbu makumi sambanu. Beno me



mona? Mbote, ya kieleka, na bilumbu makumi tatu na ngonda mutindu manaka ya kieleka kele, ya kieleka bamvula tatu na ndambu. Yina kele kitini ya Daniel ya makumi sambwadi, kitini ya nsuka ya sabala ya makumi sambwadi. Beno me mona?

Nzambi ke sala ve na Israël na kati awa. Ve, tata.

216 Mpangi mosi yufulaka munu, ntama mingi ve, yandi tubaka, “Mu fwana kwenda na . . .” Mpangi-bakala mosi awa na dibuundu, mpangi-bakala ya ntalu, ya luzolo, yandi tubaka, “Mu—mu zola kwenda na Israel. Mu ke kwikila ti ya ke na kuvumbuka.”

217 Muntu mosi tubaka na munu, “Mpangi Branham, nge fwana kwenda kaka na Israël malu-malu yayi. Bawu ke mona yawu.” Beno me mona, beno lenda sala yawu ve.

Mu telamaka kaka kuna, mpe mu banzaka . . .

218 Ba-Juif yango tubaka, “Kana mu . . . Mbote, kana yayi kele, Yesu vwandaka Mesiya,” yandi tubaka, “bika mu mona Yandi kusala kidimbu ya profete. Beto ke kwikila baprofete ya beto, samu ti ya kele yina bawu kele—bawu fwana vwanda.”

219 “Wapi mutindu ya kulunga,” mu banzaka. “Awa mu me kwenda!” Ntangu mu kumaka kuna, kaka pene-pene na yawu, kieleka . . . Mu vwandaka, mbote, mu vwandaka na Caire. Mpe mu vwandaka na ticket ya munu na diboko, samu na Israel. Mpe mu tubaka, “Mu, mu ke kwenda, tala kana bawu ke lomba yawu, kana bawu lenda mona kidimbu ya profete. Beto ke tala kana bawu ke ndima Klisto.”

220 Lewi Pethrus, ya dibuundu ya Stockholm, fidisaka bawu mafuku ya Biblia.

221 Mpe ba-Juif yina ke na kukwisa kuna! Beno monaka film. Mu ke na yawu na bobine, kaka na manima awa na ntangu yayi, *Baminuti Tatu Me Bikana Na Kukuma Na Kati-kati ya Mpimpa*. Mpe ba-Juif yina ke na kukwisa, kubanda na yinza ya muvimba, bisika nionso, me banda na kuvukana kisika mosi kuna.

222 Na manima Angleterre kwendaka kuna, na ntangu ya Général Allenby, na *Kubwa Ya Mvita ya Yinza ya Muvimba*, na volume ya zole, mu banza ti ya kele, mpe bawu kukipesaka bawu mosi, ba-Turc kukipesaka bawu mosi, na yina yandi me vutula yawu na Israel. Mpe yandi me kula mutindu yinsi, mpe ntangu yayi yandi kele yinsi ya kulutila mbote: mbongo ya yandi mosi, monnaie ya yandi mosi, dalapo ya yandi mosi, basoda ya yandi mosi, mpe nionso yina. Beno me mona?

223 Mpe ba-Juif yayi, ba vwandaka vutuka na yinsi ya bawu, ba vwandaka . . . Kima ya ntete, ntangu bawu kwendaka na Iran, mpe kuna na kati, samu na kuzwa bawu, bawu yufulaka . . . Bawu tubaka . . . yandi tubaka . . . Bawu zola vutula bawu na Israel, kupesa bawu kisika ya bawu; ba ke vutula bawu na yinsi ya bawu, Palestine, kisika ba lendaka vwanda.

224 Mpe, beno bambuka moyo, na ntangu Israel ke vwanda na nganda ya yinsi yina, yandi ke na nganda ya luzolo ya Nzambi; mutindu Abraham, yandi yina ba pesaka. Mpe ntangu . . .

225 Bawu lunga mata ve na avion yina. Bawu monaka kima ya mutindu yina ve. Ya vwandaka na kiboba ya rabbin yandi kulumukaka kuna, yandi tubaka, “Profete ya beto tubaka na beto, ti, ntangu Israel kwendaka na yinzo, ya ke vwanda ‘na zulu ya mapapu ya ngononi,’” na avion, na yinzo.

226 Yandi kele kuna ntangu yayi, ke na kutungama. Yinti ya fiki ke na kubasika diaka! Amen! Mbwetete ya ntama ya David na mavala sambanu ke na kupepa!

227 “Ba me tanga bilumbu ya Bantu ya makanda, ba me fuluka na boma!” Nsungu ya Lukwamusu me belama!

228 Mpe beto me telama kaka awa, mpe Bidimbu vwandaka me funguka, Dibuundu me yilama na kukwenda na Zulu!

229 Mpe Lukwamusu vwandaka kuna, na yina Nzambi ke kulumuka mpe ke basisa nkama na makumi yiya na yiya ya mafunda kuna. Amen! Kuna, oh, ya kele ya kulunga! Beno me mona kisika Bidimbu ke basisa yawu ntangu yayi, beno me mona, ke zibula yawu? Ntangu yayi, yayi kele bamvula tatu na ndambu na bantu. Mpe, kana beno tala, ya kele ntangu yina Nzambi ke bokila yawu nkama mosi na makumi yiya na yiya ya mafunda ya ba-Juif, na bamvula tatu yayi me luta na ndambu.

230 Beno me mona, Yandi me sala na bawu ve, na mutindu nionso. Ba vwandaka na profete ve. Bawu ke kwikila kima yankaka ve kasi profete. Nge ke dasukila bawu ve. Na yawu, bawu ke kuwa profete, yinga, tata, mpe yimeni. Ti, Nzambi tubaka na bawu ti na mbandukulu, mpe bawu ke vwanda kaka na yawu.

231 Yandi tubaka, “Mfumu Nzambi ya nge ke telemisa Profete mosi na kati ya nge, mutindu munu.” Moise tubaka mutindu yina. Mpe yandi tubaka, “Yandi ke kuwa. Mpe muntu nionso yina ke kuwa Profete yina ve, ba ke katula yandi na bantu.” Ya kieleka.

232 Mpe, beno me mona, meso ya bawu zolaka vwanda ya kufwa meso, to ba zolaka zaba Yandi. Na kisika ya yina, bawu vwandaka mpofo, bawu vwandaka . . .Bika ti Satana kulandila na kukwenda na zulu ya bawu, mpe bawu tubaka, “Yandi kele nganga-nkisi, Béelzébul. Bika ti menga ya yandi kuvwanda na zulu ya beto. Beto zaba ti ya kele ve na kima mosi samu na yandi.” Beno me mona?

233 Mpe bantu ya mputu vwandaka ya kufwa meso. Ya kele samu na yina nkonga ya Eichmann mpe nkonga yina nionso ba kufwaka kuna. Yandi vwandaka na muswa ya kukota; Tata ya bawu mosi zolaka kufwa meso ya bawu samu ti Yandi baka beto.

<sup>234</sup> Yina kele kima ya mawa na kati ya Masonuku, na kutala. Beno banza kaka kuna, ba-Juif, ke bokila Menga ya Tata ya bawu mosi, Nzambi ya bawu mosi kuna, menga. Beno tala, “Bawu komaka Yandi na kulunsi,” Biblia ke tuba. Yina kele bandinga yiya ya kulutila nene. Beno tala. “Kuna,” Jérusalem, mbanza ya kulutila santu na yinza. “Bawu,” bantu ya kulutila santu na yinza. “Komaka na kulunsi,” lufwa ya kulutila nku na yinza. “Yandi,” Muntu ya kulutila mfunu na yinza. Beno me mona? Samu na yinki? Bantu ya nsambulu, nsambulu ya kulutila nene na yinza, nsambulu ya kieleka kaka na yinza, vwandaka ya kutelama kuna, vwandaka koma na kulunsi Nzambi ya kieleka yina Biblia ya bawu tubaka ke kwiza.

<sup>235</sup> Samu na yinki bawu monaka yawu ve? Biblia ke tuba na beto ti Nzambi kufwaka meso ya bawu samu ti bawu kumona yawu ve. Bawu. . . Yandi tubaka, “Nani na kati ya beno lenda fundisa Munu na disumu?” Na nzonzolo yankaka, “Kana mu me sala kieleka ve yina Mu zabisaka na ntwala samu na kusala, na yina beno ke tuba na Munu.” *Disumu* kele “kukondwa lukwikilu.” Yandi salaka kieleka yina Nzambi tubaka na Yandi, kasi bawu lendaka ve kumona yawu.

<sup>236</sup> Ntangu yayi ntangu beno ke zonza na bantu, ya kele kaka mutindu kulosa maza na zulu ya ba-pomme na manima. Beno me mona yina mu zola kutuba? Ya kele kima ya kyadi, ntangu beno ke mona bayinsi yayi mpe bantu, mutindu bawu ke salaka, na mutindu ya kukangama mingi mpe nsambulu! Kasi Mpeve-Santu ke tuba na beto yawu ve? “Ba ke vwanda bantu ya kuditombola, bantu ya lufundu, bantu ke zolaka biese ya yinza kulutila bantu ya Nzambi, bantu yina ke zitisaka ve bandinga ya bawu, bantu yina ke fundaka bayankaka, bantu yina ke kukipekisaka ve, mpe bambeni ya bantu ya mbote. Ba ke vwanda na mutindu ya kinzambi, kasi ba ke manga Ngolo ya Nsangu ya mbote.” Yandi tubaka, “Katuka kuna, kwenda ntama na bawu.”

<sup>237</sup> Beto me kuma kisika yango, ya kele ba-denomination ke niongumuna nionso Yina. Ba ke baka nkembo nionso mpe Ngolo, ba ke tula Yawu na bantumwa, mpe nionso yankaka ya Yawu ke vwanda na Millenium. Ya ke kaka mutindu muntu, mutindu mu me tuba na ntwala; bakala mosi ke pesaka lukumu na Nzambi na yina Yandi me sala, ke tala na ntwala na yina Yandi ke sala, mpe ke kipe ve yina Yandi ke na kusalaka na ntangu yayi. Ya kele kaka kieleka. Muntu kele kaka kima mutindu mosi.

<sup>238</sup> Ya vwandaka na ba-Juif yango ya kutelama kuna, vwandaka tuba, “Nkembo na Nzambi! Beto tala,” na kapu ya 6 ya Santu Jean, tubaka, “batata ya beto kudiaka mana na ntoto ya kuyuma!”

Mpe Yesu tubaka, “Bawu kele, mosi na mosi, ya kufwa.”

<sup>239</sup> “Bawu kunwaka masa na Ditadi na ntoto ya kuyuma, mpe nionso yina.”

<sup>240</sup> Yandi tubaka, “Mu keke Ditadi yango.” Ya keke kieleka. Amen. Yandi tubaka, “Kasi mu keke Dimpa ya Luzingu yina me katuka na Zulu na Nzambi, Yinti ya Luzingu yina me katuka na Eden kuna. Kana muntu kudya Dimpa yayi, yandi ke kufwa ve; Mu ke vumbula yandi dyaka na bilumbu ya nsuka.” Mpe kasi ba lendaka mona yawu ve! Ya kieleka.

<sup>241</sup> Mesiya ya kutelama kuna, vwandaka zonga bampova ya kieleka ya ntima ya bawu, mpe bima mutindu yina, na kulakisaka ti Yandi vwandaka Mesiya, kaka yina Mesiya zolaka sala!

<sup>242</sup> Mpe bayankaka ya kutelama kuna na maboko ya bawu na manima ya bawu, mpe, “Huh! Ya lenda vwanaka ve. Ve, ve. Yandi—yandi—yandi—yandi kwisaka ve na mutindu ya mbote. Beno me mona, yandi basikaka na Bethlehem. Mpe yandi—yandi keke kima yankaka ve kasi mwana ya makangu. Mpe yina keke diabulu ke salaka na yandi. Beto—beto zaba ti yandi keke kilawu. Yandi keke kilawu. Yandi keke na mpeve ya yimbi.” Beno me mona? Meso ya bawu vwandaka kieleka ya kufwa na yawu.

<sup>243</sup> Ntangu yayi, kasi ba ke vingila profete ya bawu. Mpe bawu ke kuzwa yawu, ke kuzwa zole ya bawu. Ya keke kieleka.

<sup>244</sup> Ntangu yayi beno tala, diaka, ntangu yayi, mpe, ntangu ba-Juif yayi . . . Mu ke pesa beno mwa bidimbu yankaka, samu beno bakula ti ya keke ba-Juif na lweka awa ntangu yayi, na lweka yayi ya Enlevement. Beno tala mbote yina ke salama. Ya keke mpe bidimbu . . . Beto ke baka ntangu ve ya kusala yawu, samu ti beto me basika—kubasika awa. Mpe ke lakisa na . . . na yina ba ke bokilaka “mpasi ya Jacob.” Ntangu yayi beno tala. Ba-Juif yayi awa keke . . . Beno tala. Oh, ya keke . . .

<sup>245</sup> Mu—mu—mu ke baka kaka mwa ntangu awa, beno me mona. Ya ke salaka munu kidi—kidi ntangu mu ke banda na kubasika mutindu yayi. Mpe . . . Beno me mona? Beno tala. Mu zola ti beno mona yawu. Mpe mu—mu—mu—mu kaka . . . Mbote, Nzambi ke lakisa beno yawu, kieleka. Beno tala.

<sup>246</sup> Jacob kuzwaka bukuluntu. Ya keke kieleka? Kasi kieleka yandi vwandaka mwa muyibi na yawu. Beno me mona? Yandi kulumukaka mpe yandi vunaka papa ya yandi. Yandi vunaka mpangi ya yandi ya bakala. Yandi salaka nyonso. Kasi, dyaka, dikulu, kaka na yisi, yandi vwandaka na yawu, samu ti Ésaü vwandaka me tekisa. Kasi na yina ntangu yandi ke kulumuka kuna samu na kusala bokilo ya yandi, yandi tulaka mavala ya peuplier na masa, samu ti bitwisi yina vwandaka na bana mpe nionso kubuta bana ya batasi. Mpe, oh, beno zaba yina yandi salaka mutindu yina, kaka samu na ku—kuzwa mbongo. Ntangu yayi beno tala mbote, ntangu yayi. Yandi vwandaka ntama ya bantu ya yandi.

<sup>247</sup> Ntangu yayi, ya keke mutindu ya ba-Juif ntangu yayi. Yandi keke muntu yina ke pesaka mbongo. Mu ke kipe ve mutindu yandi

ke kuzwa yawu, yandi ke kuzwa yawu. Yandi ke tula beno na luzingu, samu na kuzwa yawu. Ntangu yayi, beno zaba yawu. Yandi kele mwa muyibi, kaka yina. Bakala, ke salaka na yandi ve; yandi—yandi ke kuzwa nge, bakala. Yinga, tata. Samu na yinki? Yandi fwana vwanda mutindu yina. Ya kele mutindu ya mpeve yina ke na kutwadisa.

<sup>248</sup> Kieleka kaka mutindu ba-reformateur yayi, lendaka ve kubakula Ndinga yayi, samu ti yina vwandaka mpeve ya muntu yina ba fidisaka na bawu.

<sup>249</sup> Ya kele nsungi ya ngononi yina ke bakaka Ndinga mpe luzayikisu. Nionso yina ke bakula yawu, beno telemisa maboko ya beno, na yawu mu . . . Yina ke mbote. Yina ke mbote. Beno me mona? Yina ke mbote. Ntangu yayi, beno me mona, kana beno lenda vutuka awa na nsi ya Bidimbu yayi, kana Yawu fwana . . . Ntangu Bawu ke funguka, beno lenda mona kieleka yina Nzambi ke na kusala, yina Yandi me sala, yina Yandi ke sala. Yawu yayi, kieleka.

<sup>250</sup> Mpe kikuma yawu yina bantu salaka mutindu yina, samu yawu yina mpeve yina zabisamaka na ntwala samu na nsungi yina, samu na kuvwanda na zulu ya bawu. Ba lendaka sala kima yankaka ve.

<sup>251</sup> Mu ke banza na Jean, Paul, mpe bayankaka, na Mpeve ya nkosi yina kuna, n-k-o-s-i yina vwandaka kuna, Ndinga Yawu mosi.

<sup>252</sup> Paul telamaka kaka na Ndinga yango, mpe tubaka, “Mu zaba yayi, ti ya ke vwanda na bampangi ya luvunu yina ke telama na kati-kati ya beno, ke kwenda bisika nyonso. Mpe yina ba ke sala, ba-denomination mpe nionso yina, na kati ya beno, mpe yina ba ke sala. Mpe ya ke kwenda na bilumbu ya nsuka, mpe ya ke vwanda na ntangu mosi ya mpasi.” Samu na yinki? Yandi vwandaka profete. Ndinga yina vwandaka kuna na kati ya yandi. Mutindu ya ke suka, na lweka kuna; yandi tubaka, “Bantu ya luvunu na kati ya beno mosi ke telama, mpe ke zonza mambu, mpe ke katula bampangi bayina kele bilandi.” Ya kieleka mbeni ya Klisto. Ya kieleka ya ke mutindu yina.

<sup>253</sup> Beno tala na manima ba kwendaka na nsungi ya lukwamusu. Yinki ya vwandaka? Ya vwandaka na kima mosi ve ba lendaka sala. Rome salaka . . . Yandi vwandaka na ngolo ya nsambulu, mpe yandi vwandaka na ngolo ya politiki. Ba vwandaka ve na kima ya kusala, kasi kunwana na kusala samu na kuzinga, mpe kukipesa bawu mosi samu na munkayulu. Ya vwandaka ngombe ya bakala. Kaka yina bawu lendaka kusala. Ya kele mutindu ya Mpeve yina bawu kuzwaka, Mpeve ya Nzambi, ngombe ya bakala.

<sup>254</sup> Na yina, awa me kwisa ba-reformateur, yintu ya muntu, mayele ya yimbi, ndwenga; Martin Luther, John Wesley, mpe nyonso yankaka yina, Calvin, Finney, Knox, bayankaka ya

bawu. Bawu kwisaka awa, mpe, na ntangu bawu salaka mutindu yina, bawu vwandaka ba-reformateur. Bawu kwizaka, na ku-reformer, samu na kubasisa bantu.

<sup>255</sup> Mpe bawu vutukaka kaka, kieleka mutindu bawu salaka kuna na manima, mpe kwelaka mbala mosi dyaka na kati ya yandi, na systeme ya ba-denomination ya bawu, ya kieleka. Biblia me tuba mutindu yina. Yandi vwandaka “kento ya kindumba,” mpe na manima yandi kuzwaka “bakento ya kindumba,” bana ya bakento, kaka kieleka.

<sup>256</sup> Mpe Nzambi tubaka, “Mu—mu ke pesa yandi ntangu ya kubalula ntima, mpe yandi salaka yawu ve. Na yina mu ke baka yandi mpe bana ya yandi, ba ke tula bawu kuna kisika bawu kele.” Ya kieleka. Ntangu yayi, ti, Nzambi tubaka ti, na nsi ya yayi, beno me mona, na nsi ya Kidimbu. Ntangu yayi, yandi vwandaka kuna. Beto ke mona ti Yandi ke sala yawu, mpe Yandi ke sala yawu. Mpe bawu kele, bawu nionso, ke na kutambula mutindu yina.

<sup>257</sup> Kasi, na nionso yina kele na bankumbu ya bawu na Buku ya Luzingu, Nzambi ke bokila. Bawu ke kuwa Yawu. “Mameme ya Munu ke waka Ndinga ya Munu,” Yesu tubaka. Kima mosi kaka beto lunga sala kele kubokila mameme. Bankombo zaba Yawu ve. Beno tala. Kasi, beno me mona, lubokilu ya mameme, “Mameme ya Munu ke waka Ndinga ya Munu.” Samu na yinki? Yinki kele Ndinga? Mu zola tuba na beno yina kele Ndinga. Ndinga kele—kele kidimbu ya kimpeve.

<sup>258</sup> Yandi tubaka na Moise, “Kana bawu kuwa Ndinga ya kidimbu ya ntete ve, bawu ke kuwa Ndinga ya kidimbu ya zole.”

<sup>259</sup> “Mameme ya Munu ke kuwaka Ndinga ya Munu.” Ntangu bima yayi fwana salama na bilumbu ya nsuka, mameme ya Nzambi ke zaba Yawu. Yinga, tata. Beno me mona? Bawu—bawu zaba Yawu. “Mameme ya Munu zaba Munu.” Beno me mona? “Nzenza bawu ke landa ve.” Beno landa ve banzenza yina. Ya fwana vwanda kidimbu yina me siamisama na kilumbu, mpe ba ke mona Yawu. Ntangu yayi, beno tala ntangu yayi.

<sup>260</sup> Ntangu yayi, Jacob, ntangu yandi ke mata ntangu yayi, kima ya ntete beno zaba, yandi ke na nsatu ya kukwenda (wapi?) kuna na yinsi ya bawu.

<sup>261</sup> Oh, ya kieleka yawu yina Israel me sala! Ya—ya kele. . . Ya kele Israel. Jacob kele Israel. Yandi vwandaka na nkumbu ya yandi ya kusoba, beno zaba. Beno me mona? Mpe yandi kele. . .

<sup>262</sup> Yandi basikaka kuna, mpe yandi bakaka mbongo nionso yina vwandaka na yawu, mpe yandi lendaka, mpe bakaka yawu na mutindu nionso yandi lendaka, na muntu ya yandi ya dikanda to muntu nyonso yankaka. Na yawu, kuvuna, kuyiba, kuvuna, konso mutindu yina yandi lenda kuzwa yawu, yandi kuzwaka yawu. Beno me mona? Yandi salaka yawu.

263 Mpe na manima ntangu yandi bandaka na kuvutuka na yinzo, yandi bandaka na kuzwa nsatu ya kuvutuka na yinzo na kati ya ntima ya yandi. Kasi na ntangu yandi bandaka na kuvutuka, yandi kutanaka na Nzambi, na yawu nkumbu ya yandi sobaka. Beno me mona? Kasi, na ntangu yayi, yandi vwandaka na boma mingi, samu ti yandi vwandaka na boma ti Ésaü vwandaka kwiza na manima ya yandi. Beno me mona?

264 Mpe—mpe beno tala mbote, beno tala mbote mbongo, mabanza ya mbongo. Kaka mutindu Juif ke meka na kusala ngwisani yayi na—na Rome, beno me mona, na mabanza ya mbongo ya bawu. Beno tala yawu. Yina Ésaü vwandaka na nsatu ya mbongo ya yandi ve; to Rome ve. Yandi ke na bima ya yinza na diboko ya yandi. Beno me mona? Kasi yawu vwandaka sala ve.

265 Kasi beto ke mona ti, Israel, na ntangu yina ya mpasi, ntangu yandi vwandaka Jacob, yandi nwanaka na...yina simbaka Kima yina vwandaka ya kieleka. Bakala mosi kulumukaka kuna. Jacob simbaka Yandi na maboko ya yandi, mpe yandi bikanaka kuna. Mpe—mpe Muntu yina tubaka, “Mu fwana kwenda ntangu yayi. Ntongo ke na kutana.” Oh, ntongo me kutana! Beno me mona? Ntongo ke zola kutana.

266 Kasi Jacob tubaka, “Mu—mu ke bika Nge ve. Nge, Nge lenda kwenda ve. Mu ke bikana kaka na Nge.” Beno me mona? “Mu zola ti bima kusoba awa.”

267 Ya kele nkama na makumi yiya na yiya ya mafunda, nkonga ya bantu ya mayuya ya mbongo yina ke bendaka bisika nyonso, mpe bima mutindu yina, ntangu ba ke mona kima ya kieleka, ya kieleka samu na kusimba. Ya kele na Moise yina kele kuna, mpe Elie yina me telema kuna. Amen! Bawu ke nwanisa Nzambi tii kuna nkama mosi na makumi yiya na yiya ya mafunda ya Israel me bokilama kuna.

268 Yina ke kaka na ntwala ya ntangu ya Lukwamusu, beno me mona, (oh yinki mutindu) diaka, “mpasi ya Jacob.”

269 Awa kele ntangu nkama na makumi yiya na yiya ya mafunda kele ya kubokila na kubasika. Bawu, milongi, baprofete zole yayi, bawu ke longaka mutindu Jean-Baptiste. “Kimfumu ya Mazulu me kuma pene-pene. Beno balula ntima, Israël!” Beno balula bantima ya beno na yinki? “Beno balula bantima ya beno na masumu ya beno, kukondwa lukwikilu ya beno, mpe beno vutuka na Nzambi!”

270 Ntangu yayi beto bambuka moyo na kima mosi awa. Mitindu ya nene yayi ke salamaka, na yinza, me salama ntete. Na nzila yayi ya 12 awa, beno me mona, “Mwini kumaka mutindu makala.” Ntangu yayi beno fwanikisa yayi.

271 Ntangu yayi, beno bambuka moyo, yina ke salama ve na Bantu ya makanda. Ya kele Israël. Bika mu lakisa beno. Ntangu yayi, beno bambuka moyo, mu tubaka ti ya ke na kubokila

nkama na makumi yiya na yiya ya mafunda. Beno me mona? Ntangu yayi, yayi ke ntangu Lukwamusu, yina ke salama. Mpe yayi ke tuba yina ke salama na Lukwamusu yayi.

<sup>272</sup> Ntangu yayi beto baka Exode 10:21-23. Mpe beno tala awa ntangu. . . Exode kele ntangu, ya kieleka, Israel vwandaka kubasika, ba zolaka kubasika. Exode, kapu 10, mpe nzila ya 21, nzila ya 23. Mu kele na kyese mingi mpe ke boka, ntangu mu ke sonika banoti yayi, samu ti bantangu yankaka mu ke vukisa yawu. Mbote mingi, Exode 10:21-23. Mbote mingi, beto me kwenda, 21 mpe 23.

*Mpe MFUMU tubaka na Moise, Tanda diboko ya nge na zulu, ti ya ke vwanda na mpimpa na zulu ya yinsi ya Egypte, ata mpimpa yina ba lendaka simba.*

*Mpe Moise tandaka diboko ya yandi na zulu; mpe mudidi mosi kwisaka kuna na yinsi ya muvimba ya Egypte bilumbu tatu: (Beno me mona?)*

*Ntangu yayi, ba vwandaka monana ve mosi na yankaka, ti muntu mosi ve vumbukaka na kisika ya yandi bilumbu tatu: kasi. . . bana ya Israel vwandaka na nsemo na kati ya bisika ba vwandaka zinga.*

<sup>273</sup> Beno tala, ya kieleka, ntangu yayi awa kwisaka, “Mpe mwini kumaka mutindu saki ya bambuma.” Beno me mona, kima ya mutindu mosi ya yinza! Bima yayi ke salamaka na yinza, yinki ya vwandaka? Yinki? Ntangu yinza ke salama mutindu yayi, Nzambi ke bokila Israel. Beno me mona? Nzambi ke na kubokila Israel. Ntangu yayi, “Mwini vwandaka ndombe mutindu. . . na bansuki.” Ntangu yayi, Nzambi vwandaka samu na kuvulusa Israel kuna, mbote mingi, basisa bawu na diboko ya mbeni ya bawu, yina vwandaka Egypte, na ntangu yina.

<sup>274</sup> Ntangu yayi, awa, Yandi ke basisa bawu na diboko ya Rome, kisika bawu salaka ngwisani ya bawu. Kima mosi ke salama. Yina ke bampasi, ntangu bampasi yayi ke bokila yina ke talisa ti nkonga yayi ya Bantu ya makanda. Kana beto vwandaka na ntangu, mu lendaka talisa yina ke salama na dibuundu ya Bantu ya makanda.

<sup>275</sup> Biblia ke tuba, ti, “Dalango, Satana, vwandaka na nganzi (ya zola tuba, nganzi) na kento (Juif, Israel), mpe yandi basisaka maza na yinwa ya yandi, bima fyoti mpe mingi ya bantu, yina kwendaka samu na kunwanisa bayina bikanaka na dikanda ya kento.” Apocalypse 13. Ntangu yayi, beno me mona kuna, beto ke na yawu. Mpe ya ke ntangu yina Israel ke tinda yandi. . . Mu zola tuba, Rome ke fidisa makesa ya yandi na manima ya yina, ndambu ya nkuna ya kento.

<sup>276</sup> Ntangu yayi beno tala mbote. Ntangu ya ntete, maboko ya mbeni ya bawu, ntangu Yandi vwandaka vulusa bawu, mwini



sobaka na saki- . . . ndombe mutindu makala. Ntangu yayi, yayi ke ntangu ya zole, nsuka ya Lukwamusu.

<sup>277</sup> Ntangu yayi, na Daniel 12. Kana beto vwandaka na ntangu, beto lendaka tanga yawu. Na Daniel, na 12—na nzila 12 . . . kapu 12, mu zola tuba. Daniel me tuba, “Bayina nionso yina ba ke kuzwa nkumbu ya kusonika na kati ya Buku ke kuzwa mpulusu.” Ntangu yayi, beno bambuka moyo, Daniel ke na kutubila ntangu yayi ntangu bayayi . . . diambu yayi fwana salama, ntangu Israel ke kuzwa mpulusu, ntangu nsuka ya sabala ya bawu ya makumi sambwadi. Mpe ya kele ntangu yina ba fwana kuzwa mpulusu. Beno tala ntangu yayi. Beto kwenda na Daniel 12 awa, na mwa ntangu fioti.

*Mpe na ntangu yina Mikayele ke telema, ntinu ya nene yina telemaka samu na bana . . . samu—samu bana ya bantu ya nge (beno me mona, ya kele ba—Juif): mpe ya ke vwanda . . . mpasi, mutindu . . . ya me vwandaka ntete ve na yinsi tii na ntangu yina: . . .*

<sup>278</sup> Ntangu yayi beno fwanikisa yawu, kieleka yina Yesu tubaka, Matthieu 24, “Ya ke vwanda na ntangu ya mpasi, yina me vwandaka ve na yinsi mosi.” Beno tala Kidimbu ya Sambanu, beno me mona, kima ya mutindu mosi, ntangu ya mpasi. Beno tala.

*. . . ya me vwandaka ntete ve na yinsi tii na ntangu yina: mpe na ntangu yina bantu ya nge . . . (Ntangu yayi, na kitini ya sambwadi yayi, ya nsuka ya mvula ya sambwadi.) . . . bantu ya nge ke kuzwa mpulusu, muntu nionso yina ba ke kuzwa nkumbu ya yandi na kati ya buku.*

<sup>279</sup> Bayina ba soolaka na ntwala, beno me mona, yina me sonama na kati ya Buku ya Luzingu ya Mwana-dimeme, ke kuzwa mpulusu na ntangu yina.

*Mpe mingi ya bayina me lala na kati ya putulu ya ntoto ke vumbuka, mpe bayankaka samu na luzingu ya kukonda nsuka, mpe bayankaka samu na nsoni ya kukonda nsuka mpe kiadi.*

Ntangu yayi, mpe kuna ke vwanda na ndwenga ke sema mutindu nkembo ya zulu; mpe—mpe bayina ke longa kieleka na bantu mingi ke sema mutindu bambwetete mvula na mvula.

<sup>280</sup> Ti, na yina me kwenda na ntwala, me tuba na Daniel na “kukanga Buku,” samu yandi ke pema na kati ya lot tii na ntangu yina.

<sup>281</sup> Ntangu yayi, beno me mona, ya ke sala luswaswanu ve kana beno zinga to beno kufwa. Beno ke basika, na mutindu nionso. Beno me mona? Ve . . . Ti, lufwa, kele kima ve na Muklisto. Yandi ke kufwa, na mutindu nyonso. Beno me mona?

282 Ntangu yayi, Daniel 12, me tuba ti bayina nionso ke kuzwa nkumbu ya kusonika na kati ya Buku ke kuzwa mpulusu.

283 Awa, Nzambi kele samu na kuvulusa mwana ya Yandi ya zole, Israel, na manima ya Lukwamusu. Beno me mona, mbala ya zole, Israël, ya Yandi. . . Israël kele mwana ya Yandi. Beno zaba yawu. Israel kele mwana ya Nzambi, na yina Yandi ke vuukisa yandi awa na ntangu ya Lukwamusu, kaka kieleka mutindu Yandi salaka kuna na Égypte.

284 Ntangu yayi beto telama awa, dyaka, mpe—mpe kuzwa kima yankaka, na yawu, ntete beto nata yawu na yinzo. Ntangu yayi beno tala mbote awa. Baprofete yayi zole, beno tala yinki ba ke sala ntangu yayi, kaka mutindu Moise na bayankaka salaka kuna. “Mpe ya pesaka munu madia. . .” Mpe nzila ya 3 ya kapu 11.

*Mpe mu ke pesa ngolo na bambangi ya munu zole, ti ba ke pesa profesi na bilumbu funda mosi na bankama zole na makumi sambanu, ba ke lwata saki.*

*Yayi kele bayinti zole ya olive, . . .*

285 Beno ke bambuka moyo na yawu, mpe Zorobabel, mpe nionso yina, vwandaka kutunga diaka tempelo.

*. . . mpe minda nyonso zole yina kele ya kutelama na ntuala ya Nzambi ya ntoto.*

*. . . kana muntu mosi. . . kusala bawu yimbi, tiya ke basika na yinwa ya bawu, . . .*

286 Beno bambuka moyo, na yinwa ya Klisto me basika mbele, Ndinga.

*. . . kufwa bambeni ya bawu: mpe kana muntu nyonso yina ke sala bawu mpasi, yandi fwana kufwa mutindu yayi.*

287 Ntangu yayi, beto zaba, “tiya.” Na kapu 19, ya Nkwizulu ya Klisto, “kubasisa mbele ya Yandi na yinwa ya Yandi,” yina vwandaka Ndinga. Ya kieleka? Ndinga! Oh, kana beno me kuzwa kima yayi ntangu yayi, samu na Kidimbu yango mbasi na nkokila! Beno me mona, Ndinga kele kima yina Nzambi me kufwa mbeni ya Yandi. Beno me mona?

288 Ntangu yayi beno tala awa. Ntangu baprofete yayi ke na kupesaka profesi kuna, bawu. . . Kana muntu mosi ke niokula bawu, “tiya ke basika na yinwa ya bawu,” Mpeve-Santu Tiya, Ndinga. Ndinga kele Nzambi. Ndinga kele Tiya. Ndinga kele Mpeve. Beno me mona? “Muntu yina ke zaba yinwa na bawu.”

289 Beno tala Moise. Beto tala yina basikaka na yinwa ya yandi. Bawu, Israël, kumaka na, mutindu bawu vwandaka sala kuna, . . . mu zola kutuba, Égypte, bawu vwandaka niokulaka ba-Juif yayi. Moise. . . Mbote, bawu lendaka bika bawu ve kukwenda. Pharaon lendaka ve. Nzambi tulaka Bandinga na

yinwa ya Moise, beno me mona, ya kele mabanza ya Nzambi ke kota na kati ya ntima ya Moise, yandi ke kwenda kuna samu na kutuba yawu, na yina ya ke kuma Ndinga. Yandi tandaka diboko ya yandi, yandi tubaka, “Bika ti banzinzi,” mpe tala na zulu awa. Tala awa.

*Mpe kana muntu mosi talisa bawu mpasi, tiya ke basika na yinwa ya bawu, mpe ke kufwa mbeni ya bawu: . . .*

290 Beno me mona? Yawu yina. Bawu lunga tuba yina bawu zola, mpe yawu ke salama kuna. Amen!

*. . . mpe kana muntu . . . talisa bawu mpasi, ba fwana kufwa bawu mutindu yayi.*

291 Mpangi-bakala, Nzambi ke kotaka na kisalu awa!

*Bawu kele na ngolo ya ku—kukanga mazulu, ti yawu noka ve na bilumbu ya profesi ya bawu: . . .*

292 Elie, yandi zaba mutindu ya kusala yawu; yandi salaka yawu na ntwala. Amen! Moise zaba mutindu ya kusala yawu; yandi salaka yawu na ntwala. Ya kele samu na yina bawu vwandaka vutuka manima. Ntangu yayi . . . Amen!

293 Mu lenda tuba kima mosi ya mbote mingi awa, kasi mu ke sala mbote—mbote na kusimba yawu tii mbasi na nkokila. Beno me mona? Mbote mingi.

*. . . mpe kele na ngolo na zulu ya bamasa samu na kusoba yawu menga, mpe kubula ntoto na . . . bampasi, konso ntangu yina ba ke zola sala yawu.*

294 Yinki ya kele? Yinki lenda nata bima yayi kasi Ndinga? Bawu lenda sala yinza mutindu nyonso bawu zola. Yawu yayi. Bawu kele yandi yina ke pesaka Kidimbu yayi ya Sambanu. Bawu ke monikisa mpe ke zibula yawu. Ya kele Ngolo ya Nzambi, samu na kukanga yinza. Beno me mona, Kidimbu ya Sambanu kele kukangama ya muvimba ya yinza. Beno me bakula yawu ntangu yayi? [Dibuundu me tuba, “Amen.”—Mu.] Beno tala Kidimbu ya beno. Nani ke salaka yawu? Ya kele baprofete, na lweka yankaka ya Enlevement. Na Ngolo ya Nzambi, Ndinga ya Nzambi, bawu ke fundisaka kaka yinza. Bawu lenda fidisa kuningana ya ntoto, kubalula ngonda na menga, mwini lenda kwenda kuna, to kima yankaka, na ntumunu ya bawu. Amen!

295 Beno bawu yayi. Beno bawu yayi. Beno me mona? Beno me mona mutindu Bidimbu zibukaka, kuna na nsungi ya dibuundu, mutindu ya vwandaka talisa bambangi?

296 Mpe ntangu yayi awa kele baprofete zole yayi yina kele ya kutelama awa na Ndinga ya Nzambi, samu na kusala nyonso na yinza yina bawu zola. Mpe bawu ke ningisa ntoto. Mpe ya ke talisa kieleka nani ke salaka yawu. Ya kele Moise na Elie, samu ya kele na kisalu ya bawu yina ke mekula diaka, ya kele babakala

zole. Oh, la la! Beno me mona yawu ntangu yayi? [Dibuundu me tuba, “Amen.”—Mu.] Beno me mona yina Kidimbu ya Sambanu kele? Ya kele baprofete yango. Ntangu yayi beno tala. Beno bika yawu ve kusamuna beno. Kasi, beno tala mbote yinki me fungula Kidimbu yina, baprofete! Beno me mona? Fiou! Amen! Beno bawu yayi.

297 Oh, beto ke na kuzinga na kilumbu ya ngononi, mpangi-bakala, na matuti!

298 Ba me zibula Kidimbu yina ya Sambanu. Ba ke na ngolo ya kusala yawu. Amen! Beno tala Kidimbu ya beno ya Sambanu me zibuka. Beno me mona?

299 Ntangu yayi beto ke katuka kaka awa, mpe Yesu zonzaka ti ya ke salama. Kuna na Ngwisani ya Ntama, kuna na Ezéchiél, kuna na baprofete ya ntama, ba me tuba ti ya ke salama.

300 Mpe awa Kidimbu ya Sambanu zibukaka, mpe bawu tubaka, “Mbote, yina kele diambu ya mansweki. Yinki salaka yawu?”

301 Yawu yayi kinsweki ya yawu, baprofete, samu Biblia me tuba mutindu yina awa. Bawu lenda fungula yawu, konso ntangu bawu. . . Bawu lenda sala kima na yinza yina bawu zola. Mpe bawu ke sala kima ya mutindu mosi bawu salaka, amen, samu bawu zaba yinki mutindu yawu ke salama. Amen! Nkembo!

302 Ntangu mu monaka yawu, mu telemaka na kiti mpe bandaka na kutambula mpe kulumukaka. Mu banzaka, “Mfumu, mu ke tonda Nge, Tata ya Mazulu!”

303 Yawu yina. Yawu yina. Bawu zibulaka Kidimbu yina ya Sambanu. Amen! Beno tala bawu, “Kana muntu mosi kutalisa bawu mpasi, tiya ke basika na yinwa ya bawu,” Ndinga. Mpeve-Santu kwisaka na zulu ya bantumwa, beno me mona. “Tiya basikaka na yinwa ya bawu.”

304 Ntangu yayi beno bambuka moyo na Apocalypse 19, beto ke mona kima ya mutindu mosi, “Mpe mbele ya nene ke basika na yinwa ya Yandi,” Ndinga. Beno me mona? Klisto kele Kwisa. “Mpe Yandi kufwaka bambeni ya Yandi na Yawu.” Ya kieleka? Ntangu yayi Yandi kele na nzila ya Yandi. Beno tala mbote Yandi ntangu yayi. Mbote mingi.

*Bayayi kele na ngolo ya kukanga mazulu, ti mvula ke noka ve na bilumbu ya profesu ya bawu: . . .*

305 Oh, yina ke kukangama ya yinza! Ntangu yayi, bantangu yikwa—yikwa muntu yayi, Elie, kangaka mazulu? [Dibuundu me tuba, “Bamvula tatu na ndambu.”—Mu.] Yawu yina, ya kieleka. Bantangu yikwa kele ndambu ya Daniel, kitini ya sambwadi ya nsuka ya basabala makumi sambwadi? [“Bamvula tatu na ndambu.”] Yawu yina, ya kieleka.

306 Yinki Moise salaka? Yandi—yandi—yandi—yandi sobaka bamasa na menga. Yandi salaka bimangu ya mutindu nionso,

ya kieleka yina ba zabisaka na ntwala awa na nsi ya Kidimbu yayi ya Sambanu. Mpe awa bawu kele, na Apocalypse 11, ke na kusalaka kima kaka mosi. Amen!

<sup>307</sup> Ya kele na bisika tatu ya kuswaswana na kati ya Masonuku, kaka kuna, yina ke vukisa kima yango mbote kintwadi. Yawu yina kuzibuka ya Kidimbu ya Sambanu. Kaka yawu yina. Amen! Nkembo! Ntangu yayi beno tala.

*Bayayi kele na ngolo ya kukanga mazulu, na bilumbu ya profesi ya bawu, ti ya ke noka ve: mpe. . . ngolo na zulu ya bamasa samu na kusoba yawu na menga, . . . samu na kubula ntoto na. . . bampasi, ntangu nionso ba ke zola sala yawu.*

<sup>308</sup> Oh, la la! Beno me kuma kisika yango. Ntangu yayi beno baluka kaka awa na bampasi, beno me mona. Bima nionso ya yinza me kangama, na Mipasi ya Sambanu yayi. . . to Kidimbu ya Sambanu, me zibuka. Yawu yina salamaka. Beno tala ntangu yayi.

<sup>309</sup> Awa, Nzambi kele samu na kuvulusa mwana ya Yandi, Israel, na manima ya bampasi yina Yandi salaka kuna. Yandi fidisaka Moise kuna mpe vulusaka Israel. Ya kieleka? Mpe yandi salaka bima yayi ya mutindu mosi. Yandi fidisaka Elie na Achab, mpe mafunda sambwadi ya mafunda kubasikaka. Ya kele kieleka? Yandi ke tinda bawu diaka awa, na ntangu ya Lukwamusu, mpe ke bokila nkama na makumi yiya na yiya ya mafunda.

<sup>310</sup> Ntangu yayi, beno me mona, beno me tala, na kati-kati ya Bantu yina ke tekilaka. . . to na kati-kati ya kapu ya 6, to Mipasi ya Sambanu samu. . . Kidimbu, beno lemvokila munu, Kidimbu ya Sambanu mpe Kidimbu ya Sambwadi. Kapu ya 7 ya Apocalypse, landila mathématique, me vwanda kintwadi.

<sup>311</sup> Kaka mutindu Amerique kele na lutangu kumi na tatu: bayinsi kumi na tatu ya me banda na, bambwetete kumi na tatu na dalapo, ba colonie kumi na tatu, banzila kumi na tatu. Bima nionso kele kumi na tatu, kumi na tatu. Mpe ke monika kaka awa na kapu ya 13 ya Apocalypse. Ya kele kieleka. Yandi kele kumi na tatu, mpe kento.

<sup>312</sup> Ntangu yayi, ntangu Yandi vwandaka samu na kuvulusa Mwana ya Yandi, yina vwandaka kaka Mwana ya Yandi yina basikaka. Jacob kele mwana ya Yandi; kasi yayi kele Mwana ya Yandi mosi kaka me basika. Matthieu 27, beto tala yina Yandi salaka kuna. Matthieu, kapu 27. Ntangu yayi, beno bambuka moyo, Mwana ya Yandi vwandaka bula, mpe vwandaka na mipasi, mpe ba vwandaka vweza Yandi. Mpe Yandi vwandaka ntangu yayi ya kukangama na kulunsi, na ngunga ya tatu, na Kilumbu ya tanu ya Santu na manima ya midi. Kaka pene ya kubaka kisika! Matthieu, kapu 27 ya Matthieu, mpe nzila ya 45, mu banza ya kele.

*Ntangu yayi kubanda ngunga sambanu mudidi  
vwandaka na zulu ya ntoto ya mvimba tii na ngunga  
ya yivwa.*

313 Ntangu yayi beno tala kaka kieleka yina Yandi salaka awa ntangu yayi, na yayi. Beno me mona?

*Mpe mu vwandaka tala kuna ntangu yandi zibulaka  
kidimbu ya sambanu, . . . tala, ya vwandaka na  
kuningana ya ntoto ya nene; mpe mwini kumaka  
ndombe mutindu makala, mpe ngonda—mpe ngonda  
kumaka mutindu menga;*

314 Mpimpa, ndombe! Egypte; mpimpa, mudidi!

315 Nzambi, vulusaka Yesu na kulunsi, kaka ntete Yandi nata Yandi na mvumbukulu. Ntete, mpimpa; mwini dindaka na kati-kati ya kilumbu, mpe bambwetete vwandaka sema ve. Bilumbu zole na manima, Yandi zolaka vumbula Yandi na lufwa na lunungu ya ngolo.

316 Na manima ya mwini, mpe ngonda, mpe bambwetete, mpe nionso yina, na Egypte, nionso yayi kusalamaka, Yandi vulusaka Israel na yinsi ya nsilulu.

317 Yawu yayi, na ntangu ya Lukwamusu, mpe tala baprofete yayi samu na bayina ke na luyalu ya Ndinga yina Nzambi ke pesaka bawu. Bawu lunga tuba kaka mutindu Nzambi ke pesa bawu Ndinga.

318 Ntangu yayi, bawu kele banzambi ve. Bawu kele na ntangu fioti. . . Na mutindu ya fioti, bawu kele, samu Yesu tubaka ti bawu vwandaka mutindu yina. Yandi tubaka, “Benno ke bokilaka bawu banzambi, bayina na nani Ndinga ya Nzambi ke kwisaka.” Kasi, beno tala, ya kele bayina na nani Nzambi ke nataka Ndinga. Mpe ntangu yandi ke zonza Yawu, ya ke salama. Kaka yina.

319 Mpe awa yandi kele na lutumu yina me katuka na Nzambi, samu na kubula ntoto, nyonso yina yandi zola (oh, la la), kukanga mazulu. Mpe yandi ke salaka yawu. Yinki kele diambu? Yandi ke na kukubikaka na kubaka nkama na makumi yiya na yiya ya mafunda, samu na mpulusu, na Buku ya Mpulusu. Mpe yina kele na nsi ya Kidimbu ya Mpulusu, na Kidimbu ya Sambanu. Yawu yina, nkundi ya munu ya luzolo. Yina ke Kidimbu yina ya Sambanu; yina vwandaka ya mansweki mingi.

320 Beto baka kaka. . . Beto kele diaka na baminuti kumi. Beto baka mwa fioti, beno me mona. Mu ke na ba-page zole na tatu. Mbote, mu ke. . . Benno lenda kaka kumona, awa. Mu banza ti ya kele na. . . Na zulu ya yawu, mu banza ti mu me baka na ba-page kumi na tanu dyaka, mu lenda kuma. Oh, ya ke na mambu mingi na zulu ya yawu! Oh, la la, beno lenda bikala kaka na kisika ya yawu! Kasi mu ke na boma ti mu ke tula beno na poto-poto

ntangu mu ke panzana ya mingi na yawu. Mpe mu kele ve. . . Mu lenda wisana ve mutindu mu lendaka sala yawu.

321 Na Esaie, beto baka yayi. Esaie, profete, monaka Kidimbu yayi ya Sambanu me zibuka, mpe tubaka Yawu; mutindu kana Yawu kele mfunu, to ve. Beno me mona?

322 Mbote, kima ya muvimba, manaka nionso ya mpulusu, kele na nsi ya Bidimbu yayi; Buku ya muvimba.

323 Ntangu yayi beno bambuka moyo, beto monaka Yesu monaka Yawu. Ya kieleka? Beno me mona? Yesu monaka Yawu. Mpe ntangu yayi beto ke mona bayankaka yina monaka Yawu. Beto me mona ba fwanikisaka Yawu na—na Jacob. Beto me mona ba fwanikisaka Yawu na Egypte. Beto me mona ba fwanikisaka Yawu na kulunsi.

324 Ntangu yayi beto vutuka na Ésaie. Mu kele na baprofete mingi ya kusonika awa, mpe. Beto baka kaka. . . Mu zola yawu, yayi ya Esaie. Beto vutuka awa na Esaie, kapu 13 ya Esaie. Mu zola. . .

325 Esaie kele Biblia ya muvimba, na Yawu mosi, beno zaba. Beno zaba yawu? Beno me mona, Esaie ke bandaka na kivangu; na kati-kati ya Buku yandi ke nata Jean; mpe na nsuka yandi ke nata Millenium. Mpe ya kele na Babuku makumi sambanu na sambanu na kati ya Biblia, mpe makapu makumi sambanu na sambanu na Esaie. Ya kele encyclopédie ya muvimba, Yawu mosi.

326 Beno tala, kapu 13 ntangu yayi, ya—ya Esaie. Beto banda awa na nzila ya 6.

*Beno nionga; samu na kilumbu ya MFUMU me kuma pene-pene; yawu ke kwisa mutindu kubeba ya Ngolo nionso.*

327 Beno tala Kidimbu yayi ya Sambanu me zibuka awa ntangu yayi. Ntama mingi ve awa, bankama sambwadi na kumi na tatu na ntwala Klisto kukwisa, mpe Yandi me vwanda na bamvula mafunda zole, ya ke vwanda na kutala bamvula sambwadi. . . pene ya bankama makumi zole na sambwadi me luta. Ésaie monaka Kidimbu yayi ya kunamika kuna. Mbote mingi.

*Na yina maboko nionso ke na kulemba, mpe bantima ya bantu nionso me kulemba:*

328 Yinki Yesu tubaka? “Mpe samu disumu ya nkú ke vwanda ya kifuluka, zola ya bantu mingi ke kuma madidi.” “Mpe ntima ya bantu ke vwanda na boma, na boma; mubu ke na kuboka.” Beno me mona, bantima ya bantu ke sala diaka ve.

*Mpe ba ke vwanda na boma: boma ya nene ke simba bawu; ba ke vwanda na mpasi mutindu kento yina kele na mpasi ya kubuta: ba ke yituka mosi na yankaka; bizizi ya bawu ke vwanda mutindu na mawa.*

329 Beno tala yawu awa, oh, “bizizi ya bawu, nsoni.” Beto ke zonzila yawu, na mwa ntangu fioti. Mu ke simba yawu, beno me mona.

*Beno tala, kilumbu ya MFUMU ke kwisa, na nkele mpe na nganzi mpe na boma, samu na kutula yinsi na kyadi: mpe ya ke bebisa misumuki na ngaanda ya yawu.*

330 “Yinsi,” yawu yina kaka, beno me mona. Beno tala.

Samu ti bambwetete ya mazulu mpe kuvukana ya yawu ke pesa nsemo ya bawu ve: *mwini ke basika na mpimpa, mpe ngonda ke sala ve ti bansemo ya yandi kusema.*

*Mpe mu ke pesa kitumbu na yinza ya yimbi ya bawu, mpe disumu ya nkú, mpe yimbi ya masumu ya bawu ya nkú; mpe mu ke sukisa lufu- . . .*

331 Mu—mu zaba ve wapi mutindu ya kusamuna yawu, sch- . . . [Dibuundu me tuba, “Schédie.”—Mu.] Mu lenda tuba yawu ve, beno me mona.

*. . . ya bantu ya lulendo kusuka, mpe mu ke sukisa lufundu ya—ya ba-tyran—tyran.*

332 Beno me mona, kuna, kaka kieleka, Ésaie kumonaka kima mutindu mosi yina Yesu zonzaka. Ti Kidimbu ya Sambwadi ke monisama. Ntangu Yandi ke sukulaka yinsi na lukwamusu, ya ke ntangu ya Lukwamusu, Kidimbu yayi ya Sambanu. Yinga, yandi vwandaka profete, mpe Ndinga ya Nzambi talisamaka na yandi. Ya me luta bamvula makumi zole na sambwadi.

333 Kieleka! Mu zola kaka kutuba yayi. Yinza ya muvimba, mutindu Ésaie awa, “mutindu kento ke simba,” luvangulu nyonso kele ya mbongo. Yinki nionso yayi ke na kunionga mpe ke na mpasi? Mutindu kento yina ke vwanda mama; ntoto yawu mosi, yinza.

334 Na yina, mbanza yayi awa, beto baka mbanza ya beto mosi; ntangu, banganda, mpe kindumba, mpe mvindu, mpe madidi, mutindu mbanza nyonso yankaka!

335 Na yina, mu ke kwikila ti Nzambi ke vwanda mbote mingi, ke tala yawu mutindu Yandi vwandaka na yawu, bamvula mafunda me luta. Ntangu Ohio vwandaka luta awa, ba vwandaka ve na mutindu ya kusala nzila samu na yawu mpe ya vwandaka ve na kufuluka ya bamasa. Ya vwandaka ve na disumu na kiwanda. Ba-bison vwandaka tambula awa mpe kuna, mpe—mpe Cherokee ya ntama vwandaka bengana yandi mpe vwandaka zinga mbote. Mpasi vwandaka ve, na mutindu nionso.

336 Kasi, muntu me kwisa, ya kele kisika disumu me kota. Ntangu bantu bandaka na kufuluka na zulu ya ntoto, na manima



disumu mpe yimbi kotaka. Ya ke kieleka, ntangu nyonso ya kele muntu. Na yina, mu banza ti ya kele nsoni!

<sup>337</sup> Mu vwandaka ya kutelema, kilumbu yina, na yinsi ya munu kuna, na Arizona. Mpe mu—mu tangaka, samu na yina me tala Geronimo, ntangu mu vwandaka mwana ya fioti, mpe—mpe Cochise, mpe ba—Apache yina ya ntama. Samu, mu longaka bawu kuna. Bantu ya mbote! Mpe bayankaka na kati ya bantu ya kulutila mbote yina beno zola kukutana, kele ba-Indiens Apache yina.

<sup>338</sup> Mpe na yina mu kwendaka kuna na—na Ntoni ya Ditadi ya nene, kisika ba vwandaka na bima ya ntama nionso mpe bima nionso yina me katuka na mvita. Mpe mu talaka . . . Bawu ntangu nionso, beno zaba, bawu ke tulaka Geronimo mutindu—mutindu kimpumbulu. Samu na munu, yandi vwandaka Américain ya kieleka. Ya kieleka! Yandi vwandaka kaka na kunwana samu na bamuswa ya yandi, mutindu muntu nionso lendaka sala. Yandi vwandaka na nsatu yina ya mvindu ve na yinsi ya yandi. Mpe beno tala yina yawu kele ntangu yayi; ke balula bana ya yandi, bana ya yandi ya bakento, na bandumba, mpe nionso yina; mpe mindele kotaka kuna. Muntu ya mundele kele muntu ya kukondwa luzitu.

<sup>339</sup> Indien vwandaka yina vwandaka keba. Yandi vwandaka—yandi vwandaka keba luvangulu. Yandi lendaka basika mpe kufwa bison, dibuta ya muvimba vwandaka kudia yina vwandaka bikana. Bawu vwanda sadila mpusu samu na kusala bilele mpe batenta, mpe nyonso yankaka. Mpe mundele ke kufwa yawu, samu na kisika ya kubula; oh, ya kele nsoni!

<sup>340</sup> Mu tangaka kisika mosi na zulunale, kisika, na Afrique, kisika yina ya nene ya kifuluka na mambu ya mpamba! Bawu kele na bantu yayi, Arthur Godfrey mpe bayankaka yina, ke kwendaka kuna, ke kufwa banzoko yayi mpe nionso, kuna na ba-helicoptère mpe bima mutindu yina. Kizizi ya mama mosi ya ntama yina ke na kumeka na kufwa, mpe masa ya meso, mutindu, ke na kubwisa yandi. Mpe bitwisi zole ya babakala vwandaka telemisa yandi, samu na kukeba . . . Oh, ya ke disumu. Yina ke sport ve.

<sup>341</sup> Ntangu mu vwandaka kuna na kilanga ya kulonga, mpe mu vwandaka sosa bima ya mutindu yina, mpe kumona mutindu mindele yayi ya mizombi ke kwendaka kuna mpe ke kufwa ba-bifle yayi, mpe ke zenga kaka kitini ya manima. Mpe ntangu yankaka ba ke kufwa bana nana to kumi ya ba-bifle, mpe bika bawu kuna. Mpe bana ya ba-faon ke kima mbangu bisika nionso, ke meka na kusosa mama ya bawu. Mpe yawu yina beno ke bokila kuvwanda na mpeve ya sport? Yina kele kaka lufwa ya nkú, na dibanza ya munu.

<sup>342</sup> Mu banza ti Canada ke kuzwa nzila ve na kati ya yinsi, na ntangu nionso mu ke zinga, samu na kukeba bimpumbulu yayi

ya Amerique na kukota kuna. Ya kieleka. Bawu kele ba sportif ya kulutila yimbi yina mu me monaka ntete ve na luzingu ya munu.

343 Ntangu yayi, bawu nionso ve. Kele na bantu ya kieleka, ya kisina, kasi ya ke kaka mosi na mafunda ya bantu, beno ke mona yawu.

344 Beno kufwa konso kima yina bawu lenda mona, konso mutindu yina bawu zola. Ya kele kieleka. Ya kele muntu yina ke kufwaka bantu. Ya kele kieleka. Yandi kele ya kukondwa ntima. Mpe yandi ke bula masasi, na ngaanda ya nsungi.

345 Mbote, kuna na Alaska, mu vwandaka na zulu kuna na mosi ya bawu vwandaka bantwadisi. Yandi tubaka, “Mu lokotaka . . . Mu ke kwenda kuna ntangu yayi, mpe mu ke kuzwa nkonga ya muvimba ya ba-élan ya nene to . . . ba-élan ve, kasi ba-élan na zulu ya ntoto; na masasi ya ba-mitrailleuse ya calibre 50 na kati ya bayinti ya bawu, samu na ba-pilote ya ba-Américain kuna, na Alaska, na avion ya bawu, ke bula masasi, na ntoto ya ba-élan.” Yina kele kufwa ya nkú.

346 Ba zabaka, ntangu ba ke kufwa buffalo, ba lendaka kuzwa Indien. Yandi ke kufwa na nzala. Ya kele samu na yina ti Cochise kukipesaka ya muvimba na ngolo; yandi, bana ya yandi nionso ya kimfumu, mpe bayankaka nionso, bana ya yandi, mpe bantu ya yandi nionso, vwandaka kufwa na nzala. Bawu kwendaka kuna mingi, ya kulutila mingi, Buffalo Bill mpe bantu ya plaine, ba vwandaka kufwa ba-bison nionso, makumi yiya, makumi tanu, na manima ya midi. Bawu zabaka, ntangu bawu katukaka kuna, bawu kwendaka ntama ya Indien. Mpe, oh, la la! Kubwa na dalapo, mutindu bawu ke salaka ba-Indien. Beno bawu yayi.

347 Kasi beno bambuka moyo, Biblia ke tuba, “Ngunga me lunga ti Nzambi ke bebisa bawu yina ke bebisa ntoto.” Mpe yinza ya muvimba!

348 Beno tala biwanda yayi. Mu vwandaka ya kutelama kuna, kilumbu yina, mu vwandaka tala kuna na kiwanda ya Phoenix. Mu kwendaka na Mongo ya Sude, kento ya munu mpe mu vwandaka ya kuvwanda na zulu kuna, mpe talaka na yisi na Phoenix. Mpe mu tubaka, “Yina ke yitukisa ve?”

Yandi tubaka, “Ya kele yimbi? Yinki nge zola tuba?”

349 Mu tubaka, “Disumu. Mpe wapi mutindu kindumba, mpe kunwa malafu, mpe kusinga, mpe Nkumbu ya Mfumu vwandaka na mpamba, na kiwanda yina kuna; na kutala nkama mosi mpe—mpe makumi yiya, mafunda makumi tanu ya bantu, to mbala yankaka nkama zole ya mafunda ya bantu, na kiwanda yina!”

350 Mu tubaka, “Bamvula bankama tanu me luta, to funda mosi me luta, ya vwandaka na kima ve kasi kaka ba-cactus, ba-prosopis, mpe ba-coyote ya ntama yina vwandaka tambula na lweka ya kumu ya zelo ya nzadi kuna, na bakumu ya bamasa.” Mpe mu tubaka, “Ya kele mutindu Nzambi salaka yawu.”

351 Kasi, muntu mosi ke kota. Yinki yandi salaka? Yandi me fuluka na ntoto na mvindu. Babala-bala me fuluka na bamvindu. Bakala ya masa, . . . Mpe banzadi kele ya kubeba na—na mvindu. Bawu lunga ve. . . Samu na yinki, beno lunga nwa ve masa ya mwa masa yina; beno lunga baka konso kima yina. Beno me mona? Beno tala yawu. Kaka awa ve, kasi, yinza na zulu, kima me beba!

352 Mpe yinza, yinza, (Nzambi ke na kyadi!) yinza ya muvimba kele na—na mpasi ya kubuta. Yinza ke na kumeka, yandi kele “na mpasi ya kubuta,” Esaie me tuba. Yinki kele diambu? Ya ke na . . . kumeka kunata yinza ya malu-malu, samu na Millenium, kiska nionso. . . ? . . . Ke na kumeka na kubuta yinza ya malu-malu, samu na bantu ya malu-malu yina ke sumuka ve mpe yina ke bebisa yawu ve. Ya kieleka. Yandi kele na misongo. Ya kele samu na yina. . . Beto kele na kati ya kisalu, Klisto, samu na kubasisa Kento ya makwela. Bima nionso ke na kusimba mpe ke na kunionga. Beno me mona, kima mosi zola salama.

353 Mpe Mpasi ya Sambanu yayi ke bika yandi kukwenda. Mpangi-bakala, kuningana ya ntoto ke zibuka, mpe bambwetete ke ningana, bima ya volkan ke basika, mpe ntoto ke vutukila ya malu-malu yawu mosi. Kinkuku ya tiya ya malu-malu ke basika na kati-kati ya ntoto. Mpe ya ke kubwa, bisika nionso mpe na balweka nionso, na kubalukaka na yawu mosi kuna.

354 Mpe mu ke tuba na beno, na suka mosi ntangu Yesu mpe Kento ya Yandi ya makwela ke vutuka na zulu ya ntoto, ya ke vwanda na paradiso ya Nzambi kuna. Ti, oh, la la, binwani ya ntama ya bitumba, beno tambula kuna na bankundi ya bawu mpe bankundi ya luzolo. Ba-avion ke fulusa mupepe, na makesa ya Bawanzio. “Oh, ya me salama mbote, kisadi ya Munu ya mbote mpe ya kukwikama. Kota na bakyese ya Mfumu, yina ba kubikaka samu na nge, yina nge zolaka zaba kuna na ntwala Eve kubanda kubalula ballon na kati ya disumu.” Amen! Fiou! Yinga.

355 Kidimbu ya Sambanu ke sala kima mosi. Yinga, tata. Ya kieleka yinza ya muvimba ke na kunionga mpe mpasi, samu na nsungi ya Millenium!

356 Ntangu yayi, yandi yina ntangu yayi me zimbana mvindu mingi! Ti mu me longa awa, ntama mingi ve, mu banza, me longa na tabernacle, *Yinza Me Panzana Na Kingenga*. Ya kele kieleka. Beno tala yina ke na kubwa na yinza. Beno tala, nyonso ke na kubwa, na yawu. Kieleka, ya kele. Ya kele—ya fwana kubwa kaka. Yinga, tata.

357 Beno tala, na sharpante ya yawu! Beno bika mu talisa na beno ya kele samu na yina yinza fwana sala yawu. Ba-sense ya yinza yayi, kisengo, mpe mutaku, mpe bima ya ntoto yayi, me basika na yawu, sharpante ya yawu, samu na mvita mpe kompani, ti ya me kubama na . . . Mbote, beto vwandaka ve na

kuningana ya ntoto tii kilumbu yina, awa na lweka yayi ya yinsi; kaka kilumbu yankaka yina awa, beno me mona, St. Louis mpe kuna na kati. Yandi ke na nsatu ya yawu mingi. Ba me basisa nionso na yawu. Beno me mona?

<sup>358</sup> Politiki na yawu me beba mingi, kele na kieleka ya kieleka na kati-kati ya bawu, beno me mona, systeme ya yawu. Bankadulu ya yawu kele yisi mingi, yawu kele kaka na yawu ve. Kaka yina. Beno me mona? Kieleka. Nsambulu ya yawu ke na kupola. Yinga, tata.

<sup>359</sup> Ya kele ntangu ya Kidimbu ya Sambanu, ntama mingi ve, samu na kuzibuka. Mpe ntangu yandi ke sala yawu, oh, la la, ya me suka! Kento ya makwela me basika, yandi me sala. . . Ntinu ya kento me kwenda samu na kubaka kisika ya Yandi; Yandi me kwelana ntangu yayi, na Ntinu, na yina yayi ke landila. Mpe ndambu ya Israël kele ya kutula kidimbu mpe kele ya kukubama na kukwenda, mpe na manima yinza ke luta. Oh, wapi ntangu!

<sup>360</sup> Beno tala nzila ya nsuka ya Kidimbu ya Sambanu, me zibuka. Bayina sekaka Ndinga, Ndinga yina me siamisama na Nzambi ya moyo; ntangu baprofete yina telamaka kuna mpe salaka bimangu, kangaka mwini, mpe bima yankaka, mpe na kati ya nsungi. Beno me mona, “Bawu bokaka samu na matadi mpe myongo kubwaka,” beno me mona, kubumba bawu na Ndinga yina ba vwandaka seka, samu ti ba monaka Yandi kukwiza. “Bumba beto na nganzi ya Mwana-dimeme.” Yandi kele Ndinga. Beno me mona? Ba sekaka Ndinga. Mpe awa Ndinga vwandaka, yina me kituka muntu. Mpe ba vwandaka seka Yawu; ba vwandaka seka bawu, ba vwandaka sawula bawu. Mpe Ndinga yina me kituka nzutu!

<sup>361</sup> Samu na yinki bawu mangaka na kubalula ntima? Bawu lungaka ve. Yawu vwandaka ntama mingi, na ntangu yina. Na yawu, bawu zabaka ti, kitumbu. Bawu kuwaka Yawu. Bawu vwandaka na balukutakanu mutindu yayi mpe zabaka yina me tala Yawu. Mpe bawu zabaka ti bima ya baprofete yina, tubaka na ntuala, vwandaka tala bawu kaka na kizizi, kima yina ba mangaka. Ba mangaka kyadi samu na mbala ya nsuka.

<sup>362</sup> Mpe ntangu beno me manga kyadi, ya kele na kima ve me bikana kasi lufundusu. Ntangu beno me manga kyadi; beno banza kaka na yawu.

<sup>363</sup> Mpe kuna ba vwandaka. Ba vwandaka ve na kisika ya kukwenda, kiswamunu ve. Mpe Biblia tubaka awa, “Bawu bokilaka. . . Bawu bokaka na matadi mpe na myongo, na, ‘Kubwa na zulu ya beto, mpe bumba beto na—na kizizi ya. . . mpe nganzi ya Mwana-dimeme.’” Bawu mekaka na kubalula bantima, kasi Mwana-dimeme kwisaka samu na kulomba Bantu ya Yandi, beno me mona. Mpe bawu bokaka na matadi mpe mingo. Bawu sambilaka, kasi bisambu kumaka na manima ya ntangu mingi.

364 Mpangi ya munu ya bakala, mpangi-kento, mambote mpe mawa ya Nzambi, me pesama na bantu. Na yina, Israel kufwaka meso samu na yayi, awa, kaka pene ya mafunda zole ya bamvula, samu na kupesa beto siansi ya kubalula ntima. Beno me manga kyadi yina? Beno me kuwa? Beno me losa Yawu?

365 Nani beno kele, na mutindu nionso? Wapi kisika beno me katuka? Mpe wapi kisika beno ke na kukwenda? Beno lenda ve kuyufula dokotolo, beno lenda ve kuyufula muntu nyonso na yinza, mpe ya kele ve na buku yina beno lenda tanga, yina lenda tuba na beno nani beno kele, kisika beno me katuka, mpe yina beno ke na kukwenda, kasi Buku yayi.

366 Ntangu yayi, beno zaba, kukondwa beno kuzwa Menga ya Mwana-dimeme samu na kubaka kisika ya beno, beno ke mona kisika beno na kwendaka. Na yawu, kana—kana Nzambi salaka yawu samu na beno, kima ya kulutila fioti beto lunga ndima yina Yandi salaka. Yawu yina kaka Yandi lombaka beto na kusala.

367 Mpe na zulu ya lufulu ya yayi, kana mu kwenda ntama, Mu ke kwisa kaka na Mpasi yina, nionso yina, kisalu ya mbasi na nkokila. Mpe ntangu yayi mu lenda sala yawu ve, mu lenda kwenda ntama mingi ve. Mu sonikaka yawu awa, na kulunsi, “telema awa,” beno me mona. Na yawu, kuna, mu—mu fwana vingila tii mbasi.

Ntangu yayi beto kulumusa bayintu ya beto mwa muniti fyoti.

368 Kana ve, nkundi ya munu ya ntalu, me—me ndima ve zola ya Nzambi yayi yina mu ke tubila! Kana ve. . . Beno kuwa yayi mbote-mbote ntangu yayi. Kana beno me ndima ve zola ya Yandi mpe kyadi, beno fwana telama na lweka lufundusu ya Yandi mpe ganzi.

369 Ntangu yayi, beno, na nkokila yayi, kele na kisika mosi yina Adam na Eve vwandaka na kati ya disamba ya Eden. Beno kele na muswa. Beno kele na kimpwanza na kusoola. Beno lenda kwenda na Yinti ya Luzingu, to beno lenda baka manaka ya lufundusu. Kasi, bubu yayi, na ntangu beno kele na mayele, na mabanza ya beno ya mbote, mpe beno kele na mavimpi ya mbote na—na kutelema mpe kundima yawu, samu na yinki beno ke sala mutindu yina ve kana beno me salaka yawu ve.

370 Ya kele na bantu yina na kati awa yina kele ntete ve, mutindu yina? Kana ya kele mutindu yina, beno zola kaka kutelemisa diboko ya beno? Beno tuba, “Sambila samu na munu, Mpangi Branham. Mu ntangu yayi zola kusala yawu. Mu zola ve yayi kukwiza.” Ntangu yayi beno bambuka moyo, bankundi. . . Nzambi sakumuna beno. Ya kele mbote. Mu me. . .

371 Yayi kele ve mabanza ya munu ya Yayi. Mu—mu. . . Yayi kele ve yina mu vwandaka banza; yayi kele nionso ya munu. Na yawu sadisa munu, Mpeve-Santu zaba yawu. Mpe beno vingila, kana

Mfumu zola, mbasi na nkokila, Mu zola talisa na beno mansweki yina me luta ntangu nionso, awa na lukutakanu yayi. Mu ke na maketi-keti ti beno me monaka yawu to ve, beno me mona, yina—yina ke salama. Yawu vwandaka kima yina me katuka awa na ntwala ya beno. Mpe mu talaka, konso nkokila, yayi, samu ti ya ke telama, samu na muntu yina ke tuba, “Mu me mona yawu.” Beno me mona?

<sup>372</sup> Beno balula Yawu ve, pardo, mu ke lomba beno; kana beno kele ve Muklisto, kana beno—beno kele ve na yisi ya Menga, kana beno kele ya kubutama ya mbala zole ve, ya kifuluka na Mpeve-Santu.

<sup>373</sup> Kana beno me salaka ntete ve funguna ya—ya Yesu Klisto, na kuvwandaka ya kubotama na Nkumbu ya Yandi, samu na kupesa kimbangi ya lufwa ya Yandi, luzikulu mpe mvumbukulu, ti beno me ndima, maza me yilama. Ba ke na kuingilaka. Beto ke pesaka bilele ya mbotika awa, mpe nionso kele ya kukubika.

<sup>374</sup> Klisto me telama kuna, na maboko ya yandi ya kuzibula, samu na kuyamba beno. Na ngunga mosi kubanda ntangu yayi, ti mawa yayi lendaka pesama na beno ve. Beno lenda bika yawu ntama na ntangu ya nsuka; ya ke simba diaka ve ntima ya beno. Na yina beno lenda, na yina beno lenda, samu na yinki beno lenda sala yawu ve? Ntangu yayi na yina . . .

<sup>375</sup> Mu zaba mutindu ya mumesanu, ya ke nata bantu na autel. Beto ke sala mutindu yina, mpe ya ke ya kulutila mbote. Na ntangu yayi, beto kele bantu mingi ya kuvwanda awa, kaka pene-pene ya autel, tii kuna mu lenda sala yawu ve.

<sup>376</sup> Kasi mu zola tuba yayi. Na kilumbu ya bantumwa, bawu ke tuba, “Bayina nionso kwikilaka bakaka mbotika.” Beno me mona? Kana beno lenda, ya kieleka, kuna na kati ya ntima ya beno! Yawu yayi. Ya kele ve—ya kele ve kuningana ya nzutu, ata ti kuningana ya nzutu ke tambulaka na yawu. Kaka mutindu mu tubaka, kunwa makaya mpe kunwa malafu kele disumu ve; ya ke kinama ya disumu; ya ke talisa ti beno ke kwikilaka ve. Beno me mona? Kasi ntangu beno ke kwikila kieleka na kati ya ntima ya beno, mpe beno zaba ti na zulu ya lufulu yina, kisika beno kele ya kuvwanda kuna, beno ke ndima yawu na ntima ya beno ya muvimba, kima mosi ke salama kaka kuna. Ya ke salama.

<sup>377</sup> Na yina beno lenda telama mutindu mhangi na yawu, ti kima kusalamaka. Na yina beno kwenda na masa, beno tuba, “Mu zola talisa na dibuundu, mu zola kusiamisa, mu zola pesa kimbangi ya munu, ti mu ke baka kisika ya munu na Kento ya makwela. Mu me telama awa ntangu yayi samu na kubaka mbotika.”

<sup>378</sup> Mu zaba ti ya kele na bakento mingi na yinza na nkokila yayi, bakento ya mbote, kasi mu kele na bayina mu ke kondwa mingi na kumona. Ya kele na mosi ya bawu yina kele kento ya munu. Yandi ke vutuka na yinzo na munu. Yandi vwandaka ve kento ya

munu, na kubanda; kasi mutindu yandi kumaka kento ya munu, yandi bakaka nkumbu ya munu.

<sup>379</sup> Yandi ke kwisa. Ya ke na bakento mingi, ya mabuundu, na yinza, kasi Yandi ke kwisa samu na Kento ya Yandi. Ba me bokila yandi na Nkumbu ya Yandi. “Bayina kele kati na Klisto Nzambi ke nata na Yandi.” Wapi mutindu beto ke kota na kati ya Yawu? “Na nzila ya Mpeve mosi beto nyonso kele ya kubotika na kati ya Nzutu.”

<sup>380</sup> Ntangu yayi na yina beto ke sambila, beno sambila, mpe. Na kati to na nganda, ya ke na bimvuka ya nene ya bantu na bivinga, na nganda, ya me telema pene-pene, na babala-bala. Kasi ntangu yayi na yina—na yina beno kele. . . Beto lenda ve kubokila beno awa na autel. Kasi, beno sala ntima ya beno, autel ya beno. Mpe kaka na kati ya ntima ya beno, beno tuba, “Mfumu Yesu, mu ke kwikila Yayi. Mu telemaka awa samu na kupema mupepe ya mpimpa. Mu me bikana ya kukweta, na mwa kivinga yayi. Mu me vwanda awa, na kati-kati ya bantu yayi. Mu—mu—mu—mu—mu zola vwanda ve. . . Mu lenda ve kubwa; mu lenda ve kusala yawu.”

<sup>381</sup> Nyonso, mutindu mu tubaka na beno mazono na nkokila, mpe, na yawu sadisa munu, Mfumu zaba ti mu ke na kutuba Kieleka. “Mu ke na kuvuna ve,” mutindu Paul tubaka. Vision yina, to nionso yina ya vwandaka; mu telemaka kuna, mu talaka, mpe mu simbaka bantu yina me kufwaka, kaka kieleka mutindu mu kele ya kutelama kaka awa. Beno kondwa yawu ve, mpangi ya munu ya bakala ya mputu to mpangi ya kento; beno sala yawu ve. Mu zaba ti beno kuwaka kulonga, beno kuwaka *yayi, yina*, mpe masolo, nyonso yina. Kasi beno bika. . . Beno kuwa kaka. Samu na munu, yayi kele. . . Mu zaba ti ya kele Kieleka, beno me mona. Beno kaka. . . Mu—mu—mu lenda ve kusungika yawu, beno me mona. Beno kondwa yawu ve. Ya kele nyonso ya beno.

Ntangu yayi beto sambila.

<sup>382</sup> Mfumu Yesu, awa na ntwala ya munu kele na bwati ya bamuswale yina ke talisa bantu ya kubela. Mutindu mu ke sambila na zulu ya bawu, mu ke tentika maboko na zulu ya bawu, mutindu Biblia ke tuba, “Ba vwandaka katula na nzutu ya Paul, bamuswale mpe bitenda ya bilele, bampeve ya yimbi basikaka na bantu, mpe bidimbu ya nene kusalamaka.”

<sup>383</sup> Samu ti, bawu monaka Paul, ti bawu zabaka Mpeve ya Nzambi vwandaka na kati ya yandi. Bawu zabaka ti yandi vwandaka—yandi vwandaka muntu ya nzenza, ti, bima yina yandi vwandaka zonzila, na yina me tala Ndinga. Yandi ke kwenda baka mpova ya ntama ya dibuundu ya Hébreux, mpe ke nata yawu na luzingu, mpe ke tula yawu na kati ya Klisto. Bawu zabaka ti Nzambi vwandaka na kati ya muntu yina. Na yina ba monaka Nzambi ke sala bisalu ya ngitukulu ya bisalu ya nene na nzila ya yandi, ke zabisa na ntwala bima mpe ya ke

salama mutindu yina, mpe bawu zaba ti yandi vwandaka kisadi ya Nzambi.

<sup>384</sup> Mfumu, mu ke sambila ti Nge ke zitisa bantu yayi samu na luzitu ya Ndinga, mpe ke belusa bawu samu na zola ya Yesu. Awa na kati ya kivinga, Mfumu, ya kele na bantu ya kuvwanda, kaka mutindu ya vwandaka yina kuwaka ntumwa Pierre na Kilumbu ya Pentecote. Mutindu yandi vutukaka na Ndinga, mpe bakaka Ndinga! Mpe yandi tubaka, “Joël ke tuba, na bilumbu ya nsuka bima yayi ke salama. Mpe Yayi kele yina.” Mpe mafunda tatu kwikilaka Yawu, mpe kuzwaka mbotika.

<sup>385</sup> Mpe, Tata, bubu yayi beto me telama awa na lemvo ya Nge. Mpe ya kele ve samu ti—ti ya kele bantu ya mutindu yankaka, kasi ya kele samu (kaka mutindu kilumbu ya nkosi, to ngombe, to muntu) ya kele ntangu ya ngononi. Ya kele kupakula ya ngunga. Ya kele ntangu yina beto ke na kuzinga. Ya kele kusalu ya Mpeve-Santu samu na ntangu yayi ya kuswaswana, samu na kusiamisa ti Yesu kele ya kufwa ve. Bima yina Yandi tubaka ti Yandi ke sala kaka na ntwala ya Bansemo ya nkokila ke pela dyaka ve, mpe awa beto me mona Yandi kusala yawu, kuna na nzila. Beto monaka Yandi kwisaka kuna na mayele ya bantu mpe kubaka foto ya Yandi; Dikunzi ya nene ya Tiya Yina twadisaka bana ya Israël; Yina kutanaka Paul na nzila.

<sup>386</sup> Mpe beto zaba, Dikunzi ya Tiya mosi yina twadisaka Moise kuna na ntoto ya kuyuma, na nzila ya Dikunzi ya Tiya mosi yina yandi sonikaka Babuku mingi ya Biblia, samu ti yandi vwandaka ya kupakulama na Ndinga.

<sup>387</sup> Dikunzi ya Tiya mosi yayi ke na kwiza na zulu ya Paul, na nzila ya Damas, yandi sonikaka Babuku mingi ya Biblia, yina ba me bokila Ndinga ya Nzambi.

<sup>388</sup> Mpe ntangu yayi, Mfumu, Dikunzi ya Tiya mosi yina, na nzila ya nzikisa ya Ndinga, mpe na nzila ya kusosa-sosa ya bantu ya mayele, beto ke mona Yawu awa ke monisa Ndinga ya Mfumu.

<sup>389</sup> Nzambi, bika bantu kuvumbuka na nswalu nionso, Mfumu, na nswalu nionso! Bayina kele na bankumbu ya bawu na Buku ya Luzingu; ntangu Yayi ke sema na nzila ya bawu, bika ti bawu kumona. Mutindu kento yina ya luzingu ya yimbi, na dibulu ya masa yina, yandi ndimaka na nswalu nionso, mpe yandi zabaka ti Yawu vwandaka Masonuku.

<sup>390</sup> Mpe ntangu yayi, Tata, mu ke sambila ti bayina nionso ke yamba Nge na ntangu yayi, na kati ya bantima ya bawu, ke sukisa yawu kukonda nsuka, na ngunga yayi, ti bawu me sukisa na disumu; yina ke telama mpe ke kubama ntangu yayi samu na kundima na meso ya bantu, mbotika na Nkumbu ya Yesu Klisto, samu na mulemvo ya masumu ya bawu; samu na kutalisa ti bawu ke kwikila ti Nzambi me lemvokila bawu, mpe bawu ke baka Nkumbu ya Yesu Klisto.



391 Na yina, Tata, tiamuna Mpeve-Santu, ya Mafuta, na zulu ya bawu, samu ti bawu tulama na kosalu ya Mfumu Nzambi, ti bawu lenda vwanda bampangi na kilumbu ya nsuka yayi, ya yimbi, samu ti beto me bakula ti me bikana kaka ntangu ya nkufi. Mpe Dibuundu lendaka kwenda na ntangu nyonso.

392 Mwana-dimeme lenda, na konso ntangu yina, ke bika kivinga ya santu na zulu Kuna, to Kiti ya kimfumu ya munkayulu, me basika na Kiti ya kimfumu ya Nzambi kisika munkayulu kele, mpe kuna ya me suka; ya kele dyaka ve na bivuvu samu na yinza; yandi me suka. Na yina yandi ke kwenda na kuningana, na ba-kuningana ya nene ya kuningana ya ntoto, mpe—mpe ba kuningana ya ngolo mutindu ya vwandaka na mvumbukulu. Mpe—mpe, . . .

393 Mutindu Klisto vumbukaka na ntoni, ntangu basantu ke vumbuka, kima ya mutindu mosi ke salama. Mfumu, ya lendaka vwanda na konso munuti yina. Beto ke vingila kilumbu yina ya kiese kukwisa.

394 Baka bana ya Nge na yisi ya diboko ya Nge, Tata, ntangu yayi. Nata bana ya mameme ya Nge na ntulu ya Nge. Pesa yawu. Mpe disa bawu na Ndinga, tii ba ke vwanda na ngolo ya kosalu. Beto ke pesa bawu na Nge ntangu yayi, Mfumu. Pesa mvutu na kisambu yayi.

395 Nge tubaka, Tata, kuna na Marc, kapu 11, “Ntangu beno ke sambila, beno telama na kusambilaka, beno kwikila ti beno me kuzwa yina beno me lomba, mpe beno ke kuzwa yawu.”

396 Mpe na ntima ya munu ya muvimba na Yandi yina vwandaka talisa bima yayi na nzila ya bamvula, mpe Bidimbu yayi awa na sabala yayi ya nsuka; Mu ke kwikila Nge, Mfumu Nzambi, ti ya kele ngunga, pene-pene ntangu yayi, pene-pene mingi kulutula yina beto ke na kubanza kieleka, na kubelama ya Nge.

397 Pardo bika ti kisambu ya munu kuzwa mvutu. Mpe bika ti bana ya Nzambi nionso yina ba me bokila, yina ke kuwa ntama kuna ndinga yayi awa, to ke simbama na bande yayi, bika ti na ntangu yina . . . mu ke lomba bawu samu na Kimfumu ya Nzambi, na zulu ya lufulu ya kuzaba ti yayi kele Ndinga yina me monisama pwelele. Bika ti Nsemo ya nkokila kusema, Tata. Mu ke pesa bawu na Nge, na Nkumbu ya Yesu. Amen.

398 Ntangu yayi, nionso, na kati to na ngaanda, yina ke kwikila, mpe beno me salaka ata fioti ve funguna ya beno—na ntwala ya bantu nyonso, ti beno me sukisa na disumu; mpe beno—beno ke zola mawa ya Nzambi, mpe beno me ndima yawu na Yesu Klisto. Baptistère . . . Ba ke kubama samu na kubotika muntu yina zola kubaka mbotika, bubu yayi to mbasi, kaka ntangu yayi to ntangu ya lendaka vwanda.

399 Beno ke sepela na Kidimbu ya Sambanu? [Dibuundu me tuba, “Amen.”—Mu.] Beno me mona kisika Yawu me zibuka na ntangu yayi? [“Amen.”] Beno me kwikila Yawu? [“Amen.”]

400 Ya me tuba, “Nani me kwikila kimbangi ya beto? Mpe na nani diboko ya Mfumu me monisama?” Beno me mona? Beno kwikila kimbangi, kuna diboko ya Mfumu me monisama. Diboko, Ndinga ya Nzambi, me monisama.

401 Kana Mfumu zola ntangu yayi, mbasi na suka, mu ke meka na mutindu nyonso na kupesa bamvutu na bakyuvu yina. Mu ke lutisa ntangu ya nkokila, mpe, to mingi kati na yawu, na bisambu, na zulu ya bawu. Mu ke na kukumaka pene ya bangunga tatu na nkokila mosi. Mu kwendaka ve na mbeto mazono na nkokila tii ngunga mosi, mpe na ngunga tatu mu vwandaka longuka. Beno me mona? Beno me mona?

402 Mu ke pesa mvutu samu na yayi. Ya kieleka. Ntangu me luta mingi samu na kusala nionso beto me zola, kutuba buzoba, to kubanza, to kukwikila na kitini. Mu fwana mona yawu, ntete. Mpe na yina, ntangu mu ke mona yawu, ya fwana vwanda na kati ya Ndinga, diaka. Mpe ntama mingi ve, na lemvo ya Nzambi, ba ke na mutindu ya kulunga. Mu me basisa yawu na mutindu nionso, beno zaba yawu, mpe ya ke—ya ke vukana mbote.

403 Ya fwana vwanda MUTINDU ME TUBA MFUMU. Samu, ya kele kaka ve mutindu ya ke tuba Yawu na munu na kuzabaka Yawu, munu mosi, kasi Ndinga ya Mfumu kele MUTINDU ME TUBA MFUMU. Mpe awa kele Ndinga, yina ke na kubaka yina Yandi me pesa munu, mpe ke vukisa Yawu kintwadi mpe ke na kulakisa beno. Na yawu beno zaba, beno mosi, ya kele MUTINDU ME TUBA MFUMU. Beno me mona?

404 Awa kele Ndinga, ke tuba yawu. Mpe kuna luzayikisu yina Yandi ke pesa munu, yina kele ya kuswaswana na yina nionso ya beto me banzaka ntete; samu na yinki, ya kuswaswana na yina mu banzaka, samu ti mu me kwendaka ata fioti ve na Yawu mutindu yina. Kasi ntangu yayi, beto ke mona, yawu me vwanda kintwadi. Mpe yinki Yawu kele? Yawu kele MUTINDU ME TUBA MFUMU. Beno me mona? Ya kieleka. Yawu ke kisika mosi me zibuka, yawu me salama kuna, na ngunga yayi, mpe na yawu Mfumu me kwisa mpe ke na kupasula Yawu. Na yawu, beno me mona, Yawu yayi. Yawu, Yawu—yawu kele Mfumu. Oh, mu zola Yandi! Mu zola Yandi na ntima ya munu ya muvimba.

405 Ntangu yayi beno bambuka moyo, beno . . . Beto lenda kwisa ve na autel. Bantu mingi telemisaka maboko ya bawu na zulu. Ntangu yayi, beno me mona, yawu ke diambu ya muntu mosi, na beno. Yawu ke konso kima yina beno zola sala. Beno me mona?

406 Ngunga me kuma pene-pene mingi, beno fwana sala nswalu na ngolo nionso mutindu beno lendaka sala, ba lendaka ve kutindika beno. Beno me mona, mu ke na kusala kingolo-ngolo, kumeka kukota, “Mfumu, kubika munu ve kubasika. Kubika

munu ve, Mfumu. Bielo ke na kukangama; kana mu lenda kota!”  
Beno me mona?

407 Nzambi ke kanga kielo kilumbu mosi. Yandi salaka yawu na kilumbu ya Noé, mpe ba vwandaka bula na kielo. [Mpangi Branham me konkota na chaire bambala mingi—Mu.] Ya kieleka?

408 Ntangu yayi beno bambuka moyo, Biblia ke tuba, ti, “Na kutala ya sambwadi.” Ya kele kieleka? Bayankaka me lala na montele ya ntete, ya zole, ya yiya, ya tanu, ya sambanu, ya sambanu. Kasi, na kutala ya sambwadi, kuna me kwiza nsamunu, “Bakala ya makwela ke na kwiza! Beno kwenda kutana na Yandi.”

409 Bamwense ya kulala tubaka, “Beno tuba, mu ke zola kuzwa ndambu ya Mafuta yina ntangu yayi.”

410 Kento ya makwela ke tuba, “Mu kele kaka ya kulunga samu na munu mosi; mu kele kaka na ya kulunga. Kana beno zola Yawu, beno kwenda sambila Yawu.”

411 Beno ke mona ve mwense ya kulala ntangu yayi? Beno tala ba-Episekopo, Presbytérien, Luthérien, mpe nyonso, ke na kumekaka. Mpe mpasi ya yawu kele, na kisika ya kumeka kuzwa Mpeve-Santu, bawu ke na kumekaka na kuzonza na bandinga.

412 Mpe mingi na kati ya bawu ke tubaka na bandinga, mpe ba ke na nsoni ya kukwisa na yinzo-Nzambi yayi samu ba sambila bawu; zola ti mu kwisa na yinzo ya bawu mpe kusambila samu na bawu. Beno ke bokilaka yawu Mpeve-Santu? Yina ke tuba na bandinga, kasi Mpeve-Santu ve. Beno me mona?

413 Ntangu yayi, mu ke kwikila ti Mpeve-Santu ke tubaka na bandinga. Beno zaba ti mu ke kwikilaka yawu, beno me mona. Kasi ya kele na kima yina ke sadilaka Yawu, mpe. Yinga, tata. Bambuma ya Mpeve, yina ke lakisa yina Yawu kele. Bambuma ya yinti ke lakisa wapi mutindu ya yinti ya kele. Ve mpusu; mbuma!

414 Ntangu yayi beno tala, na yina, ntangu yandi kwisaka, ngunga yina—yina ya nsuka. Mpe kuna, ntangu bawu kumaka, kuna bawu kwendaka mpe tubaka, “Mbote, mu banza ti mu me kuzwa Yawu ntangu yayi. Mu banza ti mu me kuzwa Yawu. Yinga, beto ke na kubakula Yawu.”

415 Mu—mu—mu ke tuba yayi ve, beno me mona, samu ya ke sala muvusu. Ntangu mu tubaka kilumbu yina, Enlevement, wapi mutindu Yawu ke salama, mu—mu. . . Ntangu yayi, kana beno tuba ti beno—beno ke baka yawu, mbote mingi. [Dibuundu me tuba, “Amen.”—Mu.] Beno tala. Beno tala mbote. Mbote, ya me tala beno.

416 Ntangu mwense yina ya kulala, beno me mona, yina vwandaka banza ti ba sambilaka yandi, samu na kuvutuka, Kento ya makwela me kufwa. Yawu kwendaka, mpe yandi zabaka yawu ve; mutindu muyibi na mpimpa. Na manima

bawu bandaka na kusala na bielo. Mpe yinki salamaka? Yinki salamaka? Bawu kotaka na ntangu ya Lukwamusu. Biblia ke tuba, “Ya ke vwanda na kudila, mpe manyongo, mpe kukwetisa meno.” Ya kieleka?

417 Ntangu ya ke vwanda, mpangi ya bakala, mpangi ya kento, mu zaba ve. Kasi, mu—mu, ya lenda vwanda kaka munu awa, ntangu yayi, beno me mona. Yayi, yayi kele yina. . . Yayi kele dibanza ya munu. Beno me mona? Mu—mu—mu ke kwikila ti ya me kuma pene-pene mingi, mu—mu kele. . . Konso kilumbu mu—mu ke zola. . . Mu ke na kumeka na kutambula na pima nionso mutindu mu lenda sala. Beno me mona? Mpe ntangu yayi ntangu, beno zaba, ntangu. . .

418 Kima mosi salamaka bubu yayi, mpe mu monaka kima mosi ke mata. Mu—mu kaka. . . Mu lunga pema diaka ve, beno me mona. Kuna Yandi vwandaka, ya kutelama kuna, mwa Nsemo yango ya kutelama kaka kuna. Mpe awa Yawu vwandaka. Mu zaba ti ya kele Kieleka.

419 Mu banzaka, “O Nzambi, mu lenda tuba yawu ve. Mu—mu lenda tuba yawu ve. Mu lenda ve.” Mu me basika kaka na kivinga, mu me basika, me belama mpe me kulumuka. Mpangi-bakala, mu banzaka, “Oh! Yinki mu lenda sala? Oh!” Beno me mona? Mpe mu—mu fwana kwenda loba, to kima mosi, to mu. . . Mwana-bakala, nge ke. . . nge. . . mu lenda tuba na nge ve. Beno me mona?

420 Na yina, beto kele na ntangu ya mbote. Beto ve? Lukumu na Mfumu! Amen! Beno me mona? Beto kele na—beto kele na ntangu ya nene, beno me mona, samu ntima ya munu me fuluka na kiese mpe kiese.

421 Kasi ntangu mu ke banza na yinza yayi mpe mafunda yina mu zaba ti ya me zimbana, kivudi ya ndombe, hum, na yina ntima ya beno ke dila kaka. “Yinki beno lenda sala? Yinki beno lenda sala?” Beno ke kuwa Mpeve-Santu ke boka, na kati ya ntima ya beno. Mutindu ya zolaka vwanda na Mfumu ya beto, ntangu Yandi talaka kuna na zulu ya Jérusalem, bantu ya Yandi Mosi, beno me mona, yandi tubaka, “Jérusalem, Jérusalem, bambala yikwa mu me zola kuvukisa nge, mutindu nsusu ke bumbaka bana ya yandi, kasi nge ke zolaka ve.” Beno ke kuwa Mpeve-Santu ke tuba, “Mbala yikwa mu me vukisaka beno, beno me mona, kasi beno ke zola ve.” Beno me mona?

422 Beto kele, beto kele kaka awa na kima mosi, bankundi. Nionso yina ya kele, Nzambi zaba. Muntu mosi ve, muntu mosi ve kuzaba ntangu ya ke salama. Yina kele kinsweki. Muntu mosi ve zaba ntangu ya ke salama.

423 Kasi Yesu tubaka na beto, “Ntangu beno ke mona bima yayi, bima nionso yayi.” Kaka mutindu mu vwandaka sala, mu vwandaka fwanikisa Kidimbu ya Sambanu, na yina Yandi tubaka na Matthieu 24. Ntangu yayi beno bambuka moyo na yina

Yandi tubaka, “Ntangu beno ke mona bima yayi kusalama, na kubanda ntangu me kuma na kielo.” Beno tala mbote nzila yina ke landa, 30—nzila ya 30 mpe 31 na yina bawu vwandaka luta, na 32, na banzila ya 33.

424 Yandi tubaka, “Mpe Yandi ke tinda bawanzio ya Yandi na bansongi yiya ya mazulu, na mipepe yiya, samu na kuvukisa Muponami ya Yandi.” Ya kieleka?

Yandi tubaka, “Ntangu yayi longuka . . .”

425 Ntangu yayi beno bambuka moyo, Yandi telamaka kaka kuna. Ata mbala mosi ve ti Yandi kwendaka na ntwala, na manima ya Kidimbu ya Sambanu. Ata mbala mosi ve ti Yandi tubaka kima na Sambwadi. Yandi tubaka ya Ntete, ya Zole, ya Tatu, ya Yiya, ya Tanu, mpe ya Sambanu. Kasi Yandi telamaka kuna, ata mbala mosi ve zonzaka na zulu ya kima na yina me tala Yawu.

426 Beno tala mbote kima yankaka yina Yandi tubaka, “Ntangu yayi beno bakula kingana.” Beno me mona? Na yina Yandi bandaka na kingana. Yandi tubaka, “Bima yayi ke vwanda.”

427 Yandi ke na kupesa yawu bakyuvu tatu. “Yinki ke vwanda . . . bidimbu yayi? Mpe yinki ke vwanda kidimbu ya Nkwizulu ya Nge? Yinki ke vwanda kidimbu, ya nsuka ya yinza?”

428 Mpe Mosi ya Sambanu, kuna, vwandaka nsuka ya yinza. Mpe muningu ya wanzio ya sambwadi . . . “Me telemisa maboko, mpe me zenga ndefi na Yandi ti ke zinga kukonda nsuka mpe ntangu nyonso, ti ntangu ke vwanda dyaka ve.” Ntoto ke butaka lubutuku ya malu-malu. Yawu me mana.

429 Mpe beto me kuma kisika yango, awa na kielo. Oh, mu ke tekita. “Mpe yinki mu ke sala, Mfumu? Yinki—yinki mu lunga sala?” Beno me mona? Mpe, na yina, beno banza kaka na kumona kisika yina mpe bantu yina ya ntalu! Mu telemaka kuna, mu talaka munu mosi. Mpe mu banzaka, “O Nzambi, mpamba ve, bawu—bawu lunga kondwa yayi ve. Mu—mu—mu fwana vutula bawu. Mu fwana kota kaka na kati ya kivinga mpe kuzwa yawu, mpe kubula.” Beno lenda sala yawu ve. Beno . . .

430 “Mpe muntu ve lenda kwiza kana Tata ya Munu kubenda yandi.” Kasi beto me kuma kisika yango, “Bayina nionso Tata me pesa Munu ke kwisa.”

431 Kasi bayankaka na kati ya bawu, na ba-organisation yina, ke tala na bawu mutindu yina, beno me mona. “Mpe yandi vunaka bayina nionso vwandaka zinga, zingaka na zulu ya ntoto, yina bankumbu kele ve ya kusonama na kati ya Buku ya Luzingu ya Mwana-dimeme yina, kufwaka katuka mbandukulu ya yinza.” Oh, la la! Na yina, beno me mona, ya kele kima ya mawa.

432 Kima mosi kaka beno lunga sala kele—kaka—kaka—kaka kubikala kaka na Ndinga. Beno tala mbote nionso yina Yandi

ke tuba ke sala, mpe na yawu beno sala mutindu yina. Beno me mona? Nionso yina Yandi ke tuba na kusala; beno sala mutindu yina.

433 Mpe beno ke tala kuna, mpe ke tuba, “Oh, la la! Bawu ke sala yayi, na yina. . . Oh!” Ya kele kaka. . .

434 Beno ke bakula ve wapi mutindu ya tension! Ntangu yayi mu zola tuba yayi. Mu banza ti ba me kanga ba-bande. Bantu mingi ke tubaka, “Mpangi Branham, na ministere ya mutindu yina. . .” (Mu fwana sala keba, samu bantu ke bakaka kaka ba-bande yayi mpe ke meka na kubaka yawu na bitini-bitini, beno zaba.) Na yawu ntangu bawu ke tuba, “Mpangi Branham, mu zola ti beto vwanda na ministere,” beno zaba ve yina beno ke tuba. Nge, ya kieleka, nge zaba ve yina ke tambula na yawu, mpangi-bakala, mpangi-kento. Oh, la la! Mpe kizitu, ntangu beno kele na bantu yina ke kangama na yina beno ke tuba! Beno bambuka moyo, kana beno tuba na bawu yimbi, Nzambi ke tula menga ya bawu na maboko ya beno. Na yina, beno banza na yawu. Ya kele kima ya mpasi.

435 Na yawu, beno vwanda na zola. Beno zola Yesu na ntima ya beno ya muvimba. Ku- . . . Vwanda ya kukikulumusa. Kumeka ve—kumeka kubakula kima mosi. Vwanda ya kukikulumusa, na ntwala ya Nzambi. Samu, kulutila yina beno ke meka na kubakula, ntama beno ke kwenda ntama na Yandi. Beno me mona? Beno kwikila kaka na Yandi.

Beno tuba, “Ntangu yayi, mbote, wapi ntangu Yandi ke kwisa?”

436 Kana Yandi me kwisa bubu yayi, mbote mingi. Kana Yandi me kwisa na bamvula makumi zole na kubanda ntangu yayi, ya ke kaka mbote. Mu ke kwenda kaka mutindu mu ke kwenda ntangu yayi, na kulandaka Yandi. “Mfumu, kana Nge lenda sadila munu konso kisika yina, munu yandi yayi, Mfumu.” Kana ya ke vwanda na manima bamvula nkama mosi, kana nkooko ya nkooko ya nkooko ya nkooko ya nkooko ke zinga diaka samu na kumona yawu kukwisa, bika ti. . . “Mfumu, mu zaba ve ntangu ya ke vwanda, kasi bika mu tambula kaka mbote bubu yayi, na Nge.” Beno me mona? Mu—mu zola. . . Samu, mu—mu ke vumbuka na kilumbu yina, kaka mutindu mu bakaka mwa mpongi kisika mosi kuna.

437 Ntangu mu vwandaka kwisa kuna, yinzo ya kimfumu yina kuna, Kimfumu ya Nzambi yina kuna, sika wapi vwandaka ntwenya nionso, kisika bilele ya mpembe kele dezia! Babakala mpe bakento me soba, na kitoko, ya kele kieleka ya—ya bakala ya kitoko mpe kento ya kitoko! Mu vwandaka ya kutelama kuna na kitoko nyonso mpe ntela ya ntwenya ya kento mpe ntwenya ya bakala, ya kutelama kuna! Mpe lenda ata mbala mosi ve kuma kiboba, ata mbala mosi ve lenda vwanda musumuki, ata mbala

mosi ve lenda vwanda na kima ya musoki, to kimbeni, to kima nyonso! Oh, la la!

438 Mu banza ti ba me kanga ba-bande ntangu yayi. Mpe mu—mu me baka kaka bamuniti tatu to yiya. Mu zola kuzonzila beno. Ya kele mbote? Ntangu yayi, yayi kele kaka munu mosi, beno me mona. Samu ti, mbasi, mu—mu . . . Ya ke vwanda nene mingi! Mu banza ti mu ke tuba yawu kaka ntangu yayi, beno me mona, yina mu ke tuba. Mu . . . Yayi kele samu na beto ntangu yayi. Mu vwandaka kaka . . .

439 Beno zaba, mu—mu ke na kento yina mu ke zolaka, mpe ya kele Meda. Mpe mu—mu zolaka kaka ve kukwela yandi, samu na zola ya munu ya ntete. Mpe kasi, na yina mu me kutana na yandi, mu—mu zolaka kwela yandi ve kana ya vwandaka ve Nzambi me tuba na munu na kusala yawu. Mpe beno zaba disolo ya yawu; mutindu yandi kwendaka na kusambila, mpe mutindu mu salaka. Mpe kuna Yandi tubaka na munu kieleka yinki ya kusala, mpe, “Beni kwenda, kwela yandi,” mpe ya kulunga na kusala yawu. Yandi kele kento mosi ya luzolo. Mpe yandi ke na kusambila samu na munu na nkokila yayi. Mpe na yina ntangu yayi ya kele ngunga ya nana, na yinzo, yandi ke na kusambila ntangu yayi.

440 Ntangu yayi beno tala. Kilumbu mosi yandi tubaka na munu, yandi tubaka, “Bill,” yandi tubaka, “Mu zola kaka kuyufula nge kiuvu mosi na yina me tala Zulu.”

Mu tubaka, “Mbote mingi, Meda, yinki yawu kele?”

Yandi tubaka, “Nge zaba ti mu zola nge.”

441 Mpe mu tubaka, “Yinga.” Ya vwandaka kaka na manima ya yayi kusalamaka awa.

Yandi tubaka, “Nge zaba ti Hope me zola nge, mpe.”

Mu tubaka, “Yinga.”

442 Mpe yandi tubaka, “Ntangu yayi,” yandi tubaka, “Mu banza ve ti mu ke vwanda na musoki,” yandi tubaka, “kasi Hope vwandaka.” Mpe yandi tubaka, “Ntangu yayi, ntangu beto ke kuma na Mazulu . . . Mpe nge tubaka ti nge monaka yandi kuna.”

443 Mu tubaka, “Yandi vwandaka kuna. Mu monaka yandi. Mu monaka yandi bambala zole, kuna.” Yandi kele kuna. Yandi ke na kuingila ti mu kwisa. Mutindu yina . . . Mutindu mosi Sharon. Mu monaka yandi, mutindu mosi kaka mu ke tala nge. Mu monaka yandi kuna. Mpe mu tubaka . . .

444 Yandi tubaka, “Mbote, ntangu yayi, ntangu beto ke kuma kuna,” yandi tubaka, “nani ke vwanda kento ya nge?”

445 Mu tubaka, “Beni zole. Ya ke vwanda na muntu ve, beno me mona, ata mpe beno zole ke vwanda.”

Yandi tubaka, “Mu ke na kubakula yawu ve.”

446 Mu tubaka, “Ntangu yayi, cherie, vwanda kuna, bika mu tendula kima mosi na nge.” Mu tubaka, “Ntangu yayi, mu zaba ti nge zola munu, mpe nge zaba mutindu mu zola nge, mpe luzitu mpe lukumu. Ntangu yayi, mumbandu, yinki kana mu me lwata, mu kwendaka na mbanza mosi; mpe mwa kento mosi ya pité, kitoko mingi, mpe yandi kwisa mpe yandi tula maboko ya yandi na zulu ya munu, mpe yandi ke tuba, ‘Oh, Mpangi Branham, ya kieleka mu zola nge,’ yandi ke banda na kuntetika maboko ya yandi na nkingu ya munu mpe yandi banda na kusimba munu. Yinki nge ke banza?”

Yandi tubaka, “Mu banza ve ti mu ke vwanda mbote mingi.”

447 Mpe mu tubaka, “Mu zola yufula nge kima mosi. Beno . . . Nani beno ke zolaka ya kulutila, kana ya zolaka vwanda na kumekama, munu to Mfumu Yesu?” Ntangu yayi, yina kele kaka dibuta, ke tuba.

448 Mpe yandi tubaka, “Mfumu Yesu.” Yandi tubaka, “Yinga, Bill, mutindu mingi mu ke zolaka nge, kasi, na ntwala mu kanga Yandi, mu ke bika nge.”

449 Mu tubaka, “Matondo na nge, cherie. Mu ke na kiese na kuwa nge kutuba mutindu yina ntangu yayi.” Mu tubaka, “Ntangu yayi, yinki ke salama kana mwa kento yina mosi kukwisa na Yesu mpe yandi losa maboko ya yandi na zulu ya Yandi, tuba, ‘Yesu, mu zola Nge,’ yinki nge ke banza samu na yawu?”

Yandi tubaka, “Mu ke sepela na yawu.”

450 Beno me mona, ya ke soba kubanda na agapao. Beno me mona, ya kele Zola ya kulutila zulu. Beno me mona? Mpe ya kele ve na kima mutindu bakala na kento, mutindu . . . mpe na kudikisa bana. Nionso me kwenda, bakento na sexe ya bakala. Ba-glande kele nionso . . . Bawu nionso kele mutindu mosi, kuna. Beno me mona? Ya kele dyaka ve na mosi ya yawu, ata fyoti ve. Beno me mona, ya kele ve na kima ya kuvukisa banzutu na nyonso, ve na mutindu nyonso. Beno me mona? Nge kele kaka . . . Yinga, tata. Banza kaka na nge mosi kukondwa nsatu ya kuvukisa banzutu. Kikuma ba tulaka bawu na kati ya beto samu na kufulusa ntoto, beno me mona. Kasi, Kuna, ya ke vwanda ve Kuna. Ya ke vwanda na ata glande ya bakala ve to glande ya kento. Ve.

451 Kasi ntela ya Nzambi ke vwanda kuna. Ya kieleka. Kasi ya kieleka beto ke vwanda ya kieleka. Philéo ve—ve, ata fioti; nionso agapao. Beno me mona? Na yina, kento ya munu ke vwanda ya kulutila ve na kima mosi ya luzolo yina—yina kele ya nge, mpe yandi . . . Beno kele mosi na yankaka. Ya kele ve na kima mutindu . . . Ve, ve, ya kele kwandi ve . . . Beno me mona, ndambu ya philéo kele kuna ve ata fioti. Beno me mona, ya lenda vwanda ve na kima mosi mutindu musoki; kima mosi ve na kuvwanda na musoki. Ya kele na kima ya mutindu yina ve kuna. Beno zaba ve



kima ya mutindu yina. Beno me mona? Mpe kaka ntwenya mosi ya bakala ya luzolo mpe ya bakento, na kuzinga.

Na yawu, na manima, yandi tubaka, “Mu me mona yawu ntangu yayi, Bill.”

Mu tubaka, “Yinga.”

<sup>452</sup> Mu zola kutuba na beno mwa kima me salama. Yayi vwandaka ndosi. Mu vwandaka ya kulala. Mpe mu me tubaka ntete ve mambu yayi na ntwala ya bantu nyonso. Mu tubaka yawu na bantu zole, kasi na ntwala ya bantu nionso ve, mutindu mu zaba.

<sup>453</sup> Mu—mu lotaka, pene ya ngonda mosi na manima ya yina, ti mu vwandaka ya kutelema, kilumbu mosi, mpe mu vwandaka tala ntangu ya nene yina . . . Ve lufundusu, ntangu yayi. Mu ke kwikila ve ti Dibuundu ke kwisaka, (mu zola tuba, Kento ya makwela), ke kwenda na lusambusu. Kasi, mu vwandaka kuna ntangu ba pesaka yimpu ya kimfumu, beno me mona. Mpe Kiti ya kimfumu ya nene—ya nene ya yinda ya kuvwanda na zulu *awa*. Mpe Yesu mpe Wanzio yina vwandaka tuba, mpe nionso, vwandaka ya kutelama kuna. Mpe ya vwandaka na bimatinu, mutindu, yina, kulumukaka lweka *yayi*, ya bakazaka ya mpembe ya munu; ya vwandaka kulumuka, mutindu selekele, ya vwandaka na matalana ya nene mutindu *yayi*, mpe ya vwandaka panzana, na yawu makesa yayi nionso ya nene vwandaka kuna lendaka mona yina vwandaka salama.

<sup>454</sup> Mpe mu ke telama, kuna na lweka mosi. Mpe mu vwandaka kaka ya kutelama kuna, mu vwandaka zaba ve mabanza ti mu zolaka tambula. Mu vwandaka ya kutelama kuna. Mu vwandaka me mona . . .

<sup>455</sup> Wanzio yina vwandaka simba buku vwandaka bokila nkumbu mosi; mpe mu vwandaka zaba, mu vwandaka zaba nkumbu yina. Mu talaka, mpe kuna na manima, awa me kwiza mpangi ya bakala, na kutambulaka na mpangi ya kento, yandi me belama na nge, mutindu yina. Wanzio yina vwandaka simba buku vwandaka ya kutelama na lweka ya Klisto, (ya vwandaka kaka ndosi), mpe Yandi vwandaka tala. Mpe nkumbu ya bawu vwandaka kuna, ba monaka yawu na kati ya Buku ya Luzingu; Yandi ke tala na lweka ya bawu, mpe ke tuba, “Ya vwandaka—ya vwandaka ya kusala, kisadi ya Munu ya mbote mpe ya kukwikama. Ntangu yayi beno kota.”

<sup>456</sup> Mu talaka na manima, kisika ba vwandaka kwenda. Ya vwandaka na yinza ya malu-malu, mpe bakyese. Mpe yandi tubaka, “Kota na biese ya Mfumu, yina me—yina me vwanda samu na nge kubanda mbatukulu ya yinza.” Beno me mona? Mpe, oh, mu banzaka . . . Ba ke luta kuna, mpe ke kutana na mosi na yankaka, mpe ke yangalala kaka, mpe ba vwandaka kwenda na zulu ya myongo mpe na bisika ya nene.

457 Kasi mu banzaka, “Oh, ya ke kitoko ve! Nkembo! Alleluia!” Mu ke pamuka na zulu mpe na ntoto!

458 Na yina mu ke kuwa nkumbu yankaka yina ba ke bokila. Mu banza, “Oh, mu zaba yandi. Mu zaba yandi. Mu . . . Kuna, yandi yina ke na kukwenda, kuna.” Beno tala yandi mutindu yina.

“Kota na bakyese ya Mfumu, ya mbote mpe. . .”

“Oh,” mu ke tuba, “nkembo na Nzambi! Nkembo na Nzambi!”

Beto tuba kaka, mumbandu, mutindu ba ke tuba, “To Orman Neville,” beno me mona.

459 Mpe kuna mu ke tuba, “Ya kele kiboba ya Mpangi Neville. Yandi yayi.” Beno me mona? Mpe awa yandi me kwisa, nkonga ya bantu, me kwenda.

460 Ntangu yayi Yandi tubaka, “Kota na bakyese ya Mfumu, yina ba kubikaka samu na beno kubanda mbatukulu ya yinza. Kota.” Mpe kiboba ya Mpangi Neville me soba, mpe me banda kuna na kati, ke boka mpe ke boka.

461 Bakala, mu ke boka kaka mpe ke tuba, “Nkembo na Nzambi!” Mu vwandaka ya kutelama awa munu mosi, mu vwandaka kuzwa ntangu mosi ya mbote, mu vwandaka tala mbote bampangi ya munu kukwenda.

462 Mpe Wanzio mosi telemaka kuna, mpe tubaka, “William Branham.”

463 Mu banzaka ve ti mu lunga tambula mutindu yina. Na yawu mu vwandaka na boma. Mu banzaka, “Oh, la la! Mu lunga sala mutindu yina?” Na yawu mu kwendaka kuna. Mpe muntu nionso ke simba munu na . . . [Mpangi Branham me bula yandi mosi bambala mingi—Mu.] “Mbote, Mpangi Branham! Nzambi sakumuna nge, Mpangi Branham!” Simba munu mutindu mu ke kwenda na ntwala, na kati ya nkonga ya bantu ya nene mingi. Mpe bawu nyonso vwandaka tanda maboko na zulu mpe kubula munu fyoti na mukongo mutindu *yina*. “Nzambi sakumuna nge, mpangi-bakala! Nzambi sakumuna nge, mpangi-bakala!”

464 Mu vwandaka kwenda. Mu tubaka, “Matondo na nge. Matondo na nge. Matondo na nge.” Mutindu beto vwandaka basika na lukutakanu, to kima mosi, beno zaba.

465 Mpe mu zolaka tambula na ba-chambre yayi ya nene. Mu bandaka na kutambula na zulu kuna. Mpe kaka na ntangu mu vwandaka sala kitini ya ntete, mu telemaka. Mpe mu banzaka . . . Mu talaka kizizi ya Yandi. Mu banzaka, “Mu zola tala Yandi na mutindu yayi.” Mpe mu telemaka.

466 Mu vwandaka na maboko ya munu mutindu *yayi*. Mu kuwaka kima mosi na diboko ya munu *awa*. Ya vwandaka diboko ya muntu yankaka. Mu talaka ndambu, mpe kuna vwandaka Hope; meso yina ya nene ya ndombe, mpe bansuki yina ya

ndombe vwandaka diembela na manima, robe ya mpembe; ke tala munu mutindu yina. Mu tubaka, “Hope!”

467 Mu monaka kima mosi bulaka diboko *yayi*. Mu talaka ndambu na ndambu, mpe ya vwandaka na Meda; meso yina ya ndombe talaka na zulu, mpe bansuki yina ya ndombe, robe ya mpembe. Mpe mu tubaka, “Meda!”

468 Mpe bawu talaka mosi na yankaka, beno zaba, mutindu yina. Bawu vwandaka . . . Mu bakaka bawu na maboko ya munu, mpe beto kwendaka, na Yinzò.

469 Mu vumbukaka. Oh, mu vumbukaka na mpongi. Mpe mu—mu telemaka mpe vwandaka na kiti, mpe mu dilaka, beno zaba. Mu banzaka, “O Nzambi, mu banza ti ya ke kwisa mutindu yina.” Bawu zole ke vwanda kintwadi na munu na luzingu, mpe ke nata bana, mpe bima ya mutindu yina; mpe awa beto kele, ke na kutambulaka na yinza ya malu-malu, oh, la la, kisika ya kulunga mpe nyonso. Ve, kima ve . . .

470 Oh, ya ke vwanda kima mosi ya kitoko! Beno kondwa yawu ve. Beno kondwa yawu ve. Na nzila ya lemvo ya Nzambi, beno sala nyonso yina beno lenda sala, mpe yina ke vwanda na Nzambi samu na kukeba na nyonso yina.

Mu zola Yandi, mu zola Yandi  
Samu Yandi zolaka munu ntete  
Mpe futaka mpulusu ya munu  
Na Calvaire

471 Beto yimbila yawu diaka, na ntima ya beto ya muvimba. Ntangu yayi beto telemisa meso ya beto na Nzambi.

Mu zola Yandi

[Mpangi Branham me bika chaire na kusambila samu na mpangi-kento, bampova ya yandi ke wakana ve—Mu.]

. . . zola Yandi  
Samu Yandi zolaka munu ntete  
Mpe futaka mpulusu ya munu  
Na yinti ya Calvaire.

472 Mbote mingi, ntangu yayi. Yandi vwandaka vingila ve kuzinga na nzila ya lukutakanu. Ya kele kieleka. Yandi yayi, maboko nyonso zole na zulu, ke kembila Nzambi. Kikuma yawu yina mu vwandaka tuba na beno ntangu ya yinda, mpe mu ke tuba na beno yina mu ke sala: Mu vwandaka zonzila na Meda na bayankaka, mpe ti mu vwandaka tala mbote, na kumona yinki . . . Mu vwandaka tala Nsemo yina vwandaka kwenda mpe ke vutuka, mpe ya kwendaka vwandaka na zulu ya yandi. Mu banzaka, “Yawu yina.” Oh, ya ke kitoko ve?

Mu zola Yandi, mu zola Yandi  
Samu Yandi zolaka munu ntete  
Mpe futaka mpulusu ya munu  
Na yinti ya Calvaire.

<sup>473</sup> Ntangu yayi, na bantima ya beto . . . [Mpangi Branham ke na kuyimba *Mu Zola Yandi*—Mu.] Beno banza kaka na mambote ya Yandi mpe mawa ya Yandi.

. . . Mu zola Yandi (Amen!)

. . . Yandi zolaka ntete . . .

<sup>474</sup> Ntangu yayi beno me mona bambala yikwa yawu kele mbote? Amen! Yawu yina. Ntangu yayi . . .? . . . Kwenda mpe vwanda na mavimpi ya mbote. Amen! Lemvo ya Nzambi me monika na nge, samu na kukumisa nge mbote. Amen.


Na yinti ya Calvaire.

Oh, nkembo na Nzambi!

Mu zola Yandi, . . .

Mbote mingi, pasteur ya beno.

Mu . . .

<sup>475</sup> [Muntu mosi me tuba, “Mpangi Branham, mbasi ke banda na ngunga ya yivwa na ndambu?”—Mu.] Yivwa na ndambu ya ngunga ya yivwa na ndambu. Ngunga ya yivwa, kisika mosi kuna na kati. [“Na manima ya madia ya suka? Na ngunga ya yivwa?”] Beno banda na ngunga ya yivwa. Mu ke banda na ngunga ya yivwa na ndambu. 

*KIDIMBU YA SAMBANU* KNG63-0323  
(The Sixth Seal)

BANDANDANI YA LUZAYIKISU YA BIDIMBU SAMBWADI

Nsangu yayi ya Mpangi William Marrion Branham, kulongamaka na Kingelesi, na Kilumbu ya sambanu na nkokila, na kilumbu ya 23 ya Ngonda ya tatu, na mvula 1963, na Branham Tabernacle na Jeffersonville, Indiana, U.S.A., yina bakamaka na bande manietiki mpe basisamaka na muvimba nionso na buku na Kingelesi. Lubangulu yayi na Kikongo basisamaka na buku mpe ba kabulaka yawu na Voice Of God Recordings.

KIKONGO-KITUBA

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kidadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)